





17

Ex Bibliotheca
majori Coll. Rom.
Societ. Jesu


65159

14-g. c. 13.

48

48


1875





PHYSICA

P. WOLTERI SCHOPEN.



PHYSICA ACROMATICA,

Sivè

DISPUTATIONES SCHOLASTICÆ,

Super Universam Materiam Na-
turalem clarâ brevitate & magnâ
claritate concinnatæ,

*Potissimum quidem ad mentem Do-
ctoris subtilis Scoti, sed in maximis diffi-
cultatibus sententiarum varietate pro genio
vera scientia amatorum
exornata.*



AUTHORE

P. WOLTERO SCHOPEN,

DE JULIACO,

Ord. Min. S. Francisci Conventualium, SS.

Theologiæ Doctore ac Professore in Conventu
Wratislaviensi p. t. studiorum Regente &c.

NISSÆ, Typis Joannis Josephi Krembsl,
ANNO M. DC. XCVII.




DEDICATIO.
ILLUSTRISSIMO EQUI
AC
DOMINO, DOMINO
BARTHOLOMÆO
GODEFRIDO

De Mattencloitt.

Hæreditario in Grûben & Sta-
nisch, Seren. Principis Francisci Lu-
dovici (Tit.) Magni Magistri Teutonici
ac Episcopi Wratisl. Consiliario intimo, nec
non supremo Cameræ Eiusdem
Directori &c.

PATRONO AC COGNATO
Observandissimo &c.

 Illustrissime Domine, ami-
citia pauperum certior
quàm divitum *Aug. l. I.*
de amicitia. unde Ambros. de Offic. l.
3. ait frequenter divites sunt sinè
amicis, quibus abundant paupe-
res: *causam præmittens*, quia vir-
tus est amicitia non quæstus:
sed nunquid donec eris fœlix multos

numerabis? quomodo vera quæ
definere posset? *Ambros. cit. igitur*
cùm omnis ratio & institutio
vitæ hominum adjumenta re-
quirat, 2. offic. quid subdolâ ac pal-
panti adulatione utendum? & san-
guine & animo junctum animæ
dimidium Aug. 3. Conf. Patronum
eligo, nam sæpe propter hono-
rem quorundam mutantur &
mores, & quos ante conglutina-
tos stirpe habuerunt, postquam
ad culmen honoris veniunt, fa-
miliares habere nolunt, Isid. de
summo bono. Turpe quidem dictu,
sed si modo vera fatemur, vulgus
amicitias utilitate probat; non sic
Cognate amantissime, de nostra a-
micitia omnis tollenda est suspi-
cio (Ἠνδὲ ποτε &c. nè sit arbiter in-
ter duos tertius) tecum enim qua-
si cum altero me loquor, Hyeron.

*in Epist. non sic inquam, nam nostra
conversatio superbiam nescit, qui
odit, quæstiones moveat, qui di-
ligit, si minor est, reverentiam
deferat: ecce ego & minor & ju-
nior obsequium præsto, sciens quidem
quòd & alia sit via dignitatis, à
viris sapientibus & bene à natura
constitutis diligi, at verò sufficit,
quod velle bene, audire à propinquis
sit hominis ingenti, ac liberaliter
educati 3. de finib. umbra illa ho-
noris alios antecedit, alios sequa-
tur, Senec. virtutis fama plus frā-
grat; quo sæpius, velut aroma,
frangitur. Plin. l. 7. sive ergò inge-
nio faveant, sive geniū foveant um-
bratici judices, præstat Evergetas
ditare, quàm ditescere Ælian.
quia melius apud bonos quàm
apud fortunatos beneficium col-
locari puto Cic. 2. offic. quòd si ta-*

men verum est beneficia dare qui nescit, injustè petit ea, Publ. Syrus, aut dedecus semper sumere, nihilque dare, Ovid. convenienter tribuo, quod attribuen, dum pridem erat, nil ego quin totum veteris sit gratia facti, Claud. in Panegyrico probi: habe ergo Cognate Honorandissime datum quod non est utile, Eccl. 20. nisi donum ante principes spatium faciat Prov. 18. interim quæ meminisse juvant nostrisq; nepotibus instant, Valer. Flacc. fortunam cum labore dividant, est enim rara virtus, quam non fortuna gubernat, Ovid. l. 5. de tristibus, proinde, cum sua cuiq; dies, breve & irreparabile tempus, Virgil. his posteritati contestatos relinquo affectus.

Illustrissimæ Dominationis Tuæ

Devotissimus

FR. WOLTERUS SCHOPEN, de Juliaco,

PRÆFATIO
AD LECTOREM.

E Tecce *Physicam acroamaticam*, id est, corpus naturale speculantem, porrigo; at non ab omnibus legendam, siquidem vix *Schediasmata* docentis & utentis *dialectica* obtuli, qua horis subsecivis in *eclogario* *ratiocinii* centuriaveram; ab aliis *feliciori* fortassis *acumine* succenturiata audiui; fateor *angulares* *discos* (*ideas* *Platonis* &c.) ex *antiquitatis* *ru-*
deribus & *parietinis* *conquisivi*; sed hac & *eius-*
modi *spicilegium* *messis*, aut *scohem* ex *auris-*
dina *arbitror*, & fortè *sagaciori* *nare* *leporem*
odorarem, nisi *mallem* *peliam* *recoquere*, quàm
insectari *feras*; interim *silapides* *duri* *sunt*, dic
ut *panes* *fiant*, me enim (*cum* *Caramuele* *lo-*
quor) *abripiunt* *nonnullæ* *opiniones*, quas
video à *Doctōribus* *reijci*, quas tamen tam
certas *ac* *claras* *existimo*, ut *auderem* *illas*
coram *Deo* *juramentō* *firmare*, & *carerem*
formidine, etiamsi *summa* *rerum* (*philoso-*
phicarum) *ab* *illarum* *veritate* *penderet*:
hinc *gannire* *pergant* *lividuli*, *credo* *quod* *hono-*
rem *proloquentur* *candidi* *psylli*, *sententiarum*
varietatem, & nisi *diceretur* (*ventos* *quoque*
nate *caveto*) *novitatem* *ultrō* *prosequar*, nam
non *placet* *Aristotelica* *prata* *physica* *gerris* *subar-*
randare, quin *potius* *epulas* *sinè* *alica* *instruxisse*
gestiam, si *sensibilia* *indivisibilia* *sinè* *promulsæ*
pro *fundamentis* *posuero*, *confidens* *lemmati*
A 5 petro-

petroniaco, hic spinas colliget, ille rosas; &
 antequam turres, quæ his fundamentis insistant,
 vento contradictionis exponantur, eadem fun-
 damenta explorari oportebit: scio me habitu-
 rum hoc passu adversarios, scio mentem istam
 exoticam dici, scio mella amara videri agrotis;
 at, qui sinceritate & prudentiâ regitur, non illa
 sed palmatum arguet; Etenim si à sensibus ad
 mentem transire licebit, angulares isti hæcenus
 reprobati, facili in caput anguli erigentur. Ce-
 terum & si expedit, ut moriatur unus pro milli-
 bus, non sum ego, sed qui venturus est post me, &
 ante me factus est, ipsa nempe veritas rerum ab
 initio & ante secula creata est, & usque ad fu-
 turum sæculum non desinet, de facto autem
 il n'y a rien de si aigu, qui ne rebrou-
 che contre le bouclier de la verité,
 inquit quidam ex Aug. vult dicere cum Greg. l.
 10. in cap. 12. Job, quæ falsa sunt vera osten-
 dere, mundi hujus est sapientia, quod de mo-
 ralibus dictum ad Physicam transfero, aut ma-
 gis ad litteram gallicam, nemo nunc tante pru-
 dentia, qui non erubesceret veritatem eloqui,
 qui non obmutesceret intuens inexpugnabile
 scutum sinceri animi; proinde candide Lector
 rigorem, si quis videbitur in carpendo alios, tuâ
 mansuetudine temperabis, veritatem verò æquò
 animò tolerabis, & quæ defectuosa fuerint hu-
 mane fragilitati, sin autem quid laude dignum,
 Divinitati adjudicabis. Vale

Censuras & Approbationes vide in Logica
 utente.

PRO-



PROLOGUS

IN PHYSICAM.

Logicâ docente, velut instru-
mendo, 1ciendi, absolutâ, pro-
bam quidem fecimus in mate-
ria dialectica plûs ardua quàm jucun-
da; at modo Physicam, id est, ex
græco *φύσις*, *naturæ* indagatricem fa-
cultatem tradentes, animum majori
dulcedine perfundemus, Eccles. qui-
dem inquit, quòd *Deus hanc pessimam*
occupationem dederit filiis hominum, ut
de omnibus, quæ sub sole sunt, sapienter
investigent; Os Aureum tamen testa-
tur, tantam hujus eruditionis utilita-
tem, quantam amænitàtem, dunta-
xat finis extrinsecus non sit vanitati
acquiescere, proinde ad Domini glo-
riam, qui propter se omnia operatus
est, nostræ Phycæ sit foelix initium.

DISPUTATIO UNICA.

*De Quidditate, Qualitate, & Fine
Physicæ.*

NOlo quidem compendium Physicæ
facere, sed unicam classẽ scientiæ
naturalis, prout eam delineavi ab
initio Alphabeti Philosophici, funditùs de-
clarare quippè scholasticam, prout hac
ætate in scholis tradi solet.

QUÆSTIO I.

An Physica sit Scientia?

Dico: Physica scholastica est quidem
scientia rigorosa, sed non distincta à
scientia idearum; ita sentio cum Divino
Platone, Socrate, Archisilla, Sensippo, Ze-
nocrate, Palemone, Crate & alijs quos vo-
cant Acadêmicos: Contra modernos phi-
losophos *quoad Nomen*, nam ostendam
quòd in re omnes conveniant. Pro quo

Sciendum ac recolendum est ex Logica,
quid sit scientia, & quòd omnium rerum
essentiæ fuerint æternæ & ideæ (sive di-
stinctæ à Deo, ut defendi, sive indistinctæ,
ut alij) item quòd Plato docuerit non dari
scientiam nisi de ideis, & hinc neque Physi-
cam autumat scientiam, nisi in quantum
agit de ideis rerum naturalium, cui non so-
lùm ego subscribo, sed & ostendam alios
idem

idem docere , quanquam fundamentalia obiter percurrentes velint dici contrarij.

Probatur primò , quòd Physica sit scientia : habitus per demonstrationem acquisitus est scientia , sed , Ergò , &c. Majorem suppono ex Logica. Minor Probatur : conclusiones physicæ sunt per demonstrationem acquisitæ , sed illæ generant habitum similem , Ergò , &c. Major patet in his , *omne quod componitur ex contrarijs , est corruptibile , sed omne mixtum componitur , &c.* Ergò &c. *omne densum est grave , sed terra est densa , ergò gravis &c.* Confirmatur ex Kircherò : Physica exponit principia , causas & proprietates sui objecti : accedit consensus plurimorum.

Probatur & altera pars : omnis scientia debet habere objectum necessarium , atqui Physica tale non haberet , si esset distincta à scientijs idearum , Ergò , &c. Major est communis , Minor probatur : Physica enim versaretur circa res existentes physicè , at illæ utpotè sensibiles , singulares , contingentes non sunt necessariae , Ergò , &c.

Respondent velociter Distinguendo Majorem cum probatione : objectum debet esse necessarium quoad essentiam. C. existentiam. N. sic ad Minorem quoque. Contra : hoc ipsum volo , & est quod docuit Plato ; sic arguo : Physica non est scientia ,

tia, in quantum agit de existentibus physicè ac singularibus reduplicativè, sed in quantum agit de essentia corporis (sive naturalis sive mobilis, &c.) sed essentia illa est æterna, est idea, Ergò, &c. Respondent: essentiam esse ideam in mente Dei. C. platoniam. N. sed hoc hìc non inquiremus, sufficit Physicam versari debere circa ideas, ut sit propriè scientia.

Obijcies I. contra primam partem ; scientia debet esse de objecto necessario, sed Physica non habet tale, cum agat de corruptibilibus, Ergò, &c. Respondeo Distinguendo Majorem : necessario secundum ideam hoc est in communi. C. in particulari. N. Ma: sic distinctâ Minore. N. Consequentiam.

Instabis : etiam corpus naturale vel mobile in communi est corruptibile, Ergò &c. Probatur Antecedens : corruptibilitas dicitur de ente physico in suppositione absoluta, sicut omnis passio de subjecto, Ergò etiam convenit illi secundum ideam. Respondeo Negando Antecedens, probationem distinguo ; corruptibilitas in actu signato. C. exercita. N. verum quidem est de corpore physico in communi, quòd quoties physicè existat, sit corruptibile, non tamen ipse conceptus objectivus corporis : ita dic, quando dicitur agere de sensibilibus, singularibus, &c. In-

Instabis: Physica agit de his quæ exercitè sunt corruptibilia, Ergò, &c. Probatur Antecedens: agit de Cœlo, Mundo, elementis, sed hæc sunt exercitè corruptibilia; Ergò, &c. Respondeo, Negando Antecedens, probationis Majorem distinguo ut supra: agit de idea Cæli, &c. C. de ijs secundum esse singulare. N. Majorem, &c.

Instabis: saltem aliqua pars Physicæ agit de corruptibilibus exercitè. Probatur assumptum: aliqua pars agit de corruptione; Ergò de eadem in esse exercito, quia non datur corruptio in communi. Respondeo cum Platone, omninò dari ideam corruptionis, quæ est conceptus objectivus.

Obijcies II. scientia debet penetrare suum objectum, sed Physica non penetrat suum objectum; Ergò, &c. Probatur Minor: vel enim penetraret prædicata physica, vel metaphysica, quidquid dicitur, repugnat; Ergò, &c. Probatur Minor: si secundum, non distinguetur à Metaphysica; si primum, considerabit sensibilia, sed sensibile non est intelligibile, sicut visibile non est audibile. Respondeo, quòd penetret suum objectum secundum prædicata physica, quæ sunt sensibilia signatè, id est, si physicè existant, actu sunt sensibilia, tunc tamen adhuc possunt sub alia ratione intelligi,

ligi, nam objectum intellectus est latius, quàm cujuscunque sensus organici.

Instabis: Metaphysica considerat rerum essentias; Ergò non Physica. Respondeo Distinguendo Antecedens: rerum quæ nec in communi, nec singulari sunt sensibiles. C. quarumcunque N. porro videnda est distributio totius Philosophiæ, ex classibus Metaphysicæ firmitas solutionis patebit, nam transcendens agit de naturis abstractissimis, Angelica & Divina quoque de insensibilibus.

Obijcies III. Physica non tantum est scientia, sed etiã distincta, quia habet distinctum objectum formale, quod est specificativum scientiæ. Respondeo Physicam esse distinctam à scientijs alijs, v. g. Logica Utente, à Metaphysica, Iathrica &c. sed non à scientia idearum, hoc est, ipsa convenit in hoc cum alijs, quòd versetur circa ideas; adeoque habet diversum objectum formale particulare, non autem generale. Obijci solent quædam de accidentibus, sed quoad hæc non inclinor ad doctrinam communem, & in via communi corpus physicum dicitur se habere ad accidentia, sicut linea visualis respectu perspectivæ velut quædam limitatio.

QUÆ

7
QUÆSTIO II.

An Physica sit scientia speculativa?

Dico : Physica scholastica est scientia speculativa. Ita communior opinio vide præmittenda in Logica. Probatur : illa facultas est speculativa, quæ sistit in nuda contemplatione sui objecti , sed Physica sistit in nuda contemplatione hujus, Ergo, &c. Probatur Minor : eo ipso, quo quis conclusionem physicam dirigit ad praxim, resultat actus alterius facultatis à scholastica, v. g. si quis infert corpus esse corruptibile, & inde motivum in se excitat, quod corpus sicut omnia sit vanitati obnoxium, elicit actum Theologiæ asceticæ, & sic de alijs, Ergo Physica scholastica sistit contemplando suum objectum. Confirmatur: nullum ens virtute habitûs, vel actûs physicæ scholasticæ potest fieri à nobis, ergo habitus physicus nec simpliciter, nec secundum quid est practicus, Ergo cum omnis scientia sit, vel practica vel speculativa, negatô primô sequitur alterum: idem alij proferunt dicentes, quod nec sit activa, nec effectiva, nec immediatè, nec ordinata ad opus, ergo &c.

Obijcies : illa facultas est practica, quæ versatur circa ea quæ fiunt à nobis, sed

B
Physica P. Schopen.

Phy-

Physica agit de corpore quod generatur ,
& corrumpitur , Ergò &c. Respondeo
Distinguendo Majorem : modò operabili :
C. speculativo : N. sic distincta Minore,
Nego Consequentiam.

Instabis : Physica versatur circa suum
objectum modò operabili , Ergò &c. Pro-
batur Antecedens : Physica complectitur
Medicinam, Alchimiam &c. sed hæ facul-
tates versantur modo operabili circa suum
objectum , ergò & Physica. Respondeo
Negando Antecedens, probationis mayo-
rem distinguo : Physica scholastica : N. si
sumatur pro Philosophia naturali , quæ
multifariam dividitur : C.

Instabis : Ethica tractat suum objectum
modò operabili , Ergò & Physica schola-
stica ; Probatur Consequentia, ideo Ethica,
quia versatur circa actus voluntatis,
eosque dirigit, sed Physica in parte de ani-
ma versatur circa eosdem, & dirigit exci-
tando ad amorem Creatoris , Ergò &c.
Respondeo quòd Physica ad summum
actus voluntatis, quos speculatur, per ac-
cidens dirigat : C. per se velut Ethica : N.
paritatem.

Instabis : Physica per se dirigit actus pra-
cticos, ergò &c. Probatur Antecedens :
ordinatur ad similes actus & opus ; multi
enim utuntur scholasticâ, ut fiant perfecti

Jathrici aut Medici. Respondeo Negan-
do Antecedens cum probatione, hoc enim
est per accidens, vel dic esse verum de Phy-
fica conjuncta Medicæ, non verò de ipsa
formaliter secundum se.

Instabis: ad quid ergò erit utilis Phy-
sica scholastica, si non per se ordinetur ad
Medicinam, & similes facultates, nec ad
amorem Dei, vel proximi? Respondeo
has debere quidem esse fines remotos Phy-
sicorum, sed ipsa facit intellectum specu-
lari originem naturalium.

Instabis: Conclusiones Physicæ sunt
principia Medicæ, juxta illud, *ubi desinit
Physicus, incipit Medicus*, sed principia Medi-
cæ per se dirigunt praxim, Ergò & conclu-
siones Physicæ. Respondeo Distinguen-
do Majorem: sub eadem ratione: N. sub
diversa: C. ad Minorem dico, medicum
his uti, ut sanet corpus, scholasticum ut
veritatem agnoscat.

Instabis: licet scholastica sub alia ratio-
ne utatur principijs Medicæ, tamen utraq;
est Practica. Probatur assumptum: tota
Philosophia naturalis est practica, ergò &
singulæ classes, inter quas est tam schola-
stica quàm Medica. Probatur Antecedens:
Philosophia naturalis est amor rerum natu-
ralium sciendarum, ergò est actus alterius
potentiæ &c. ergò est practica. Respon-

deo Distinguendo ultimum Antecedens : Philosophia acquirenda est amor &c. C. acquisita : N. juxta illud quod bibliothecæ Patavini Collegij in emblemate duplici præfigitur, *scientia acquirenda impervia pervadere : acquisita lumen inextinguibile in intellectu residens.*

Instabis : etiam Physica acquisita est practica, estò sit in intellectu residens, tum quia Philosophia naturalis ut sic est practica, tum quia omnes aliæ classes. Respondeo Negando assumptum cum probationibus : ipsa enim præscindit, sicut animal nec est rationale, nec irrationale ; deinde non sequitur, leo, lupo, bos, avis sunt irrationalia, ergò & homo. Notandum est ex Alphabeto, non esse idem, Philosophiam ut sic, & Philosophiam naturalem &c. vide distributionem ibi factam, ex quibus & alibi de scientia dictis colligere licet, cuinam subordinetur, & quas sibi subordinet vel subalternet Physica.

QUÆSTIO III.

Quid sit Objectum Physicæ ?

Dico : objectum Physicæ scholasticæ est ens sensibile. Ita egregij quidam viri diversarum academiarum Franciscus Lovaniensis, Bernardinus Patavinus &c. contra torrentem, ex quo alij sentiunt ob-
jectum

jectum esse *ens* : alij *corpus naturale* : alij *corpus mobile* &c. alij *substantiam loco entis*, sed hi supponunt principia Aristotelica Physicæ, quibus suppositis facilè assentirem, quin dicerem Thomistas ponentes *ens* vel *corpus* radicaliter mobile discrepare à Scotistis ponentibus *corpus* vel aliud *naturale* solo nomine, utrinque enim conveniunt illud esse objectum materiale, de quo primaria passio scilicet mobilitas vel similis dicitur.

Probatur primò : pro objecto Physicæ nequit poni *corpus* vel *substantia* vel *ens naturale* vel aliud, ergò *ens* sensibile. Probatur Antecedens generaliter: nulla scientia probat suum objectum, sed Physica tenetur probare quòd hæc dentur præsertim in sensu Aristotelico, cum multi ea negent dari, ergò &c. Major patet ex conditionibus in Logica ad objectum requisitis : ex quo patet *ens sensibile* prævalere hoc passu, ante Physicam enim nemo illud negat. Confirmatur: Physica tenetur probare dari materiam, formam &c. imò hæc negant multi, nullus autem sensibilia negat, ergò &c. licèt enim negent sensibilia esse principia, quis tamen eorum existentiam negabit? præsupponitur & de eo *quid sit*, scilicet secundum ideam esse propriè definibile: tandem & demonstra-

tur de eo mobilitas, quæ est præcipua passio, v. g. habens principium internum motus est mobile, sed ens sensibile est habens &c. Ergo.

Probatur secundò: in Physica agitur de principiis, causis, generatione, & corruptione, Cælo, Mundo, Meteoris, & reductivè de Anima rationali, sed hæc omnia sunt entia sensibilia, imò & reductivè quodammodo anima petens informare corpus sensibile.

Respondent: hæc esse sensibilia quoad substantiam: N. quoad accidentia: C. Contra est, quod de ente Physico docebo, ex quibus componatur.

Respondent: ens sensibile est objectum prædicationis transeat, attributionis: N. Contra: huc omnia referuntur, nam ad Metaphysicâ pertinet abstractum à sensibilitate, ergo ad Physicam ens sub ratione sensibilitatis. Minus valet distinguere Physicam secundum se, & secundum Aristotelem, si enim ille non habet quæ sunt veritatis Physicæ in se, quid curandus erit.

Obijcies I. corpus naturale, vel mobile, vel substantia corporea habent conditiones requisitas, ergo sunt objectum. Probatur Antecedens: de ipsis demonstratur mobilitas, principia, partes &c. Respon-

De-

Distinguo: tanquam de notiori, id est, de quo præsupponitur *quod & quid sit*: N. tanquam de ignoto, & in Physica probando transeat.

Instabis: de his supponitur *quod & quid sint*, quia neminem latet dari corpus naturale, & sufficit ante Physicam confusa ejus cognitio, imò Arist. definit jam naturale, jam mobile, ergò supponit ipsum esse, ergò de ijs demonstrantur passionēs tanquam notiori. Respondeo Negando Antecedens, nisi cum ente sensibili confunderes, aliās me & plures reverà latent, notiora autem sunt omnibus nota, quid quæso difficilius, quàm probare principia Physicæ Aristotelicæ?

Ocijcies II. *ens* nequit esse objectum materiale, nec *sensibilitas* formale, ergò *ens sensibile* nequit pro objecto statui. Probatur Antecedens: ens enim est genus remotum, & sub *sensibilitate* non considerantur omnia in Physica tractari solita, velut anima, angeli &c. Respondeo Negando Antecedens; ad probationem dico, genus remotum magis expedire pro materiali si est notius proximò, & animam reduci ad sensibile, imò fortè nec spectat ad Physicam, nisi per Physicam intelligas scientiam naturalem in communi, prout Metaphysicam complectitur, quo spectant

Angeli, & ita Scotum explico 6. metap. q. 1. insuper anima rationalis exigitivè est sensibilis.

Instabis : saltem *ens* nequit esse objectum materiale. Probatur assumptum; neque enim aliquod ens in particulari, quale non est assignabile, neque conceptus entis ut sic ad Metaphysicam spectans, neq; omnia particularia simul sumpta, cum non sint unum per se, consequenter nec definibile, nec scibile. Respondeo: intelligi ens in communi, & dico; si consideretur ratio entis summè ac præcisè quod sit considerationis Metaphysicæ, si verò cum ordine ad *sensibilitatem*, pertinet ad Physicam.

Instabis: *ens sensibile* non est definibile, cum sit unum per accidens, vel accidentia, Ergò nec *ens* cum ordine ad *sensibilitatem* pro objecto est statuendum. Respondeo Negando Antecedens: probatio ad summum valeret de sensibili exercitè sed accidentia supponunt doctrinam illam communem, de qua proximè.

Obijcies III. totus mundus potest statui pro objecto Physicæ, Ergò non ens sensibile. Probatur Antecedens: Supponitur ante Physicam *quod sit*, & saltem confuse *quid sit*, demonstrantur de ipso corruptibilitas, mobilitas & aliæ passionēs, imò omnia

omnia quæ tractantur in physica, in ipso continentur, & reduci possunt ad illum. Respondeo Negando Antecedens: tum quia non est sufficienter unum per se, neque datur *ratio sub quâ* consideretur, &c. ex his

Colliges: Physicam Scholasticam distinctam à scientia naturali in communi benè sic definiri, quod sit *Scientia speculativa entis sensibilis*. Explicit pro
Logus in Physicam.



TRACTATUS I.

In Primum Librum Physicorum.

Significo Lecturis hunc tractatum, præviè, quòd pro nunc cuncta velim dicta inquirendæ veritatis gratiâ, nam nefas duxi fundamenta obiter cum alijs examinare: nullus ergò carpat, donec singula perstrinxerit, nè feriatur illô: *plurima qui carpit, pauca subinde capit.* Deinde Scotistas remitto ad Tartaretum, qui inquit *opinionem Scotisantium, quòd corpus naturale sit objectum, non esse multum conformem fidei Catholicæ:* cui non in tantum assentio, sed præmitto, casu quo alius meas sententias judicaret.

DISPUTATIO I.

De Principijs entis sensibilis.

Primò itaque principia ab alijs poni solita examinabo, deinde propriam mentem explicabo, ut campus detur amplectendi vel reiiciendi tum vetera, tum nova,

va, meum est adhærere veris, quæcunque illa sint.

QUÆSTIO I.

An, & quid sint principia entis Pbyfici?

Dico: dantur prima principia constitutiva rerum pbyficarum, quæ benè definiuntur esse illa, *qua neque ex se invicem, neque ex alijs, sed ex ipsis omnia fiunt.* Ita communiter philosophi veteres ac Moderni. Explicatur conclusio; in qua quæritur primò; an dentur principia entis pbyfici? adhuc enim præscindo quænam sint, & intelligitur de principijs primis intrinsicis, ac propriè constitutivis; ad distinctionem principij, prout significat initium cujuscunque rei, quale est littera A in Alphabeto; & ad distinctionem principij extrinseci, quale est Deus, & aliæ causæ efficientes, ac finales. Tandem ad distinctionem principij *intrinseci non primi*, quale est v.g. corpus, vel anima in vivente, siquidem intelligitur de primis, id est generalibus, ac omnium rerum pbyficarum intrinsicè constitutivis, & talia dari asserimus, ac benè definiri: *qua neque ex se, &c.* Sic declarata conclusio patet quoad primam partem: sicut enim in Metaphysicis est genus, & differentia, ita & debent esse constitutiva in quibus res pbyicæ convenient, & di-

disconvenient physicè, Ergò debent generalia, ac prima principia entis physici dari, quòd autem data definitio sit bona, præter regulas dialecticas sic suadetur ac

Probatur: quæstio est de primis principiis, sed illa neque ex se, neque ex alijs fiunt, sed ex ipsis omnia: Ergò, &c. Minor Probatur: si ex se, vel ex alijs fierent, non forent simpliciter prima principia entis physici, cùm alia præsupponerent, vel saltem unum aliud supponeret prius; sive verò ex ipsis omnia non fierent, non essent universalia ac generalia. Confirmatur communi assensu.

Obijcies I. unicum est principium omnium rerum, Ergò non dantur principia rerum sensibilium. Probatur Antecedens: Deus est, vel in Deo est principium omnium rerum, solent dicere Theologi. Respondeo Negando Antecedens: ad probationem dico, hoc intelligi de principio extrinseco, non intrinseco constitutivo.

Instabis: etiam unicum datur principium intrinsecum constitutivum, Ergò, &c. Probatur Antecedens: omnia entia physica conveniunt in ratione sensibilitatis, vel ut alij naturalitatis, Ergò sensibilitas est omnium rerum physicarum principium. Respondeo Negando Antecedens, probationis Consequens distinguo: Ergò sensibi-
litas

litas est omnium principium formale, & in abstracto. C. materiale & entitativè unicum sensibile. N. Consequentiam.

Instabis: & entitativè est unicum principium entis physici, Ergò solutio ruit. Probatur Antecedens: non possunt esse plura prima principia, quia ubicunque sunt plura, unum est primum, quod reliqua sequuntur. Respondeo Negando Antecedens, cum probatione; rationem dico esse veram in influentibus extrinsecè, non intrinsecè constitutivis, v. g. quando ex tribus nominibus fit linea, utique unum est primum, sed omnia tria æquè primò constituunt lineam.

Obijcies II. per prima principia intelligitur materia prima, forma, privatio, sed his non convenit data definito, Ergò, &c. Major est communis; Minor Probatur: forma fit ex materia, Ergò ex se invicem fiunt; Respondeo transeat Major (de hac infra multùm discurremus) Nego Minorem: ad probationem dico forma fit vel educitur ex materia secundùm illam rationem, qua ex ipsis omnia fiunt. N. sub alia. C. sed definitio est intelligenda, *qua neque ex se, neque ex alijs* hoc modo fiunt, quo ex ipsis omnia, id est constitutivè.

Instabis: materia & forma componuntur & constituuntur ex alijs partibus, Ergò
fiunt

fiunt ex alijs eò modò, quo ex ipsis omnia. Respondeo Distinguendo Antecedens: componuntur metaphysicè. C. physicè. N. hoc est, materia habet quidem prædicata metaphysica, sed ipsa non est compositum physicum, vel physicè composita: si dicas: prædicata metaphysica sumuntur à physicis, proportionaliter verum est.

Instabis: saltem simpliciter erit unicum principium, scilicet materia prima, nam licet forma, & privatio non fiant ex illa sub ratione illa, qua ex ipsis fiunt omnia, tamen aliò modò ex ipsa fiunt: huic subscribit Lallemandet. Respondeo tamen negando assumptum: nam & materia facta est ex virtute Dei.

Instabis: non est eadem ratio de materia respectu Dei, & forma respectu materiæ, nam forma educitur, & accipit esse quod ante non habuit à vel è materia, at Deus est principium extrinsecum. Respondeo quantum ad præsens paritatem exclusivam esse simillimam, tam enim verum est, quòd materia non sit constitutiva formæ, quàm quòd Deus non sit constitutum materiæ.

Instabis: privatio fit ex forma & e contra v. g. ex vidente fit cæcus, & ex cæco videns, Ergò fiunt ex se invicem. Respondeo Negando suppositum, quòd privatio
illa

illa quæ oritur ex actione deperditiva sit principium, sed tantum illa, quæ se habet velut terminus à quo. hinc si dicas, ex nihilo nihil fit, sed privatio nihil est, Ergò, &c. Respondeo: tanquam constitutivo in facto. C. tanquam à termino à quo. N. Majorem, hoc est, privatio quidem non est pars constituens actu, sed in mutatione est id, à quo transit subjectum ad formam, v. g. lignum à privatione ignis ad ignem, vel potius formam ignis.

Quæri solet, an principia sibi sint contraria? at quia necdum resolvi quænam sint, dico tantum, quod illa communia tria, scilicet materia, forma, & privatio, opponantur tum relativè, tum privativè, non autem rectè contraria.

QUÆSTIO II.

Quot, & Quænam sint Principia entis sensibilis?

Dico: Communis sententia post Aristotelem est, quod principia corporis naturalis in fieri sint tria: scilicet materia, forma, & privatio: in facto esse autem communiter assignantur duo, quippè materia & forma: Hanc sententiam declarabo omni possibili modo, prout ab alijs fieri solet, tam fundamenta pro roborando, quàm communia contraria communibus

re-



responsionibus solvendo , mentem integram proximè expositurus.

Declaratur : primò dicitur *principia corporis naturalis* (vel sensibilis vel mobilis &c.) *in fieri*, id est ipsius generationis substantialis (quà mutatio est) v. g. quando ex ligno fit ignis, antequam ignis sit *generatus*, hoc significat : antequam sit *in facto esse*, consideratur *in fieri*, hoc est, quatenus materia ligni, in qua est privatio ignis, consideratur transire à privatione ignis, ad ipsam formam ignis; ex quo patet, quid intelligatur per corpus *in fieri*, ac *facto esse*: porrò hæc sunt Synonima, *corpus naturale in fieri*, *generatio*, *mutatio*, *compositio substantialis*, *factio*, *via*, *unitio*, vel *unio* largè ad terminum : item hæc coincidunt, *corpus in facto esse*, *generatum*, *compositum*, *unitum* &c. Secundò dicitur : talis *corporis in fieri esse* tria constitutiva, quæ baptizantur materia, forma, privatio; in *facto esse* duo tantum, & quidem hæc esse prima principia, id est omnibus rebus physicis convenientia, ita tamen ut materia sit specificè eadem, solò numerò distincta, v. g. in mensa, & fenestra &c. forma verò sit distinctivum unius entis physici specificum ab alio; proinde supponunt vel etiam obiter probant.

Imò dari *generationem substantialem* &
ac-

accidentalem in rebus naturalibus, v. g. quando paries ex nigro fit albus, vel simile quid sensibilibiter mutatur, dicunt, quod sit generatio accidentalis; quando verò paries, vel fornax, vel equus &c. de novo producitur, inquirunt, quod sit generatio substantialis, nam hæc posterior est major priori; Ergò si illa est generatio secundum quid, & accidentalis, hæc substantialis.

II. Inferunt: quidquid quinque sensibus penetramus, v. g. quod vides, audis, olfacis &c. debere dici accidens, & sub his accidentibus in omni re latere substantiam physicam, id est *materiam primam*, ac *formam substantialem*, v. g. in vino præter prædicata Metaphysica, ac sensibilia, dari materiam primam vini, ac formam vini, quorum nihil sensu percipis;

III. Docent dari talem materiam primam; si petas, quid sit, an sit ens spirituale ut Deus, vel sensibile, ut color, vel metaphysicum, ut rationalitas, vel rationis ut hircocervus, immediatè definiunt materiam, quod sit *subjectum primum formarum substantialium*; si quæras, quid sit forma? dicunt quod sit *actus primus materie*, vel substantia incompleta nata denominare, id est actuare subjectum, ubi vides esse

C

duas

Physica P. Schopen.

duas substantias incompletas , quæ accedente unione faciunt compositum physicum. His suppositis

Probari solet conclusio primò ; dantur principia intrinseca corporis tam inferi , quàm in facto , sed alia non possunt assignari loquendo de physicis , Ergò &c. Ita Poncius. Item : illa sunt principia , sinè quibus nequit intelligi generatio , sed sinè assignatis nequit intelligi generatio , Ergò. Ita Hermann & ferè Sannig cum Mastroio. Confirmatur: data definitio his solis competit. Authores alij , quos lego , scilicet Sonnenus, Lalemandet, Gabriel à S. Vincentio, Baro, Senffleben , Bouvin , Johro , Geraldinus, Semery , imò & Suarez , Vasquez, Arriaga &c. plus supponunt dari materiam , ac reliqua principia , quàm probant , ijs & coincidentibus cum his duntaxat exceptis.

Probari solet secundò : non datur unicum principium, cùm in rebus naturalibus detur motus ab uno ad alterum , nec elementa (sivè quatuor, sivè plura ponantur) sunt principia, nec divisim nec conjunctim sumpta , quia illa rursus componuntur ex materia & forma, & fautores hujus opinionis proscriptos Parisijs affert Poncius ; nec infinitum mobile, nec chaös, nec aliud potest esse principium ut inquit Aristoteles ;

Hæc

Hæc & similia contra Atomos, corpuscula, figuras, par & impar, tum in manuscriptis, tum Authoribus sunt obviam: sine adversariorum responsionibus; sed an convincant, & an non sint petitiones principiorum fatebitur ingenuus quicunque subdenda legens.

Probari solet tertio: datur materia prima, & forma substantialis, sed nihil congruentius pro principiis statuitur, Ergo &c. Major Probatur: datur generatio substantialis distincta ab accidentali, sed hæc nequit intelligi sine subiecto, id est materia, & hæc non potest esse sine forma cum per ordinem ad illam definiatur, Ergo &c. Sic passim per circulum generationem per principia, & principia per generationem probant.

Obijciunt sibi primo: privatio non est aliquid, Ergo nequit aliquid principiare. Respondetur Distinguendo Antecedens: non est aliquid positivi: C. privativi N. atque hinc ajunt, non posse principiare velut *terminus ad quem*: C. à quo: N.

Instabis: nequit simul esse forma, & privatio: sed hoc sequeretur, Ergo privatio nequidem velut terminus à quo potest esse principium. Minor patet: quia & forma est principium in fieri. Respondeo: debere dici, quod forma principiet per se-

cundum modum incipiendi, privatio verò per primum modum desinendi, quæ sunt compatibilia, ut dicetur quæstione de privatione & quæst. de duratione in fine.

Instabis: forma debet esse principium per primum modum incipiendi, hoc est, *jam forma est, statim ante non erat*, aliàs reverà non esset principium corporis in fieri, sed hōc modō non compatitur privationem, Ergò privatio non est principium. Respondeo Negando Majorem de corpore in fieri; sequelam distinguo: forma acquirenda N. acquisita transeat, nam in fieri est acquisita & incepta secundō modō, hoc est, *jam non est actus, mox erit actus*, quo instanti corpus est in facto esse.

Instabis: correlativa debent esse simul, sed privatio & forma essent correlativa, Ergò &c. subsumo: sed non possunt esse simul. Respondeo ad Minorem primam, & subsumptam, ut suprā, quòd corresponsdeant ut termini *à quo*, & *ad quem*, quorum unus desinit sic, *jam est, mox non erit*; alter incipit, *jam non est, mox erit*, & sic facilius quàm alij solvo has ojectiones.

Instabis: saltem privatio non est principium in omni generatione. Probatur assumptum: privatio formæ cœlorum non præcessit introductionem formæ cœlorum, Ergò &c. Respondeo Negando
af-

assumptum, ad probationem dicitur præcessisse instanti naturæ, non temporis.

Instabis: si privatio in generatione cœlorum solo instanti naturæ præcesserit, Ergò fuit simul tempore cum forma, nam quæ naturâ tantum præcedunt, sunt simul tempore. Respondeo Distinguendo Conditionatam: si præcessisset positivè: C. sequelam; si negativè, hoc est, quando fuit forma cœlorum, fuisset privatio, nisi statim ab extrinseco causata fuisset forma, N. sequelam

Instabis: ex contrario nequit fieri contrarium, sed privatio est contraria formæ, Ergò &c. Respondeo totum posse concedi, non enim privatio est principium formæ, sed compositi, sed nec sunt contraria, privatio opponitur velut terminus à quo relativè termino *ad quem*, & est quasi dispositio.

Instabis: ergò etiam forma præcedens, cujus destructio prærequiritur, foret dispositio, ac principium. Respondeo: Negando sequelam, nam hujus destructio non est necessaria, generatio enim potest fieri, quando materia careret antecederet omni formâ, ut probabilius docent Scotistæ, ac RR. ex dicendis. Si dicas: Deus, unio, finis prærequiruntur. Respon-

deo velut extrinseca principia , unio autem pro formali est corpus in fieri.

Obijciunt secundò : Corpus in fieri est ante formam, & corpus in facto habet pro termino compositum , Ergò forma non est principium. Respondeo ad primum patere ex dictis : secundum valere de corpore, vel generatione quatenus est productio : C. quàm mutatio : N. solutio alibi explicabitur. Obijci possunt quædam de unione , sed illa est id *Quo* principia componunt unum ; reliquæ objectiones sunt faciliores , sed ut rem funditus tractemus sit

QUÆSTIO III.

*An reverà dentur principia Aristotelica,
id est Materia Prima , & Forma
substantialis?*

Dico: principia entis phyfici sunt sensibilia indivisibilia , adeoque rationabiliùs defenditur non dari Materiam Primam in sensu Aristotelis, neque ullam formam substantialem (exceptâ animâ rationali, sed hæc creditur esse ens spirituale) Hæc Conclusio Philosophicè est intelligenda ; ex fide tamen ponam argumenta pro , & contra exercitij causâ , & veritatis , ac intelligentiæ veræ habendæ gratiâ , (prout Censoribus dixi, nè hi videantur consentire)

tire) est enim hæc Conclusio contrà Aristotelem, & omnes sequaces philosophos, uno vel altero hinc inde exceptò, quicum plurimis veteribus negant materiam primam in sensu Aristotelico, at principalis pars Conclusionis, quòd scilicet entis physici principia sint sensibilia indivisibilia, fortè nec est visà, nec audita, quòd sciam quoad modum, ac sensum quo tradetur, si tamen eam alij habuerint, estò eos non legerim, exinde ultrò eam confirmabo :

Cæterùm nè Lector vereatur aliquid illiciti, non dari materiam primam docuit Justinus Martyr in consutatione dogmatum Aristotelis; Ramus vocans eam crucem philosophorum, Lactantius Firmianus Lib. 2. div. inst. Theodoretus in Lib. de orig. decre: & refert Gabriel à S. Vincentio Anno 1626. Mediolani defendisse idem P. Glavarorum è Soc. Jesu, Poncius idem de gallis narrat, negant eam quoque Carthesiani, Atomistæ, &c. Dixi autem notanter in sensu Aristotelico ac communi, nam hi omnes, & ego quoque admittimus principia entis physici, at volo illa esse sensibilia, non autem illud Monstrum materia, & forma: ita quoque senserunt veteres quos perperam citat dictus Author; porrò Melissus posuit principium infinitum immobile, Diogenes Mobile &

melius, supponebant enim mundum æternum; Parmenides finitum, Thales aquam, Heraclitus ignem, Hæsiodus terram, Empedocles, & nuper Camerarius quatuor elementa, Anaxagoras & alij atomos, Carthesius, & sui, corpuscula, quæ tamen à varijs variò modò explicantur; inclinant quoque plurimi Medici in eam sententiam, imò & plurimi philosophi oppositam potius supponunt, quàm probant, vel propter respectus extrinsecos verentur, nescientes quid defendant, prout multi mihi sunt fassi: addo ex grandi illo Critico Cardinali d' peron dicente, Aristotelem optimam Logicam ac Metaphysicam conscripsisse, at Physicam omnino erroneam, puto propter fundamenta; tandem Moderni Veteres non legunt, quibus ego plurimùm laboris impendo; superest pro rostris stabilire fundamentalem hanc veritatem, & jacula prævisa facilè retorquere.

Probo Conclusionem primò: non datur materia prima, in sensu Aristotelico, ergò non sunt principia, &c. hæc omnia concederent, si primum antecedens Adversarijs possem persuadere, quod sic probo: materia prima nec est ens metaphysicum, sicut formalitates v. g. rationalitas (sive virtualiter dentur) ut patet, loquimur enim de partibus physicis, non metaphy-
sicis;

ficis; nec est ens spirituale, sicut Deus, Angelus, anima, ut ex nomine constat, & quoque conceditur, nec est ens sensibile, cum nullò quinque sensuum percipi possit, Ergò non datur à parte rei, quid enim aliud esset? Confirmatur: non est quantitas, nec qualitas, nec relatio, nec substantia. Nec valet completa. C. incompleta. N. illa enim, quam vocant incompletam substantiam, vel est ens in intellectu, vel extra, tunc vel spirituale vel sensibile?

Responderunt mihi aliquando arguenti; esse sensibilem mediatè. C. immediatè. N. Contra arguebam: si esset sensibilis mediatè, id foret mediantibus accidentibus, hoc non, ergò nec illud. Probatur Minor: illud est sensibile mediantibus accidentibus, quod ijs revolutis esset immediatè sensibile, sicut patet de tangibili manu mediatè v.g. ossa in brachio respectu cutis quæ sunt circumducta sunt mediatè tangibilia, hac sublatâ immediatè & in omnibus alijs, sed materia prima revolutis accidentibus nullo sensu percipi posset, Ergò, &c. Minor patet, cum non sciant dicere quoniam ex quinque organicis (suppono autem accidentia divinitus posse à materia tolli.) Nec valet dicere, multa dari à parte rei, quæ tamen nequeunt sensibus percipi, v.g. anima, unio, &c. Contra:

C s

hæc

hæc sunt spiritualia, vel prædicata metaphysica.

Responderunt mihi : nec mediatè esse sensibilem formaliter. C. radicaliter & exigitivè. N. Contra: anima rationalis est sensibilis radicaliter, hoc est exigit informare corpus sensibile, & tamen nequit dici mediatè sensibilis, sed manet entitas spiritualis.

Respondent alij : quòd sit sensibilis per se. N. per accidentia, scilicet quantitatem. C. sed hi coincidunt cum prioribus: Contra est præterea, fingam ego unum ens, quod vocabo *Musphat*, & dicam illud fore aliud, quod baptizo *Zaphat*: deinde dicam primum esse receptaculum secundi, & secundum esse sustentaculum primi, dicamque hæc duo esse in omni ente physico velut principia, asseram esse mediatè, radicaliter, per quantitatem sensibilia, vocabo *Zaphat* faciem *Musphat*, sicut illi nominant formam faciem materiæ; præter authoritates tantum afferro quantum illi.

Respondent : authoritates sat magni ponderis esse. Contra: ex 100. Authoribus vix unus est, qui non potius supponit dari materiam, quam probat, hinc ex consuetudine vim legis habente recepta est.

Probo Conclusionem secundò : Adversarij probant materiam primam, & formas substantiales, ex generatione & corruptione

ne substantiali, sed hæc ratio nulla est, Ergò, &c. Probatur Minor: hæc ratio petit principium, Ergò nulla est. Probatur Antecedens: non datur generatio substantialis in sensu Aristotelico, Ergò, &c. Probatur Antecedens primò ad hominem: Adversarij probant generationem substantialem in sensu Aristotelis ex principijs, & hæc ex generatione per circulum *juxta illud: impij in circuitu ambulant* criticando, sicut si ego dicerem datur *Musphat* quia *Zaphat* & è contra. Probatur idem Antecedens secundò: quia quòd sit major mutatio, quando fit ex lapide & reliquis domus, vel ex semine brutum, gratis do, quàm si ex albo fit nigrum, hinc non sequitur primam esse substantialem, sed majorem immutationem sensibilibus. Probatur tertio idem Antecedens, & principaliter: nulla creatura potest novam formam substantialem producere, Ergò non datur generatio substantialis physica. Probatur Antecedens: si creatura produceret novam formam substantialem, daretur aliquid sub sole novum, hoc non, ergò nec illud: Sequela patet; Minor est Eccl. i. cap. *nihil sub sole novum, nec valet quisquam dicere, ecce hoc recens est.*

Respondent subridendo: quasi hoc argumentum esset levis momenti, & pridem
exi-

hæc sunt spiritualia, vel prædicata metaphysica.

Responderunt mihi : nec mediatè esse sensibilem formaliter. C. radicaliter & exigitivè. N. Contra: anima rationalis est sensibilis radicaliter, hoc est exigit informare corpus sensibile, & tamen nequit dici mediatè sensibilis, sed manet entitas spiritualis.

Respondent alij : quòd sit sensibilis per se. N. per accidentia, scilicet quantitatem. C. sed hi coincidunt cum prioribus: Contra est præterea, fingam ego unum ens, quod vocabo *Musphat*, & dicam illud fore aliud, quod baptizo *Zaphat*: deinde dicam primum esse receptaculum secundi, & secundum esse sustentaculum primi, dicamque hæc duo esse in omni ente physico velut principia, asseram esse mediatè, radicaliter, per quantitatem sensibilia, vocabo *Zaphat* faciem *Musphat*, sicut illi nominant formam faciem materiæ; præter auctoritates tantum assero quantum illi.

Respondent : auctoritates sat magni ponderis esse. Contra: ex 100. Authoribus vix unus est, qui non potius supponit dari materiam, quam probat, hinc ex consuetudine vim legis habente recepta est.

Probo Conclusionem secundò : Adversarij probant materiam primam, & formas substantiales, ex generatione & corruptione

ne substantiali, sed hæc ratio nulla est, Ergò, &c. Probatur Minor: hæc ratio petit principium, Ergò nulla est. Probatur Antecedens: non datur generatio substantialis in sensu Aristotelico, Ergò, &c. Probatur Antecedens primò ad hominem: Adversarij probant generationem substantialem in sensu Aristotelis ex principijs, & hæc ex generatione per circulum *juxta illud: impij in circuitu ambulant* criticando, sicut si ego dicerem datur *Musphat* quia *Zaphat* & è contra. Probatur idem Antecedens secundò: quia quòd sit major mutatio, quando fit ex lapide & reliquis domus, vel ex semine brutum, gratis do, quàm si ex albo fit nigrum, hinc non sequitur primam esse substantialem, sed majorem immutationem sensibilibus. Probatur tertio idem Antecedens, & principaliter: nulla creatura potest novam formam substantialem producere, Ergò non datur generatio substantialis physica. Probatur Antecedens: si creatura produceret novam formam substantialem, daretur aliquid sub sole novum, hoc non, ergò nec illud: Sequela patet; Minor est Eccl. 1. cap. *nihil sub sole novum, nec valet quisquam dicere, ecce hoc recens est.*

Respondent subridendo: quasi hoc argumentum esset levis momenti, & pridem
exi-

exinanitum, proinde distinguunt text: Salomonis: nihil sub sole novum quoad speciem vel genus transeat; quoad individuum. N. & dicunt præterquam quòd hic textus plures expositiones habeat, eam prævalere, nihil esse sub sole, cujus non aliquando simile fuit. Contra: licet hæc distinctio de rebus metaphysicis valeat, non de physicis, nam inquit nec valet dicere: *hoc recens est* subintellige hoc individuum: unde addit: *cunctæ res difficiles, quid est, quod fuit ipsum quod futurum est; quid est, quod factum est, ipsum quod faciendum est*, quasi diceret, hoc quod ego sentio, scilicet Deum, quando creavit mundum, omnia sensibilia & physicalia fecisse, ex quibus proinde nulla perduntur vel de novo afferuntur, sed fieri continuam immutationem rerum, jam majorem, jam minorem, v. g. ex sensibilibus coloratis, figuratis terreis, &c. componitur calx, ex calce & sensibilibus lapidum paries, &c. manifestum etiam est, quòd sit major mutatio, quando fit ex sensibilibus feminis, alijs accedentibus embriò, quàm quando quid mutatur à sensibili nigro ad album. Nec dicas cum impatientia: quid ergò est, quod mutatur? Dico ens physicum sensibile, non enim est opus, ut quando unum sensibile variatur, quòd varientur omnia vel æqualia, sed
juxtà

juxtà proportionem & activitatem horum vel illorum sensibilium, quando ergò dicitur nihil esse sub sole novum, intellige quoad principia physica, & dum dicis quotidie esse nova, intellige ex iisdem principiis de novo constituta.

Confirmatur: ratio cur Adversarij docent debere dari materiam primam hæc est, nè cogantur admittere creationem & annihilationem, sed hæc ratio evanescit declaratione factâ, cum nihil admittam simpliciter novi, vel simpliciter desinere, sed tantum fieri immutationem continuam sensibilium.

Respondent: hæc esse periculosa apud Catholicos. Contra: hanc responsionem sæpè accepi, dum præsiderem thesibus, vel alias oppugnarem, & signatè aliquando dicebatur Concilium Trid. asserere materiam primam, sed mihi contigit idem, quod Caramueli cum Pragensi Patre Terrillo Soc. Jesu in materia de concursu simultaneo, scilicet postulavi locum, at ubi nihil misit prout sponderat, invitatus contuli Triden. ex quo probavi non dari materiam: præmitto canonem secundum de Eucharistia ex ci. Concilio.

Si quis dixerit in Sacramento Eucharistiae remanere substantiam panis

& vini, una cum corpore & sanguine Domini Nostri Jesu Christi, negaveritque mirabilem illam & singularem conversionem totius substantiæ panis in corpus, & totius substantiæ vini in sanguinem, manentibus duntaxat speciebus panis & vini; Anathema sit.

Ex hoc ergò Canone, ex quo Senffleben & alij probant dari materiam primam, ego probavi non dari illam, mirabile videbatur & fortè videtur adhuc; sed sic argumentor:

Si daretur materia prima, sola ratio posset discernere inter hostiam consecratam, & non consecratam, hoc secundum repugnat fidei, & experientiæ, ergò primum rationi (pone enim, sicut posui, tales duas hostias nec Aristoteles ipse, nec alius nisi divinando discerneret) Probo sequelam: sola ratio deberet aliquid invenire in una, quod non in altera, ergò discerneret. Probatur Antecedens: nisi enim hoc fiat, & si æqualia inveniat, cum in una non sit materia ex Canone, nec in altero erit.

Responderunt: posset discernere in sensu composito fidei: C. diviso: N. Contra ego addebam: sola ratio; ecce qualis distinctio.

stinctio. Confirmatur: solus intellectus sibi relictus nunquam plus inveniet in una, quàm in altera, ergò vel invenit in utraq; materiam (quod est falsum ex Canone) vel in nulla.

Responderunt retorquendo argumentum: quidquid sola ratio vidit in Christo erat humanitas, Ergò in Christo non fuit divinitas: non sequitur, sed præterquam quòd in Christo juxtà alios fuerint signa divinitatis, scilicet notitia secretorum cordis, &c. & quòd etiam nulla ratio unionem hypostaticam invenerit, nulla est retorsio vel paritas, ex hoc principio *Non sequitur*, non est tali modò reperibile, Ergò nullò modò reperibile, v. g. divinitas in Christo non est ratione demonstrabilis, ergò nullò modò, *Non sequitur*, at benè *sequitur non est ibi*, Ergò nullò modò inveniri potest ibidem, v. g. in hostia non consecrata non est materia, Ergò nequit ullò modò in illa inveniri. Probatur Antec. intellectus purus nihil invenit plus, quàm in consecrata, Ergò respectu puri intellectus non est plus in una, quàm in altera. Respondebunt saltem rationem conjunctam fidei arguitivè materiam evincere, sed de hoc in objectione.

Respondere possent non valere consequen-

quentiam : *Sola ratio non invenit , ergò nullò modò est ;* nam sola ratio non invenit in Christo divinitatem , & tamen in illo est. Contra : licèt totum hoc sit verum , non est hujusmodi proba mea ; sed talis : sola ratio non invenit in hostia non consecrata materiam , nec fides illam docet esse in hostia non consecrata : Ergò in tali hostia non consecrata non est. Probatur Antecedens : quoad primam partem : quia nequit discernere inter consecratam & non consecratam ; quoad alteram patet , cùm non sit Articulus fidei.

Respondent : saltem colligi ex fide , scilicèt Canone secundo Trid. allegato ; sed imprimis habeo quod positivè intendo , ratione philosophica non evinci materiã , deinde ex sequentibus ponderandum erit , an ex Canone vincatur.

Respondere possent & quidem optimè ; quando sola ratio versatur circa hostiam consecratam , quòd tunc erret , putando non esse corpus ibidem cum tamen sit ; sed hoc rursus est pro me : Contra enim sic arguo : aliter erramus , quando aliquid putamus non esse , quod est ; quàm si putemus esse , quod non est , primo casu non valet à propositione categorica absoluta universalis illatio v.g. *non est hic homo A , ergò non est homo ;* at bene secundo casu , *non est homo , ergò*

ergò nec ille, nec talis homo, &c. Sic etiam non valet: *ratio non invenit corpus, ergò non est: male infertur, docet enim illud esse fides; at bene sequitur; Fides non docet in hostia consecrata materiam, nec ratio conjuncta fidei illam invenit, nec ratio sola, ergò nec ratio sola in non consecrata, nisi discerneret.*

Responderunt alij: hoc esse argumentum commune; sed hi se monstrant idiotas, ostendant Authores in quo sit, nam non est idem cum illo, quo utuntur alij objectionis locò, scilicet isto, per quod

Probo Conclusionem tertio: quando hostia consecrata combureretur, vel aliter mutaretur, juxta Adversarios fit generatio substantialis cinerum, vel alterius; sed ibi non est materia, ergò nec in alia mutatione.

Respondent: Negando Minorem; proinde aliqui dixerunt tales cineres fieri ex aëre circumstanti, non ex hostia; alij ex materia panis redeunte; alij ex toto pane redeunte; alij cineres illos creari à DEO; alij saltem materiam novam creari à Deo; alij quantitatem sensibilem supplere, & quidem hi melius, sicut semper puto fieri; reliqui miracula quotidiana multiplicant, & philosophiam ludibrio exponunt, vide Alensem, Suarez, Coninck, Pallavicinum,

D

do-

Physica P. Schopen.

docentes produci materiam eandem tali casu, quæ ante consecrationem fuit, quorum sententiam ipse S. Thomas in 4. d. 12. art. 2. irrationabilem vocat &c.

Confirmatur: si esset de fide etiam argutivè, quomodo Justinus Martyr eam negasset? deinde ego potius volo dicere, quod Aristoteles, & cum eo puri philosophi erraverint, excogitando talia principia, per circulum vitiosum probata.

Respondebunt fortè: circulum esse vitiosum in absolutis: C. relativis: N. ut quoque videor in utente Logica docuisse. Contra: materia & forma ex Sco. in 2. d. 1. q. 5. non sunt entia relativa, licèt per ordinem adinvicem pro statu isto soleant explicari: & Sco. d. 12. q. 1. defendit entitatem materiæ esse absolutam, potentiam ad summum esse passionem: & hòc datò, quod relativa forent, circulus admittitur quoad *quid sit*, non *quòd sit*.

Probatur Conclusio quartò contra partes: Scotistæ & Patres Societatis fatentur, quod in Sententia Thomistarum negantium actum entitativum, materia nihil sit distincti à forma, adeoque se solo ens nullum esse: Thomistæ verò facile coincident mecum, quod quando alij actum entitativum admittunt, sola prædicata metaphysica afferunt, imò hoc Sco-
tistæ

tistæ & alij palàm indicant , Ergò materia prima Aristotelica physicè nihil est. Confirmatur : priores volunt posse se solà existere , sed nescient dicere , quo sensu perciperetur ; posteriores negant posse existere etiam divinitus sinè forma.

Probatur quintò Corollarie : quidquid ratio suadet, & sensus percipit, salvatur dicendo sensibilia indivisibilia esse principia constitutiva entis physici , neque alia congruentiùs ponuntur, lege Atomistas, Corpuscularios & alios , nisi hi coinciderent, Ergò &c. Probatur Antecedens : ita censendum est de principijs generatim, sicut de singulis seorsim : sed reverà in ligno, lapide, calce, &c. non est aliud ens physicum nisi sensibilia, Ergò &c. Probatur Minor: tum quia non est necessitas aliud ponendi , ut ultrò ex objectionibus patebit ; tum quia nec intelligibile ; tum quia Mundus est totus plenus, sinè ullo vacuo : Ergò nihil novi fit quoad principia , sed continua immutatio sensibilium ; imò mille paradoxa sequerentur, v. g. materiam totius Universi esse unam numerò , casu quo Deus omnes formas substantiales, & accidentales absolutas perderet , proinde , & modò una numerò esset ; deinde nec foret entitas physica in Mundo , sinè materia ; & tamen absconditissima, imò fa-

cies ejus , vel forma æquè imperceptibilis est ; rursus quis diceret vinum esse aliud , quàm quod odoro , gusto , video , tango , imò hæc sunt ea quæ inebriant , ut patet si quis biberet species in quantitate , & tamen juxtà communem illa sunt tantùm accidentia , nihil substantiæ vini ; aut è contra ædifica , destrue singula sensibilia domûs ; quid remanebit. Musphat , Materia , unum grande nihil ; Ecce quomodo Deus tradidit mundum disputationi.

Respondit : ex solo auditu , quòd doceam non dari materiam primam , aliquis P. Carmel. Lector , in Silesia me esse stultum : sed contra : *vir ille reus est judicij* Matth. 5. cap. deinde *nos stulti propter Christum* , Imâ ad Corinth. insuper Aug. serm. 8. de verbis Domini , *dicentes se esse sapientes stulti facti sunt , dic te stultum & sapiens eris , sed dic , dic , & intus dic , quia sic est ut dicis* : sed remitto virum hunc ad meam dialecticâ , in qua de ijs mentionem facio , qui inter pocula disputant , nam id quoque contra modestiam simili occasione factum scio ; *debitores sumus sapientibus , & insipientibus* inquit Apost. *mihî autem pro minimo est , ut à talibus judicer.* l. c. cap. 4. plura reservo in futurum.

Obijcies I. ad hominem , sicut de ideis ; addes , volens ultrà tot , & tanta ingenia
sa-

sapere meritò insipiens, vel stultus cum illo P. Carmel. dicendus est, hæc & cætera exaggerabunt aliqui oratoriè: quibus pronunc Respondeo: præter ea, quæ de ideis in simili objectione in Logica dixi; nomine alterius, *Ego Ecclesiastes fui rex Israel in Jerusalem, & proposui in animo meo querere, & investigare sapienter de omnibus, quæ fiunt sub sole; & Ecce Universa vanitas, & afflictio spiritûs, perversi difficile corriguntur, stultorum infinitus est numerus: hinc nec me excipendum puto, nec alium includendum volo.*

Obijcies II. fundamenta Aristotelis & aliorum: datur generatio substantialis, sed hæc nequit fieri, vel intelligi sinè subiecto, id est, materia, ac nova forma, Ergò datur materia prima, ac reliqua principia communia. Major constat experienciâ, quando ex ligno fit ignis, producitur nova substantia, sed productio novæ substantiæ, est generatio substantialis, Ergò &c. Poncius advertit quoque imbecillitatem argumenti; Ego autem Respondeo: Negando Majorem, vel illam distinguo: datur generatio substantialis in sensu Aristotelis: N. si per illam intelligatur immutatio sensibilibium: C. Majorem, ac Probationem; sed nihil infertur.

Colliges: qui negat materiam primam Aristotelicam, necessariò & negare for-

mas : (exceptâ animâ rationali) imò & accidentia in sensu ipsius ; illa entia , quæ vocant accidentia , admitto quidem ; sed nolo quòd dicantur accidentia , in sensu Aristotelis : licèt enim possint adesse , & abesse plùs minùs , tamen non subjèctantur in materia vel forma Aristotelica , vel compositio *ex his* ; item hac viâ incedentes nequaquam generationem , ac corruptionem in sensu peripatetico admittere possunt , ùt patet intelligentibus ; hinc tamen non nego ; quòd producat , vel generetur ignis , arbor , homo , ùt mihi frivole imponeretur ; sed tantùm volo , quando hæ productiones fiunt , quòd non sit alia causa quàm sensibilis inter creatas , & quòd nec sit aliud subjèctum quam sensibile : idem est de forma ; porrò possem admittere etiam materiam primam , at non Aristotelicam , nolo tamen uti hoc nomine , nè ad principia illa declinem , idem rursus est de forma , accidentibus &c. porrò id , quod alij vocant materiam , vel subjèctum , non capio , quale ens sit ; unde sensibilia quædam denominantur , & alia denominant , quod ijs respectu diversorum utrumque competere potest ; per generationem verò intelligo mutationem sensibilium , quæ jam major jam minor est ; ex quibus ferè omnia solves , sed in forma procedendo .

In-

Instabis : quando ex ligno fit ignis, lignum non annihilatur, nec ignis creatur, ergò fit generatio in sensu Aristotelico : Antecedens constat ; quia nulla creatura potest creare ; Consequentia patet : quia si non creetur ignis, dependenter à materia producitur. Respondeo Negando Consequentiam cum probatione, vel dic: produci dependenter à materia sensibili transeat ; alià : N. nam creari significat ex nihilo fieri , annihilari sic desinere ut nihil maneat, quod hìc tantùm abest, ut dicam omnia sensibilia, quæ constituunt ignem novum, antecederent fuisse , & nullum eorum, quod erat in ligno perire simpliciter sed immutari.

Instabis : quomodo ergò dicetur ignis novus ? deinde sensibus constat , quòd quædam accidentia in ligno pereant, puta humiditas, color &c. Ergò quod manet, erit materia Physica, & quod producitur, forma.

Respondeo : sicut quando ex ligno, calce, lapide &c. fit nova domus, cujus tamen antecederent necesse est omnes partes extitisse, fitque sola combinatio, ac immutatio rerum ; ita mutatis elementis & elementorum sensibilibus, ex quibusdam sensibilibus ignis prioris, accedentibus sensibilibus ligni, fit ignis novus, & ex

alijs aëreis , ac aqueis humor &c. Si dicas : ergò elementa sunt principia. Respondeo : velut constitutiva secunda : C. prima N. nam certum est , quòd quidquid est rei physicae , & non est spirituale ; id esse elementum purum vel mixtum , at elementa fiunt ex sensibilibus , quæ ostendam esse indivisibilia.

Instabis : quomodo ergò erunt unum per se ? Respondeo non quidem ex materia & forma Philosophi , sed quatenus simul sumpta sunt denominativa unius , v. g. sensibilia calcis & lapidis constituunt murum ab ijs indistinctum , ut quoque dicam de composito in via communi. Nec dicas : tali modo naturaliter fieri transsubstantiationem ; Jam respondi : quòd nolim uti in Physica terminis *substantiâ* , *accidente* , *materiâ* &c. sed sensibilia plùs minùs requisita , v. g. ad murum requiruntur plùs sensibilia terræ , & aquæ , quàm aëris ac spiritûs ignei , sicut & plùs lapis , calx , quàm , v. g. color aliquis in muro ; proinde non sequitur colorem esse accidens , lapidem substantiam , sed colorem esse sensibile minùs requisitum , quàm terrea sensibilia lapidis , ita nec si fiat dealbatio , deberi dici accidentalem ; si exstruatur integer murus , substantialem Aristotelicam , sed duntaxat hanc esse maiorem immutationem sensibilibum , quàm priorem. . . . Obij-

Obijcies III. Datur generatio & corruptio viventium, sed harum principia non sunt sensibilia, Ergò, &c. Minor Probatur: Corpus & anima sunt principia generationis: sed hæc non sunt sensibilia, Ergò, &c. Respondeo Negando Minorem cum probatione: Major etiam est falsa in sensu Aristotelico; non nego quidem quòd fiat generatio, sed cum Eccl. dico quòd *generatio advenit, & præterit, ipsum quod fit, ante fuit*: & dico corpus constare ex meris sensibilibus, in homine verò dari animam rationalem, quæ est forma substantialis ut definivit Leo X. Papa.

Instabis: non tantum datur generatio hominis, sed etiam bruti, ergò sicut principia hominis non sunt constitutiva sensibilia, sed corpus & anima, ita & in bruto; consequenter reliqua. Respondeo Negando suppositum, quòd corpus hominis constet aliò quàm sensibilibus, hinc distinguo Consequens, Ergò brutum constat corpore, & animâ sensibili. C. Aristotelicâ. N.

Instabis: homo habet aliam materiam præter sensibilia, & formam spiritualem: Ergò brutum materiam Aristotelicam, & formam substantialem.

Respondeo Negando Antecedens quoad primam partem: & paritatem quoad alteram; nam fides imprimis docet: quòd

detur anima rationalis, & quòd sit forma spiritualis definivit Leo X. censeo informans corpus, non assistens ut angelus, at corpus humanum totum est sensibile.

Instabis: non tantum fides docet, sed etiam purus philosophus potest scire, quòd in homine præter corpus sit anima rationalis, quæ sit forma spiritualis substantialis: Ergò æquè concludet, quòd talis forma sit in bruto licet non spiritualis. Circa hoc antecedens aliquando me occupabo integrâ quæstione. Pro nunc Respondeo Distinguendo Antecedens ex supposito, quòd veniat in cognitionem Dei velut Creatoris omnium transeat: præscindendo. N. sed Nego Consequentiam: nam ut fatetur Mastrius nondum constat, an rationalitas sit differentia inter hominem, & brutum, de quo ego fusè in animastica, & S. Ambr. lib. de Noë, & arca Cap. 4. definit hominem: *animal vivum mortale rationale*, & in veteribus *mortale* ponebatur loco differentiae, nec adeò malè, nam *mortale* significabat separationem animæ à corpore, quod non æquè brutis convenit: nam quando brutum moritur, non remanet anima.

Instabis: ratione convinci potest, quòd & brutum sit animal vivens, ergò debet habere principium operationum vitalium, quale

quale est forma substantialis. Respondeo Distinguendo Consequens, principium Aristotelicum: N. dispositionem aptam sensibilem: C. Nec dicas, combinatio sensibilem in homine non sufficit, in quo Ethnici immortalitatem agnoverunt; jam enim dixi, licet dubitativè, ac argutivè de immortalitate animæ hominis locuti fuerint, pro operationibus sensitivis sufficere sensitivam animam, & hanc aliud non esse, quàm sensibilia quædam sic disposita, ferè ut in horologio &c.

Obijcies IV. datur forma substantialis; ergò & materia: Probatur Antecedens: una res physica differt substantialiter ab altera, Ergò &c. Antecedens est certum, inquit Poncius: nam lignum differt substantialiter ab aqua, lignum autem album, & nigrum accidentaliter; Consequentia Probatur: quia non differunt res physicæ in subiecto communi, nec per accidentia. Respondeo negando suppositum probationis: quòd detur substantia physica, vel accidens illi in sensu Aristotelis; hinc certum illud putatitium est, differunt autem penes hæc, vel illa, plura, vel pauciora sensibilia, v. g. mensa cedrina differt plùs à cedro adhuc florente, quàm asserere cedrinò, & tamen secundùm sensibilia.

Instabis: una res physica differt ab alia
sicut.

sicut omnes, sed homo differt substantialiter scilicet: per animam rationalem, ergo & reliqua à se invicem sic distinguuntur. Respondeo Distinguendo Majorem: una totaliter sensibilis, sicut omnes: C. una habens formam spiritualem maximè fide cognitam sicut omnes tali carentes: N. Majorem.

Instabis: etiam una res physica non habens formam spiritualem distinguitur ab altera substantialiter, v.g. ignis ab aqua, Ergo &c. Probatur Antecedens: hic enim in se habet principium caloris, illa frigoris: Ergo &c. Respondeo Negando Antecedens, ac probationis Consequentiam, sicut enim nigredo est offuscativa lucis, ita ignis constat sensibilibus productivis caloris cæteris paribus, vel disparibus.

Obijcies V. ars petit materiam artificum: Ergo scientia naturalis petit quoque materiam primam. Respondeo: hoc totum esse verum, sed utrinque sensibilem materiam dari.

Instabis: naturalia petunt aliquod subiectum commune entibus physicis, Ergo materiam Aristotelis. Respondeo Negando Consequentiam: quædam enim sensibilia denominantur, & hæc possunt dici subiectum, alia denominant, & hæc dicantur forma, ita tamen ut in ente physico nihil

nihil sint, nisi sensibilia ; malo tamen abstinere ab illis nominibus ne minùs periti contradictionem putent.

Obijcies VI. difficile argumentum ; absque materia , & forma , nequit intelligi transubstantiatio , & doctrina Concil. Trid. Ergò datur. Probarur Antecedens : quando panis fit corpus Christi , manent omnia sensibilia panis, & tamen substantia panis esse desinit , Ergò signum est , quòd illa substantia panis , quæ desinit esse , non sit facta ex sensibilibus , sed ex materia , & forma. Respondeo me purè philosophicè defendere. At quia reclamas Christianam , Philosophiam debere subordinari fidei. Respondeo imprimis non premi Lutheranos , qui negant transubstantiationem. At quia cum his nolo sentire. Respondeo tertio exercitij causâ , quas tamen responsiones insufficientes ipse puto juxtà scriptores Catholicos : substantia panis desinit esse Metaphysica : C. Physica : N. hoc est illa sensibilia , quæ putamus post consecrationem esse panem , non sunt panis , sicut aves putârunt esse uvas veras , ubi tantùm pictæ erant. Respondeo IV. in Concilio Trid. non esse additum : *& illa substantia , quæ desinit esse , fuit ex materia Aristotelica.* Nec dicas colligi : quia non ex sensibilibus , cùm hæc omnia maneant. Respondeo negari

gari quòd *omnia* manerent , sed tantum quædam exteriora, reliqua putarentur esse cum non sint, hinc est illud: *Visus, gustus in te fallitur*: quasi essent ibi sensibilia illa, quæ sunt objectum gustûs, & visûs, cum tamen non sint. Respondeo V. si transsubstantiatio debeat intelligi, & physicè, & metaphysicè, adhuc posse dici, ibi perire illam unionem, quæ sensibilia facit dici panem, quam sensus adhuc putant esse, cum tamen non sit, nam si unio perit, cætera maneant, non erit amplius verum: *panis est*, neque physicè neque metaphysicè, sicut triduo mortis Christi dissolutâ unione humanitatis, licet anima erat propinqua corpori propter divinitatem, cui mediante Personalitate erat anima unita, non tamen erat verum dicere: *est homo* neque physicè, neque metaphysicè: Hæc sunt pro exercitio.

DISPUTATIO II.

De Materia Prima.

Nè videar difficultatem fugere, vel breviorẽ Physicam, ac alienam à more aliorum tradere, reliqua facilè omnia procedent ex supposito (quod tamen nego) *si daretur Materia, ac Forma Aristotelica.*

QUÆ-

QUÆSTIO I.

An Materia prima haberet actum entitativum?

Dico: materia prima habet actum entitativum. Ità Sco. in 2. d. 12. q. 1. cum suis ac RR. contra Thomistas; sensus est: an materia prima, quam omnes fatentur esse ens aliquod extra causas, quale nondū est Antichristus, an inquam sit pura potentia physicē, quod quoque conceditur, & metaphysicē, quod nego, licet enim ipsa non includat formam physicam, tamen metaphysicam: & hic est verus sensus, quidquid alij ominentur.

Probatur; vel per actum entitativum intelligunt rationem entis actualis, vel differentiam metaphysicam, vel aliud: quidquid dixerint erit contra, nisi dicatur habere actum entitativum, Ergo, &c. Probatur Minor: si tertium, non est mihi quæstio cum illis, gratis enim do quod non includat aliquam formam physicam; si duo prima intelligant, patet quod habeat actum entitativum, aliàs nihil erit, vel forma erit.

Respondent: habet rationem entis actualis, vel etiam differentiam distinctam à ratione formæ. N. indistinctam. C. sed Contra: independenter ab ope intellectus, verum est dicere: *materia prima est, materia prima*

*prima non est forma, materia, & forma sunt
duæ substantiæ incompleta, quarum una habet
rationem potentia physica, altera actûs; Ergò
materia habet existentiam, & differentiam
distinctâ ab entitate, ac differentia formæ.*

Respondent distinguendo Consequens:
ergò habet, &c. id est, est ens actu. C. est
ens in actu, vel habet actum. N. C. Contra:
materia non est tantum ens actu, quale
non est rosa in hyeme, sed etiam est actu
distincta à forma, id est, habet gradum, vel
prædicatum metaphysicum, per quod di-
stinguitur à forma: sed ille gradus est diffe-
rentia Metaphysica, Ergò, &c. Confirma-
tur: materia est causa subjectiva, non for-
ma, non accidens, &c. Respondet Gabriel
à S. Vincentio, Ergò materia habet diffe-
rentiam, quæ est potentialitas. C. quæ est
actualitas. N. fateor eruditè, sed solis ver-
bis à Sco. discrepat; sic arguo: ipsa poten-
tialitas materiæ est actus entitativus, vel
differentia, per quam illud ens incomple-
tum, quod vocatur materia, secernitur ab
omni alio. Confirmatur: in ratione entis
incompleti convenit cum formâ, ergò dif-
fert per potentialitatem, sicut enim diffe-
rentia animæ in homine est rationalitas,
itâ materiæ potentialitas; ex quo patet:
æquivocari, quasi potentialitas non posset
dici Metaphysica differentia, vel actus.

Re-

Respondent alij : si materia haberet propriam existentiam : C. si secùs : N. & hi dicunt materiam nec esse creatam, nec productam, sed formæ coexistere, concreari &c. Contrà : materia non est forma, vel explicitè existentia materiæ non est existentia formæ ; item existentia subjecti non est existentia formæ pereuntis ipso manente ; O quales opiniones sunt istæ !

Respondent : existentiam materiæ non esse existentiam alicujus formæ divisivè, & determinatè : C. collectivè N. hoc significat : forma quæ modò est, facit materiam modò existere, & hac pereunte, adveniens præstat idem. Contra : in factò esse sunt duo principia, id est duo principia sunt existentia, Ergò ibi sunt duæ existentia, & subsistentia ; nam *duo* utrumq; denotat ; non enim valet : *Christus sunt duo*, intellige de subsistentia, quæ significat existentiam sinè aptitudine inhærendi velut subjecto.

Respondent alij : quòd habeat actum proprium : N. formæ : C. alij, ergò habet actum, id est, non est pura potentia objectiva : C. subjectiva : N. sed significant idem quod priora : pro adæquata notitia. Notandum est ; quòd potentia sit triplex : *Objectiva, Subjectiva, Effectiva* ; prima est

E

pura

Physica P. Schopen.

pura possibilitas respectu physicæ productionis, v.g. antichristus est modò in potentia objectiva. *Subjectiva* est subjectum formæ. *Effectiva* est potentia aliquid efficienter causandi, qualis est in igne, qui potest aquam calefacere producendo in eo calorem: ex quo patet; materiam esse puram potentiam subjectivam, non objectivam; neque solum actu esse, sed etiam definiri, saltem prout ens incompletum definiri potest, adeoque licet physicè sit pura potentia, habet tamen differentiam quâ metaphysicè à forma, accidente, & alijs distinguitur.

Obijcies I. materia non habet actum physicum, Ergò nec metaphysicum. Probatum Consequentia: *differentia desumitur à forma, sicut genus à materia*, Ergò si non habet formam, vel actum physicum, nec differentiam: sic arguenti mihi respondit meus Antecessor, modò Pragæ Regens: genus physicum desumitur à materia: C. metaphysicum: N. Superi! materia & genus physicum apud omnes intelligentes sunt idem. Respondeo Negando Consequentiam, axioma distinguo: proportionaliter: C. formaliter: N. hoc est, sicut in rebus physicis materia est commune subjectum, & illud quod determinatur, ità quoque genus in metaphysicis est pars de-
ter-

terminabilis, sic quoque de differentia est loquendum proportionaliter. Retorqueo argumentum; angelus, anima, non habent materiam, & tamen constant genere, Ergo &c.

Instabis: in rebus propriè physicis: (qualis non est angelus vel anima) differentia formaliter sumitur à forma physica, sed materia non habet formam, Ergo nec actum. Probatur Major inductione: ideo homo dicitur metaphysicè rationalis, quia habet formam physicam scilicet animam rationalem; brutum irrationale, quia habet animam positivè irrationalem. Respondeo Negando Majorem; probationem distinguo: si *ly ideo* sumatur præcisè: N. si sumatur tanquam per quid notius, & in hoc vel altero casu simili: C. aliàs nihil posset definiri, nisi esset physicè compositum, quod nec illi volunt.

Obijcies II. quod est pura potentia, nequit habere actum entitativum, sed, Ergo. Minor patet ex eo, quid sit materia. Respondeo Distinguendo Majorem: nequit habere actum physicum: C. metaphysicum N. deinde ad Minorem dico: materiam esse puram potentiam physicè, non metaphysicè.

Instabis: quod est pura potentia physicè, nequit habere actum physicum, Ergo quod

quod est pura potentia metaphysicè sicut materia, quia conceptus ejus non est aliud quàm potentialitas, nequit habere actum metaphysicum. Respondeo Negando suppositum, quòd materia etiam metaphysicè sit pura potentia, probationem distinguo: conceptus ejus differentialis non est aliud. C. genericus : N. Jam enim dixi, quòd sit *ens incompletum potentiale*.

Instabis: ex hoc sequeretur, quòd idem foret actus, & potentia, imò conceptus potentialitatis esset actus. Respondeo Distinguendo sequelam: idem esset actus metaphysicè, & potentia physicè: C. quòd autem conceptus potentialitatis sit actus, vel differentia materiæ do libenter; hinc non est actus respectu sui ipsius, sed entis incompleti.

Obijcies III. physicè datur aliquid, quod est ità pura potentia, ut nullum actum physicum includat, ergò & tale quid dabitur metaphysicè. Respondeo concedi posse totum, in physicis assigno materiam, in metaphysicis rationem entis ut sic, nam materia est resolubilis in plures conceptus objectivos à parte rei.

Instabis: ideo materia prima est pura potentia physicè, quia est ens incompletum physicum; sed etiam metaphysicè est ens incompletum, ergò &c. Respondeo N. vel

vel Distinguendo Minorem : metaphysicè est ens simpliciter incompletum : N. comparative ad substantias physicas totales : C. verum quidem est , quòd non in tot conceptus sit resolubilis, sicut v. g. homo , nec tamen ipsa, nec forma metaphysicè est purus conceptus indivisibilis.

Instabis : datur actus omninò purus scilicet Deus ; Ergò & debet pura potentia admitti. Respondeo Distinguendo Antecedens : id est, in Deò nulla est compositio : C. in Deo non sunt plures conceptus objectivi à parte rei actu distincti : N. ad Consequens dico : nihilum nullum habere conceptum ; deinde quòd Deus sit purus actus , oritur ex summa perfectione , at nullum ens est ità imperfectum , quin præter rationem entis , habeat actum sui distinctivum ab omni alio.

Cætera facile solves retinendo : quòd materia physicè sit simplex , pura potentia ; at metaphysicè est species completa, licèt non comparative ad substantias etià physicè completas ; quòd si dicant : ex duobus entibus in actu nequit fieri unum , actus, & potentia ens dividunt, &c. ac auctoritates explica de actu physico. C. aliter N. Mastrius quidem, negat potentialitatem esse differentiam volens esse passionem, sed vult tantùm dicere quòd poten-

tia formalis sit passio, radicalis differentia. His responsionibus assentit Poncius, & Herman, sed hic posterior contradicit sibi hic Numerô XI. & IX. in *Arguitur*, & *Urgetur*: responsiones Lalemandet non ita probo.

QUÆSTIO II.

*An Materia prima posset existere sine
omni forma substantiali?*

Dico: Materia prima etsi probabilius naturaliter non posset existere, tamen supernaturaliter posset esse sine omni forma substantiali. Ità Sco. l. c. cum suis, & R.R. plurimi contra scholam D. Thomæ, qui putant in sententia Scoti debere hoc posse naturaliter fieri, cum tamen ipsi divinæ potentiæ hoc negent: quæstio potissimum de formis substantialibus, & absolutis est usurpanda.

Probatur prima pars experienciâ: Ergò videtur cursui naturæ repugnare. Nec dicas, triduo mortis Christi, & in creatione Mundi *terra erat inanis*; nam formam corporeitatis infra probabo; & l. c. scripturæ explico: quòd necdum erant omnia, quæ debebant subsequi. Confirmatur: causæ naturales de factò saltem non destruunt nisi ut producant, Ergò sola nunquam erit prima materia naturaliter. Lege P. Arriagam.

Pro-

Probatur altera pars: Deus potest conservare accidentia Eucharistica sine subiecto ex fide: Ergò & materiam sine forma, quia accidentia plùs dependent à subiecto, quàm materia à formis, quod sic probo: posterius dependet magis à priori, quàm prius à posteriori, sed accidentia sunt posteriora subiecto, & materia est prior formâ, Ergò &c.

Respondent Distinguendo ultimam Majorem: cæteris paribus. C. imparibus N. quia dicunt accidentia habere propriâ existentiam, non materiam; sed præterquam quòd sit explosum suprà, sic arguo: hoc datò, humanitas in sententia Thomistarum existit existentia Verbi in Christo, sed illa potuit existere existentia propriâ, ergò & materia licèt existeret existentia formæ, se solâ existere posset.

Confirmatur: nulla est ratio necessariæ connexionis materiam inter, & formam, Ergò Deus potest ea seorsim conservare, item *Deus se solo potest, quod cum causis secundis*, sed cum forma conservat materiam, ergò & se solò.

Respondent: axioma valere in causis efficientibus. C. formalibus; N. Contra: hoc infert non posse esse compositum physicum sine forma, bene materiam, cui forma nec dat esse ut actus secundus respectu

primi, nec ut modus, imò sunt duo entia absoluta incompleta realiter distincta, se invicem non causantia, Ergò divinitus saltem separabilia.

Retorquent argumentum: hæcceitas, subsistentia sunt quid absolutum, nec tamen possunt esse sine natura. Contra: hæc sunt metaphysica formaliter tantum distincta, at materia, & forma sunt entia physica incompleta, realiter distincta.

Respondent: etiam in physicis, & realiter distinctis oppositum evenire, v. g. totum nequit esse sine partibus, quantitas sine figura, actio sine effectu. Contra: hæc partim supponunt falsum ex dicendis, partim admissa non concludunt, quia vel sunt relativa, vel se mutuò causant &c.

Obijcies I. Proprietas nequit separari à subjecto, v. g. risibilitas ab homine, ergò nec forma à materia; quia prima sunt unum per accidens, alia unitate per se. Respondeo Negando Consequentiam; materia, & forma sunt magis unum per se unitate physicâ: C. metaphysicâ N.

Instabis: quæ sunt magis unum sunt minus separabilia, sed materia, & forma sunt magis unum, Ergò &c. Probatur Minor: Unitas per se est potior unitate per accidens, sed, Ergò. Respondeo Negando Minorem; probationem distinguo: unitas

tas per se est potior, si sit in eodem genere ac ordine: C. in diverso N. v. g. unitas metaphysica per se est major unitate metaphysicâ per accidens, hinc dic materiâ, & formam esse magis unum unitate unionis: C. identitatis N.

Obijcies II. materia existit existentia formæ, ergò nec divinitus ab ea potest separari. Probatur Antecedens; materia artificialium existit existentia formæ artificialis, Ergò à pari. Respondeo Negando Antecedens: Probationem distinguo, physicè transeat: metaphysicè: N. nam nec materia naturalis, vel prima, nec artificialis includit formam physicam bene tamen metaphysicam.

Instabis: talis materia separata nec esset spiritualis, nec corporea, nec purè intellectualis, Ergò, &c. Respondeo: propter hoc in probatione partium, contra partes me rationabiliter conclusisse non dari materiam; illi enim vel negant illi existentiam propriam, & tale quid est musphat, vel purum intelligibile ponunt.

Instabis: illa materia esset in actu perfectissimo existentia, & differentia, & non esset, quia formâ careret. Ad hujusmodi dico: quòd esset in actu metaphysico, & non physico. Si petat quis, an esset indivi-

duum? dic metaphysicum quodammodo completum, physice incompletum.

Instabis: operatio nequit intelligi sine potentia operativa, vel actus secundus sine primo: sed existentia materiæ est actus secundus formæ, Ergò, &c. Respondeo transeundo Majorem. N. Minorem, vel distinguo eam, existentia materiæ quæ informata. C. simpliciter. N. pro alijs solvendis Sciendum est quòd Thom: hìc falsò supponant materiã non habere propriam existentiam, absque lumine gloriæ Deum non posse videri, essentiam actualem, & existentiam realiter distingui, &c.

Instabis: existentia materiæ secundum se considerata est à forma: Ergò, &c. Probatur Antecedens: existentia unius relativi est ab alio: sed materia est relativum aliquod ad formam: Ergò, &c. Respondeo Negando Antecedens; probationis Majorem transeundo, Nego Minorem; vel distinguo: transcendentaliter & juxtà modum concipiendi. C. prædicamentaliter, & entitative. N. quòd sit relativum, sed absolutum.

Instabis: ex eo quòd nunquam sola existat colligitur indispensabilis unio, saltem ad modum conditionis *sine qua non*, cum nec pateat quomodo conservari posset. Respondeo negando assumptum: multa enim

enim non fiunt, quæ divinitus esse possent; tali autem casu conservaretur uti de factò, nec fieret miraculum aliquid ponendo sed subtrahendo; de primà parte nihil occurrit, quòd enim anima rationalis sola existat, tum ex ejus perfectione, tum speciali Dei voluntate fieri censendum est, quâ materia longè est imperfectior.

QUÆSTIO III.

Quomodo Materia appeteret formas substantiales?

Dico: Materia prima appetit omnes formas æqualiter. Ità Sco. varijs locis; at quia multæ partes includuntur, ut pateat quis assentiat, vel dissentiat, sic declarantur: Dicitur primò: *appetit omnes formas*, intellige substantiales, ac propter eas etiam accidentales, tam naturales, quàm supernaturales; tam absentes, quàm præsentés, immò & corruptas; & hucusque communior est in omni Schola, hinc inde paucis recalcitrantibus. Dicitur secundò: *æqualiter*, id est, non potius nobiliores, quàm ignobiliores, & non tam penès rationem particularem, quàm universalem, & quoad istud est contra plures Scotistas: intelligitur autem conclusio de appetitu innato, qui est inclinatio passiva rei, non de elicito, qui est actus voluntatis.

Pro-

Probatur primò : quòd omnes formas appetat : appetere est habere naturalem inclinationem passivam subiectandi formas, sed talem inclinationem habet materia ad omnes formas : Ergò, &c. Minor patet ex definitione ipsius : Respondent aliqui distinguendo Minorem : ad omnes formas naturales. C. supernaturales. N. alijs sic : non corruptas. C. semel corruptas. N. Contra hos & illos : si corruptas, & supernaturales non affectaret, esset ideò : quia non sunt naturaliter producibiles, sed hæc ratio nulla est, cum hoc se habeat per accidens respectu causæ materialis, & discernit efficientem ; est enim cera liquida quoque indifferens ut sibi hæc vel illa figura imprimatur.

Respondet Orthz : saltem non habere appetitum ad formas ut sunt amissæ, sed hoc tritum est judiciò prudentium. Confirmatur : omnes formæ sunt natæ informare materiam, Ergò materia omnes velut sui perfectivas appetit, non quidem in sensu composito, nisi fortè ad summum duas, sed diviso.

Probatur & altera pars : sic appetit formas, velut ab illis perficitur, & completur, sed æqualiter ab omnibus perficitur, Ergò &c. Probatur Minor : quòd forma subinde sit nobilior, hoc quidem facit compositum

tum esse perfectius, at non materiam, v. g. propter formam Jaspis est perfectior, quam arena, in quibus materia est æqualis. Confirmatur: genus metaphysicum in se non fit perfectius à rationalitate, quam irrationalitate, licet compositum perfectius resultet, nam & in homine, & in bruto animal ex se est vivens sensitivum: item æs fusum, vel limus est indifferens ad hanc, vel illam formam artificialem, & quod potius hæc, quam illa fiat, determinatur ab agente extrinseco, Ergo & materia est indifferens ad omnes formas.

Respondet Hermann, est indifferens, id est; non est determinata ad unam: C. & hoc fatetur ab agente extrinseco venire; est indifferens, id est, non habet majorem inclinationem ad nobilem, quam ignobilem: N. Contra: æs fusum utroq; modo est indifferens, Ergo gratis verba variat, quis enim diceret tale æs magis appetere formam aheni quam ollæ? Probatur adhuc; appetitus magis boni præ minore est cognitivorum, sed de horum forte non est materia, Ergo &c. Respondet subito Poncius: appetitus elicitus: C. innatus: N. Majorem. Contra: hæc responsio principium petit, appetitus enim materiæ non est elicitus, sed innatus, Ergo non tendit potius in nobilem, quam in igno-

ignobilem formam. Probatur Consequen-
tia: prior enim appetitus est activus, al-
ter passivus, id est, ille eligit, non iste, sed
est indifferens.

Respondent: innatum esse passivum,
& indifferentem, quoad hoc, quod ab
omnibus possit perfici, & quod ex se non
posset magis habere unam, quàm alteram:
C. ità ut non petat nobilem præ ignobili:
N. Contra est, quod suprà dixi, ab ignobili
æquè actuari, & facere unum per se.

Respondent: actuari æquè genericè:
C. secundum perfectiones específicas, vel
individuales: N. Contra: non quæritur:
an compositum fiat perfectius à nobiliori
forma, hoc enim concedo; sed manet
argumentum quod materia non reddatur
perfectior à nobiliori, Ergò eam non petit
præ ignobili.

Probatur tertio; in materia frustrà tot
respectus fingeres, quot formæ sunt possi-
biles; sed unicus est indivisibilis, qui radi-
caliter sumptus est ipsa essentia: sed sub-
stantia non suscipit majus & minus: Ergò
appetitus materiæ non est major ergà no-
bilem, quàm ignobilem formam.

Respondet Mastrius retorquendo: quod
nec substantiales appeteret præ acciden-
talibus; imò & suggero, quod hæc retor-
sio suprà fieri potuisset. Contra: non est
de

de ratione intrinseca materiæ appetitus formarum accidentalium, si enim omnia implicarent, esset materia subiectum formarum; deinde appetitus materiæ est transcendentalis, ergò æqualis ad omnes formas. Probatur Consequentia, ens transcendens finitum, & infinitum, participatur in via Sco. univocè, Ergò &c.

Obijcies I. contra primam partem: materia non appetit formas absentes: Ergò, &c. Probatur Antecedens: aliàs appeteret destructionem præsentis, quia plures nequit simul subiectare. Respondeo distinguendo sequelam: si appeteret absentes in sensu composito præsentis transeat: si in sensu divisio. N. unde non appetit alias, ut habet præsentem, sed specificativè sumpta.

Instabis: saltem naturaliter plures formæ non possunt esse simul: Ergò habens unam nullò modò petit alias. Respondeo: transeundo Antecedens: ad Consequens ut statim; vel dico: non appetere plures simul simultate actûs. C. simultate potentia. N. Consequentiam.

Instabis: materia habens unam formam est quietata: Ergò nec specificativè habet simultatem potentia. Respondeo Negando Consequentiam: vel rursus dico: pro sensu composito. C. divisio. N. Si dicas, saltem præsentem non appetit, quia desiderium

rium est absentis. Respondeo esse verum de appetitu elicitio.

Si petas: an infinitas appetat? dico saltem extensivè, licèt intensivè quacunque quietetur. Si tandem dicatur: non dari regressum ad habitus: dic verificari respectu efficientis, jam autem materiæ est perinde, quomodo, & ubi, & à quo forma educatur, dummodò ipsa informetur.

Obijcies II. contra alteram partem: appetitus materiæ non est aliud, quàm perfectibilitas ejus, sed magis est perfectibilis per formam perfectiorem: Ergò, &c. Minor Probatur: *Sicut se habet simpliciter ad simpliciter, ita magis ad magis*, sed absoluta ratio cur forma perficit materiam, est, quia cum illa facit compositum: Ergò quando facit perfectius compositum cum illa, magis illam perficit; subs: sed nobilior facit perfectius compositum: Ergò, &c. Respondeo: Negando Minorem; axiomam dico valere in his, quæ sunt capacia intentionis, quale nec est materia, nec ulla substantia.

Instabis: materia appetit formam, quia est ejus perfectio: sed forma nobilior est major perfectio: Ergò, &c. Respondeo distinguendo Minorem: est major perfectio compositi. C. materiæ. N. aurum est quidem ob formam nobilius compositum, quàm

quàm plumbum: sed materia prima ejusdem rationis est utrobique, adeò ut nec accidentaliter una præstet, nisi quà est pars compositi.

Instabis: forma nobilior etiam magis perficit materiam: Ergò, &c. Probatur Antecedens: substantialis est nobilior accidentali: sed substantialis magis perficit materiam accidentali: Ergò, &c. Respondeo primò: quæstionem esse de substantialibus ad invicem comparatis: Secundò Negando Antecedens; probationis Minorem distinguo: *magis*, id est, per gradus. N. id est, facit unum per se cum substantiali, non cum accidentali. C. sed cum nobili, & ignobili substantiali facit unum per se.

Instabis: forma nobilior *magis*, id est, per gradus materiam perficit: Ergò, &c. Probatur Antecedens: hoc convenit appetitui elicitò, cui innatus proportionatur; Ergò, &c. Respondeo Negando Antecedens, & probationis Consequentiam; proportionatur illi genericè, per hoc autem differunt, quòd elicitus eligat, innatus sit indifferens ad omnes. Has Mastrij probationes ipse Poncius reprobrat, Sannig iniquè citat Poncium pro opposita, expressè enim tenet cum Mastrio Numero 107. ex his

F

Col-

Physica P. Schopen.

Colliges: materiam ignobilem appetere, dum est sub nobiliori, puta specificativè sumptam, ac pro sensu diviso interim; hinc si informaretur aliquâ formâ, quæ contineret perfectiones omnium formarum, adhuc viliores appeteret; si autem talis contineret perfectiones omnium, quatenus formæ sunt, ampliùs nullam affectaret; Cæterum appetitus ille radicaliter, & intensivè est unicus, extrinsecè, ac extensivè infinitus per syncategorema; sic quoque Doctor Subtilis conciliatur: supersunt pauca, minùs fructuosa, quæ ut expediam.

Quæres primò: an sit una materia? Respondetur communiùs, quòd sit ejusdem speciei in sublunaribus, & cælestibus, numerò diversa in singulis terræ, ac cæli individuis, v. g. alia & alio numerò est in mensa, charta &c.

Quæres secundò: an materia recipiat formas immediatè, vel mediante aliqua potentia realiter distincta? Respondeo: si per potentiam intelligas carentiam actûs, illam realiter distingui, perit enim adveniente forma, & manente materia: aliàs neque realiter, neque formaliter distincta entitas admittenda est, scilicet si potentia materiæ sumatur radicaliter, id est pro prædicato differentiali; an autem sit alia differentia? sit ut sit, defactò per potentia-

tialitatem explicatur quidditas materiæ.

Quæres tertio: an materia sit generabilis, & corruptibilis? Respondetur communiter, quod sit generabilis subjectivè, non autem terminativè; primum significat, quod ipsa sit subjectum illarum formarum, quæ desinunt esse, & de novo adveniunt: alterum quod à Deo quidem possit produci, ac annihilari, sed ordinario cursu à nulla creatura, & quantum ad hoc ipsa est feclicior formis. Quæri solet etiam; an sit nobilior possibili? & an habeat ideam? suppositò, quod detur, affirmativè respondendum est. Ex quibus ultrò patet, quod materia apud Thomistas sit unum grande nihil, apud Scotistas conceptus metaphysicus: sed de his abundè dictum est.

DISPUTATIO III.

De Forma Substantiali.

PRorsus eodem suppositò de Forma agemus; porrò forma substantialis dicitur actus primus materiæ: intellige actus informans, & denominans, non sicut Angelus dicitur forma assistens corpori assumpto; de priori sit.

Colliges: materiam ignobilem appetere, dum est sub nobiliori, puta specificativè sumptam, ac pro sensu diviso interim; hinc si informaretur aliquâ formâ, quæ contineret perfectiones omnium formarum, adhuc viliores appeteret; si autem talis contineret perfectiones omnium, quatenus formæ sunt, amplius nullam affectaret; Cæterum appetitus ille radicaliter, & intensivè est unicus, extrinsecè, ac extensivè infinitus per syncategorema; sic quoque Doctor Subtilis conciliatur: supersunt pauca, minùs fructuosa, quæ ut expediam.

Quæres primò: an sit una materia? Respondetur communiùs, quòd sit ejusdem speciei in sublunaribus, & cælestibus, numerò diversa in singulis terræ, ac cæli individuis, v.g. alia & alio numerò est in mensa, charta &c.

Quæres secundò: an materia recipiat formas immediatè, vel mediante aliqua potentia realiter distincta? Respondeo: si per potentiam intelligas carentiam actûs, illam realiter distingui, perit enim adveniente forma, & manente materia: aliàs neque realiter, neque formaliter distincta entitas admittenda est, scilicet si potentia materiæ sumatur radicaliter, id est pro prædicato differentiali; an autem sit alia differentia? sit ut sit, defactò per potentia-

tialitatem explicatur quidditas materiae.

Quæres tertio: an materia sit generabilis, & corruptibilis? Respondetur communiter, quod sit generabilis subjective, non autem terminative; primum significat, quod ipsa sit subiectum illarum formarum, quæ desinunt esse, & de novo adveniunt: alterum quod à Deo quidem possit produci, ac annihilari, sed ordinario cursu à nulla creatura, & quantum ad hoc ipsa est feclicior formis. Quæri solet etiam; an sit nobilior possibili? & an habeat ideam? suppositò, quod detur, affirmativè respondendum est. Ex quibus ultrò patet, quod materia apud Thomistas sit unum grande nihil, apud Scotistas conceptus metaphysicus: sed de his abundè dictum est.

DISPUTATIO III. De Forma Substantiali.

PRorsus eodem suppositò de Forma agemus; porro forma substantialis dicitur actus primus materiae: intellige actus informans, & denominans, non sicut Angelus dicitur forma assistens corpori assumpto; de priori sit.

Colliges: materiam ignobilem appetere, dum est sub nobiliori, puta specificativè sumptam, ac pro sensu diviso interim; hinc si informaretur aliquâ formâ, quæ contineret perfectiones omnium formarum, adhuc viliores appeteret; si autem talis contineret perfectiones omnium, quatenus formæ sunt, ampliùs nullam affectaret; Cæterum appetitus ille radicaliter, & intensivè est unicus, extrinsecè, ac extensivè infinitus per syncategorema; sic quoque Doctor Subtilis conciliatur: supersunt pauca, minùs fructuosa, quæ ut expediam.

Quæres primò: an sit una materia? Respondetur communiùs, quòd sit ejusdem speciei in sublunaribus, & cælestibus, numerò diversa in singulis terræ, ac cæli individuïs, v.g. alia & alio numerò est in mensa, charta &c.

Quæres secundò: an materia recipiat formas immediatè, vel mediante aliqua potentia realiter distincta? Respondeo: si per potentiam intelligas carentiam actûs, illam realiter distingui, perit enim adveniente forma, & manente materia: aliàs neque realiter, neque formaliter distincta entitas admittenda est, scilicet si potentia materiæ sumatur radicaliter, id est pro prædicato differentiali; an autem sit alia differentia? sit ut sit, defactò per potentia-

tialitatem explicatur quidditas materiae.

Quæres tertio: an materia sit generabilis, & corruptibilis? Respondetur communiter, quod sit generabilis subjective, non autem terminative; primum significat, quod ipsa sit subjectum illarum formarum, quæ desinunt esse, & de novo adveniunt: alterum quod à Deo quidem possit produci, ac annihilari, sed ordinario cursu à nulla creatura, & quantum ad hoc ipsa est fecilior formis. Quæri solet etiam; an sit nobilior possibili? & an habeat ideam? suppositio, quod detur, affirmativè respondendum est. Ex quibus ultrò patet, quod materia apud Thomistas sit unum grande nihil, apud Scotistas conceptus metaphysicus: sed de his abundè dictum est.

DISPUTATIO III.

De Forma Substantiali.

PRorsus eodem supposito de Forma agemus; porrò forma substantialis dicitur actus primus materiae: intellige actus informans, & denominans, non sicut Angelus dicitur forma assistens corpori assumpto; de priori sit.

QUÆSTIO I.

An, & quomodo formæ educerentur è potentia materiæ?

Dico : omnes formæ substantiales (exceptâ animâ rationali) educuntur è potentia materiæ, id est, dependent ab ea *in fieri, & conservari*. Ità Sco. varijs locis cum suis, contra Thomistas, ac R.R. plurimos, quorum aliqui volunt formas cælestes non educi, sed creari, imò aliqui idem de elementaribus formis sentiunt ; quòd autem *educi* significet dependere à materia *in fieri, & conservari* hòc modò, ut sinè miraculo absque materia nec possit fieri, nec conservari, nonnulli Scotistæ verbotenùs negant, in re facilè coincidunt omnes, quòd si putes, in re differre varios Authores

Probatur primò, quòd natura educationis consistat in tali dependentia: per id bene explicatur educitio, in quo convenit causalitas educitiva, & disconvenit ab omni alia, quæ non est educitio: sed, Ergò. Probatur Minor: aliæ formæ, quæ non educuntur, sunt illæ, quæ creantur sicut anima rationalis, sed hæc producitur, at non cum tali dependentia à materia, Ergò &c. Minor patet, separatione enim factâ animæ à corpore, anima conservatur sinè

mi-

miraculo. Confirmatur : per hanc dependentiam exprimitur quidquid ad educationem requiritur, & tollitur omne superfluum, Ergò &c. Antecedens declaratur : omnis forma enim , quæ sic producitur , virtualiter debet contineri in materia tanquam in subiecto passivo *ex quo* forma fit , consequenter prærequiritur materia saltem in instanti naturæ , quod sufficit ad agere & pati, insinuatur quoque : quòd materia sit receptaculum formæ, tale quidem, quòd naturaliter forma nequeat produci , nisi huic uniatur : Mastrius, & Ponticius hic diu altercantur , & tandem idem concludunt.

Probatur adhuc idem : educere non est idem quod extrahere formam ex materia, sicut pecuniam ex marsupio actu præexistentem , quomodocunq; hoc explicetur ; nec est tantum attingere productionem formæ , ac ejus unionem cum subiecto ; nec producere formam certis dispositionibus prævijs in materia ; nec aliud , nisi coincidās , Ergò consistit in tali dependentia. Probatur Antecedens : non primum ; quia generatio est transitus à *non esse* formæ ad *esse ejus* , Ergò actu non præexistit , nec tota , nec secundum partem : aliàs & infinitæ essent in materia ; nec valet secundum *esse* umbrosum , imperfectum , quia

vel sunt actualiter, vel ut dixi tantum virtute? Si dicant: esse ibi secundum possibilitatem. Contra: hoc esse possibile est seminalis ratio ac virtus, quæ est materiæ potentia producuntur, quam omnes fatentur, licet diversimodè baptizetur. Deinde educere non est producere, ac tantum unire formam subjecto; sic enim producitur anima rationalis, & tamen non educitur. Nec dicas animam sic produci, sed absque miraculo posse non uniri. Contra: periculosum est dicere, quod Cholchodea illas formas producat; cæterum, si anima produceretur, & non saltem instanti naturæ conjungeretur corpori, foret præter rerum ordinem; dico *natura*, quia defacto organizatione facta creatur anima, & si hæc inveniat corpus incapax ad operationes vitales, illicò in utero separatur à corpore. Imò & anima producitur certis conditionibus prævijs in materia, Ergò nec hoc est educi.

Confirmatur: ad educationem neque sufficit fieri dependenter à materia; neque conservari divisivè: sed utrumque simul requiritur; sive enim forma fieret dependenter à materia, & nullo instanti naturæ in ea reciperetur; sive in materia subiectaretur, ex qua non fieret, semper miraculum foret, Ergò &c. Sed quia de altera
parte

parte major difficultas est : Probatur omnes formas educi : omnes formæ substantiales, materiales producantur dependenter à materia *in fieri & conservari* : Ergò omnes educuntur. Probatur Antecedens: si aliqua forma ex materialibus produceretur, vel conservaretur sinè materia; esset miraculum, Ergò connaturaliter sic producantur omnes.

Respondent : sublunares. C. elementares, ac cœlestes: N. Contra : & hæ, & illæ sic dependent, imò & actiones suas habent connaturaliter in subiecto.

Respondent: quòd dependeat à materia tempore præexistente : N. non præexistente: C. Contra primò: formæ cœlorum sunt corruptæ, & Deus primâ die fecit omnem materiam, nè esset vacuum, alijs diebus formas; deinde ad educationem non requiritur, quòd materia tempore præexistat, Ergò &c. Probatur Antecedens; ad actionem efficientem non est opus prioritate temporis, Ergò minùs ad causalitatem materialem : insuper, dum forma aliqua producitur dependenter à materia *in fieri, & conservari* sinè prioritate temporis, talis inquam forma non creatur, Ergò educitur. Antecedens constat: casu quo Deus crearet materiam, cui illicò applicaret ignem A. nova forma ignis B.

ab hoc diceretur producta, non creata, sicut nec lux proveniens in primo instanti à Sole.

Respondet P. Orthz. formas cœlorum dependere à materia tanquam à subiecto in quo. C. ex quo factæ N. Contra: illæ formæ sunt ex materia factæ, sicut, & formæ sublunares; tum si Deus faciat materiam novam, quando ex speciebus Eucharisticiis fit, v. g. cinis, forma cinerum dicitur educi, Ergò etiam quando fecit materiam cœlorum, formæ ex illa sunt factæ.

Obijcies I. contra primam partem: ut forma dicatur educi è potentia materiæ, debet præexistere in illa: sed hoc non exprimitur in explicatione data, Ergò &c. Probatur Major: aliàs productio cujuscunque formæ esset creatio: creari enim dicitur, quod fit actione distincta ex nihilo sui. Respondeo Distinguendo Majorem: debet præexistere, vel virtualiter, vel actualiter. C. necessario secundum aliquod esse actualis: N. Ad Minorem dico: hoc implicitè dici, eò quòd materia sit id, ex quo fit, id est, à qua forma dependet in fieri, & conservari.

Instabis: ista virtualis continentia formarum non sufficit; sed ad minùs requiritur aliqua virtus seminalis, sed hæc neque implicitè exprimitur, Ergò &c. Majorem pro-

probat Lalemandet ex S. Aug. & multis rationibus, prætendens rationem feminalem debere esse aliquid realiter distincti à potentia purè receptiva materiæ ; ratio est, nè formæ fiant ex nihilo, & sic creentur. Respondeo Distinguendo Majorem: requiritur virtus seminalis distincta à potentialitate materiæ : N. indistincta virtus de qua Aug: loquitur. C. ad rationem dico: formas fieri ex nihilo sui. C. ex nihilo subjecti, quod ad creationem requiritur. N. imò loca, quæ affert plus convincerent, quàm ipse velit, scilicet aliquid formæ actualiter præexistere, quod negat resolutione primâ.

Instabis : anima rationalis creatur, quia fit ex nihilo sui, & tamen producit dependenter à corpore, Ergò licet illæ formæ fierent dependenter à subjecto, cum nihil earum præexistat quoad rationem feminalem creabuntur. Respondeo Distinguendo Antecedens : anima producit dependenter quoad *fieri* transeat ; quoad *conservari* continuò : N. dixi enim: si postea conservetur à corpore separata, hoc ei esse connaturale, vel sinè miraculo.

Instabis: sed nequit intelligi quomodo formæ illæ educantur, si non actu præexistent, vel saltem semen earum, aut nisi aliquid materiæ in formam converteretur,

& sic terminativè corrumpèretur. Respondeo: sic debere intelligi: quòd agens habeat virtutem activam ex tali principio passivo potiùs, quàm alio ente, ex ejus inquam potentia, trahendi similem formam, quæ *in fieri & conservari* connaturaliter ab eadem potentia pendet: & hoc voco virtuales formæ existentiam, quæ entitativè est ipsa potentia materiæ, terminativè, & extrinsecè forma producta; at quia Author citatus actualitatem negat, & tamen distinctas rationes seminales, non tantùm superfluous est, sed sibi contradicit, & infinitatem seminalium rationum actu distinctarum simul collocat. Nec juvat dicere: esse tantùm actualitatem seminalem cujuscunque formæ; hoc enim non est quid distincti à materia, saltem realiter, de quo loquimur.

Instabis: *ex quolibet non fit quodlibet, sed ex determinato determinatum* Imò phys. sed si in materia non præexisteret semen aliquod formæ generandæ, quælibet forma fieret ex qualicunque potentia materiæ. Respondeo Negando Minorem; fieret enim ex determinato ente scilicet potentia materiæ, & rursus æquè illa ratio seminalis est indeterminata, nisi pluralitatem, ac infinitatem talium actualium rationum seminalium quis vellet: porrò determinatio

tio illa fit ab agente per prævias dispositiones, quod & illi tenentur dicere ; deinde materia non est quodlibet principium passivum, sed determinatum æqualiter appetens omnem formam.

Obijcies II. Anima rationalis non educitur, & tamen fit dependenter à materia. Ità Poncius. Sed jam Respondi, quòd dependeat *in fieri*, sed non in continuo *conservari*, quod utrumque facit differentiam adæquatam educationis.

Instabis : sunt quædam, quæ dependent à materia *in fieri*, & *conservari*, & tamen non educuntur v. g. habitus supernaturales. Respondeo : sicut falsum est animam in *conservari* naturaliter dependere, ità & habitus animæ infusos v. g. lumen gloriæ, &c.

Instabis : si aliqua forma dependeret à materia *in fieri*, & postea conservaretur à Deo, adhuc diceretur educita. Respondeo Distinguendo assumptum : conservaretur à Deo connaturaliter, sicut anima rationalis separata. N. cum miraculo, sicut accidentia Eucharistica. C. Si dicas : demus quòd connaturaliter existat sinè materia, dico, detis quòd & accidentia sic existant ; respondebit hoc non posse fieri ; ità quoque solvo solventem.

Obijcies III. contra alteram partem : formæ cœlorum sunt creatæ : Ergò non educitæ.

At. Probatur Antecedens: Gen. 1. cap. *in principio creavit Deus cælum, & terram;* non tantum materiam: Ergo & formam. Respondetur: Distinguendo locum ci: formas cœlorum esse creatas improprie. C. id est, sunt à solo Deo factæ: proprie, id est, independenter à subjecto, N. retorqueo argumentum: creavit *masculum, & feminam,* & tamen ex limo fecit eos.

Instabis: formæ cœlorum sunt proprie creatæ, non minus, quàm materia, & totum compositum: Ergo, &c. Probatur Antecedens: Tum quia scriptura permiscuè loquitur. Tum quia eadem actione sunt productæ. Respondeo Negando Antecedens: probationem distinguo: eadem actione, id est, eodem instanti temporis, transeat; quia neque verum est de formis tertiâ, quartâ, &c. diebus factis: naturæ. N. Colligimus diversitatem actionum ex Sco. in 1. d. 5. q. 2. & quia materia est facta ex nihilo sui, & subjecti; forma quidem ex nihilo sui actualiter præexistentis, sed dependenter à subjecto.

Instabis: licet materia fuerit prior naturâ, formæ illæ non possunt dici generatæ: Ergo proprie creatæ. Probatur Antecedens: ad generationem requiritur transmutatio, ita ut formam præcedat privatio: sed hoc non fuit in productione cœlo-

lorum, saltem primâ die: Ergò, &c. Responderi posset primò, inter generationem, & creationem mediam esse creationem impropriad; sed melius Respondeo quòd privatio præcesserit naturâ, non tempore.

Instabis: neque naturâ præcessit privatio: Ergò solutio ruit. Probatur Antecedens: aliâs privatio, & forma fuissent simul in unico instanti naturæ, quod quoque implicat. Respondeo Negando Antecedens: probationem distinguo: si privatio præcessisset positivè. C. si tantùm negativè. N. hoc est, creatâ materiâ, non fuit quidem privatio; sed fuisset, nisi agens supremum statim addidisset dispositiones, ob quas ex illa materia statim tales formæ erumperent.

Obijcies IV. Anima rationalis etiam est educta, quia est in potentia materiæ, potest causari à materia id est, recipi. Respondeo ut suprà sinè dependentia quoad *conservari* hæc omnia vera esse.

Instabis: licèt sic non dependeat, generatur, & non creatur: Ergò educitur. Probatur Antecedens: agens, quod producit ultimam dispositionem ad formam, etiam formam producit; sed ultima dispositio id est organizatio fit per generationem: Ergò & anima. Respondeo Negando Antecedens.

cedens : probationis Majorem Distinguo ; si illa dispositio ex se sit efficax ut producat talis forma. C. si secus. N. Majorem ; ad Minorem dico : quòd de facto semper fiat, id oriri à libero decreto Dei.

Instabis : ultima dispositio ad animam rationalem est efficax , aliàs generatio hominis non esset naturalis. Respondeo Distinguen- do sequelam : non esset naturalis, id est esset libera ex parte creantis animam. C. prout opponitur supernaturali. N. alij dicunt animam liberè communicari, & necessariò uniri.

Ex his colliges : habitus supernaturales non educi, sed creari, quidquid alij domesticis intenti se hìc fatigent.

QUÆSTIO II.

An Detur Forma Corporeitatis ?

Dico : dari formam corporeitatis in viventibus, præter animam. Ità Sco. in 4. d. 11. q. 3. cum suis contra Scholam Thomisticam, ac RR. plurimos, quorum sententiam referre candidus philosophus nauseat.

Explicatur conclusio ; cujus sensus est : an præter formam substantialem completam, qualem in quolibet composito physico interim unam admittimus, detur adhuc aliqua forma, quæ reddat materiam pri-
mam

nam capacem quantitatis, ac subjective divisibilem, uti docuit Avicennas de omni materia, & hoc positivè nego; at in viventibus v. g. in homine præter animam rationalem dico dari aliquam formam non ultimam, quam vocant Scotistæ formam corporeitatis: & quando anima est separata, dico eandem manere, & tunc vocari formam cadavereitatis; non autem novam advenire, ut contra sensum Thomistæ intrudunt.

Probatur primò; antequam producat-ur anima, habetur corpus, sed corpus non est nuda materia cum accidentibus; Ergò materia cum aliqua forma dicta corporeitatis. Major patet: quia anima advenit corpori jam organizato. Minor Probatur: specialis denominatio requirit specialem formam: sed corpora habent denominationem, quæ non convenit inanimatis: Ergò hæc oritur à speciali forma; & non à materia cum accidentibus. Confirmatur: quando anima separatur, manet corpus, & non nuda materia cum accidentibus: Ergò in viventibus datur forma corporeitatis.

Respondent: quando anima separatur v. g. dum homo, vel bos moritur, non manere idem corpus quod ante fuit. Jam quæso an non stultorū prægrandis est numerus? manent eadem accidentia: Ergò idem corpus. Re-

Respondent: manere eadem accidentia numerô. N. specie, vel similia. C. & iterum quæso, quid stultius dictu? dum bos moritur, vel mortuus est, non est eadem pinguedo, color capillorum, scissuræ in auribus, imò nec litteræ impressæ cuti juxta Thomistas.

Respondent: sensus falli, revera non esse eadem accidentia, sed similia; si mihi hoc persuadebunt, dicam quando Petrus manè surgit, quòd non habeat eandem staturam, quàm heri, sed similem; & quæso, quis producit illa nova accidentia?

Respondent Deus statim, ac anima recedit, similem formam cadaverietatis, cum talibus accidentibus producit: O bone Deus, quanta non attribuuntur tibi; sic arguit Mastrius: in corpore Christi mortuo, erant eadem accidentia, & vulnera, quæ in vivo, ex quorum identitate se Thomæ patefecit, & adhuc Thomistæ sunt increduli.

Respondent: quando Christus est mortuus, similia vulnera accepit, & quando resurrexit, hæc rursus dimisit, & illa, quæ ante mortem habuit, assumpsit. Contra: vulnus lateris jam mortuus accepit: Ergò idem, & non simile triduo mortis, & post resurrectionem erat. Item Deus de novo crucifixisset Christum animâ jam separatâ; quia juxta illos non manserunt vulnera à

ju-

judæis vivo Christo facta, sed Deus nova similia produxisset, P: Lalemandet dignatur talia impugnare, & prudenter.

Confirmatur: tali modô B. Virgo non esset Mater Dei, quia quando anima est infusa, non mansit idem corpus, quod ipsa generavit, sed Deus simile produxit, & talia paradoxa innumera, nisi accidens de subjecto in subjectum migrare permittant, quod nolunt Thomistæ.

Respondent alij ad argumentum, & confirmationes: manere quidem eadem accidentia, sed in materia prima sinè forma corporeitatis; alij dicunt esse ibi formas partiales. Contra: hæc est via negandi omnem formam; si enim in bove mortuo dicas nullam formam esse, idem de lapide alius sentiet; deindè accidentia non migrant de uno subjecto in aliud; nec materia potest esse immediatum subjectum inhæ-
sionis accidentium: cùm hõc compositò detur; prius enim est esse compositum substantiale, quàm habere accidentia, imò hæc indies mutantur, insuper verè dico: *bos mortuus est corporeus*; Ergò debet esse forma denominans. Nec dicas: ibi esse novam formam cadavereitatis, quis enim illam produceret? & quis negabit eandem carnem, pellem, ossa, &c. In bove mor-
G tuo,

Physica P. Schopen.

tuo, ac vivo? Nec dicas: esse formulas par-
tiales, vel enim novas ponis, & hoc explo-
sum manet, vel quæ & prius fuissent; quæ-
ro, an sint accidentales, vel substantiales:
primum jam est impugnatum, si secun-
dum; vel integram in composito unam to-
talem; vel non; si primum, quasi coincidis
cum forma corporeitatis; si non, à potiori
omnes difficultates contra formam cor-
poreitatis, quoque contra illas militant,
nec est aliquid, quod det denominationem
corporis, &c.

Respondent: animam rationalem dare
denominationem corporei. Contra: ex
definitione animæ hæc supponit denomi-
nationem corporei; Ergò illam non dat;
item nemo dat, quod non habet, sed ani-
ma rationalis velut entitas spiritualis nihil
corporei in se habet, Ergò &c.

Respondent: animam esse corpoream
ut *quo* non ut *quod*. Contra: album ne-
quit dici ut *quo* nigrum; Ergò nec spiritua-
le corporeum; deinde supponit corpus
esse.

Respondent: animam supponere cor-
pus esse potentiâ. C. actu N. Contra: sup-
ponit corpus perfectè organizatum, ergò
denominatio *corporei* in facto actu, saltem
instanti naturæ debet animam præcedere.
Confirmatur: anima non potest dare de-
no-

nominationem corporis mathematici ,
Ergò nec physici.

Probari solet adhuc theologicè : seque-
retur enim quòd non fuisset idem corpus
Christi vivum , ac mortuum : item corpus
illud , quòd triduò mortis habuit , fuisse
corruptum , contra illud : *quod verbum se-*
mel assumpsit , nunquam dimisit , quin saltem
reaslumeret.

Respondent : fuisse idem materialiter ;
sed quando ex equo generatur vermis ,
manet etiam eadem materia , & tamen
malè diceres absolutè , corpus equi , & ver-
mis esse idem.

Respondent alij : fuisse idem supposita-
liter ; sed primò lis est , quid illo triduò sup-
positatum fuerit ; secundò si quis conse-
crasset triduò illo , verè adduxisset corpus
illud , quòd vivum erat in cruce pendens :
tertiò natura divinà , & humana sunt sup-
positaliter idem , nec tamen sunt idem for-
maliter. Confirmatur : in transubstan-
tiatione panis materia , & forma , juxta
communioem , fit corpus Christi , sed
non fit Deitas , nec humanitas , nec in ac-
cidentia convertitur (solum) ergò & in
formam corporeitatis ; Cavellus inquit ,
nec malè , hanc Thomistarum doctrinam
esse difficiliorem , quàm sub speciebus la-
tere Deitatem : Cæteras responsiones , ac

impugnationes cum autoritatibus vide
in Mastrio, & Compendiatoribus.

Obijcies : vel illa forma corporeitatis
esset accidentalis, vel substantialis ; nihil
dici potest , Ergò &c. si primum : foret
ens per accidens, imò accidentia subje-
rentur in nuda materia ; si secundum : duæ
formæ substantiales essent in eodem subje-
cto. Respondeo breviter : quòd sit sub-
stantialis incompleta ; hæc objectio à po-
tiori solvetur quæstione sequenti. Si di-
cas : oculus vivus, & mortuus sunt æqui-
voca. Respondeo: si oculus sumatur pro
instrumento videndi : C. si secundum ra-
tionem entis physici : N. sic etiam vivum,
& mortuum corpus sunt idem in ratione
partium, non in ratione viventis.

Instabis: sive talis forma sit completa,
vel incompleta, non est in non viventibus,
Ergò nec in viventibus. Probatur Con-
sequentia : licet non detur in inanimatis,
adhuc potest à materia, & forma pullulare
quantitas, Ergò similiter, licet in viventi-
bus non sit forma corporeitatis, à materia,
& anima : potest oriri denominatio cor-
porei. Respondeo Negando utramque
Consequentiam ; quia materia potest vir-
tualiter dici quanta, quia quantitas educi-
tur ex materia jam unita formæ, anima ve-
rò creatur, & nullatenus corporea est,
porro

porro dimensiones interminatæ Averroistarum rejicimus, plura sequenti quæstione.

QUÆSTIO III.

An plures formæ substantiales possint esse in eadem materia, & una forma in pluribus materijs?

Dico : naturaliter possunt esse plures formæ substantiales in eadem materia ; non autem una forma in pluribus materijs, licet supernaturaliter. Conclusio habet tres partes : Prima est contra torrentem, paucis exceptis, quibus favet Ariaga, & intelligitur de formis, quæ non exigunt oppositas dispositiones, v. g. forma ignis, & aquæ opponuntur, non autem forma ferri, & ignis. Altera pars communis est ; Tertia, quod scilicet supernaturaliter una forma possit esse in pluribus materijs, imò etiam plures formæ in una, docetur à plurimis Scotistis.

Probatur quoad primam partem : quod de factò, & ferè quotidie fit ab agente naturali, naturaliter fieri censetur, sed formam ferri, & formam ignis manere in eadem materia ferri sensibus patet : Ergò &c. Minor declaratur : cessante igne in ferro, adhuc manet forma ferri, ergò non fuit expulsa, quis eam reproduceret? Con-

firmatur; suppose dari materiam, & formam, Ergò concludo in ferro candente esse duas formas, si quis enim negabit alterutram, nunquam convincet existentiam alicujus formæ, cùm simul accidentia utriusque adsint.

Respondent: ibi non esse formam ignis, sed calorem. Contra: ponamus incudem totaliter candentem ad stramen aridum, annè fiet ignis in stramine? & tamen accidens non potest producere substantiam; igitur hæc responsio Poncij, & aliorum Scotistarum in via Scoti est intolerabilis; deinde si dicas: ibi non esse ignem, ego negabo in culina ulla esse ignem.

Respondent alij: ignem esse intra poros ferri. C. in materia ferri. N. Contra sic dicam: & formam ferri esse tantùm intra poros; deinde: vel illi pori sunt accidentia, vel substantia physica: si primum: accidens erit immediatum subiectum formæ substantialis; si secundum: forma ignis, & forma pororum erit simul. Confirmari posset; quia non est idem forma ligni, & forma arboris, & tamen utraque est in arbore.

Responderet fortè aliquis: has & similes formas esse subordinatas. Contra: vel intelligit compatibles esse, & hoc intendo; vel dependentes, & hoc non, quia
fi

si ignis inintelligibilis esset, daretur fer-
rum &c.

Colliges : duas formas numerô distin-
ctas, v. g. duas formas ferri non poni natu-
raliter in eadem materia ; nec duas for-
mas specie distinctas, si habent oppositas
dispositiones, v. g. anima rationalis, anima
bruti, sed disparatæ ; nam etiam acciden-
tia disparata, v. g. dulcedo & albedo sunt
in eodem subiecto.

Probatur & altera pars : tum communi
consensu. Tum quia nullum corpus est in
duobus locis adæquatis naturaliter. Tum
tandem, si quis diceret in pariete A. & B.
esse eandem formam, alius diceret esse for-
mam unam numerô parietis in omnibus.
Confirmatur: non datur spiritus mundi, id
est una forma in omnibus materijs ; Ergò
nec spiritus physicus partialis, vel forma in
pluribus. Antecedens Probo : omnibus
motivis à potiori, quibus negavi principia
Aristotelica. Quoad tertiam partem con-
stat : quia Deo sunt omnia possibile, quæ
nullam contradictionem involvunt ; sed,
Ergò : Minor constabit solutione obje-
ctionum.

Obijcies I. generatio unius est corruptio
alterius, Ergò una forma expellit aliam ; &
sic naturaliter quæ non sunt simul. Re-
spondeo Distinguendo Antecedens : ge-
neratio

neratio unius incompatibilis est corruptio;
C. compatibilis: N. Antecedens & Consequentiam.

Instabis: duæ formæ non sunt naturaliter compatibiles: Ergò &c. Probatur Antecedens: duo effectus adæquati non sunt naturaliter compatibiles in causa efficiente: Ergò nec duæ causæ formales respectu materiæ. Respondeo Negando Consequentiam: quia causalitas materiæ est passiva, ex qua non oritur infinitas perfectionis, sicut ex activa.

Instabis: tali modò in una materia, v. g. parietis esset forma calcis, lapidis, parietis, aquæ, &c. Respondeo Concedendo totum: sed melius dices, hìc esse quoque plures partiales materias, cum formis unù integrantes.

Obijcies II. neque supernaturaliter possunt esse plures formæ non subordinatæ in eadem materia, minùs naturaliter. Probatur: Deus nequit impedire effectum formalem: sed expellere formam veterem, est effectus formæ novæ; Ergò quando nova forma producitur, nec Deus impedit expulsionem prioris. Respondeo Distinguendo Majorem: nequit impedire effectum formalem primarium. C. secundarium: N. sic distinctâ Minore: Nego Consequentiam. Si petas, quis ergò sit primarius

rius effectus; dico, denominare subiectum.

Instabis: licet expellere formam veterem sit effectus secundarius, est tamen intimus primario, imò inseparabilis; Ergò nec Deus illum impedire potest. Respondeo Distinguendo Antecedens: & dico, posse expellere veterem esse inseparabile, atualem expulsionem Deus impedire posset.

Instabis: si nova forma actu non expelleret veterem, non esset actus primus; non faceret compositum per se, &c. quæ etiam contra præced. quæst. faciunt. Respondetur: quòd forma corporeitatis sit tantum actus inchoatus, & incompletus; at hic de completis Distinguo Sequelam: non esset actus primus in eadem ratione, qua prior. C. in diversa N. Explico: si in materia A esset forma ferri & ignis, forma ferri esset actus primus in ratione constituentis ferrum, ignis in ratione facientis ignem.

Instabis: materia nequit simul cum duabus formis constituere diversa composita: Ergò ruit solutio. Probatur Antecedens: unum corpus naturaliter non potest esse in duobus locis, nec una causa habere plures effectus totales. Respondeo Distinguendo Antecedens: nequit componere

diversa composita adæquata. C. inadæquata: N. Si petas: an esset unum, vel duo; dico fore unum subjectivè, duo informativè.

Instabis: Ergò anima lupi & ovis, bruti & hominis possent esse simul. Respondeo: licèt supernaturaliter fortè, non naturaliter, conclusio enim fuit de non oppositis, & de ijs quæ solent sibi succedere.

Instabis: materia completur per primâ, & facit cum ea unum per se: Ergò nequit recipere aliam. Respondeo: ut suprâ, sub eadem ratione. C. sub alia: Nego Consequentiam. Si dicas: Ergò infinitas. Respondeo exproportionem agentis & formarum, nam materia se habet passivè, dummodo agens possit inducere, & formæ se compatiuntur, illa omnes recipit.

Instabis: sequeretur quòd idem esset de essentia specie distinctorum. Respondeo idem materiale & genericum. C. specificum: N. Si quæras: an tunc possit dici: *ferrum est ignis*, & e contra, sicut: *album est dulce*. Respondeo negativè: quia illa res tota quæ est alba, est dulcis, at pars materialis ferri, est tantum subjectum ignis. Nec dicas, benè dici: *verbum est homo*, hoc enim suppositaliter, & per communicationem idiomatum valet.

Obij-

Obijcies III. contra alteram partem : una forma exercet suam virtutem in una materia : Ergò nequit informare duas. Retorqueo de corpore replicato , & Distinguo Antecedens : suam virtutem naturalem. C. obedientialem : N. Si dicas , Ergò etiam naturaliter fieri posset : Nego Sequelam ; quia non datur agens creatum cum virtute applicativa ejusdem formæ ad plures materias.

Instabis : neque agens supernaturale potest applicare formam eductam ex una materia alteri, quia dependeret à priori , cùm ex ea supponatur educta ; & non dependeret , quia conservaretur sinè illa. Respondeo : quòd non dependeret naturaliter, C. cum miraculo. N. quia conservatio illius formæ in secunda materia esset supernaturalis.

Instabis : sequeretur talem formam esse infinitæ virtutis. Respondeo. N. sequelam, vel enim determinabitur ab agente superiori ad certum numerum ; vel non erit hoc perfectionis in forma, cùm seipsam non applicet, præsertim cùm eandem virtutem informativam pluribus det , sicut materia pluribus formis rationem subjecti ; ad infinitatem autem alia , & alia virtus requiritur , ut ex Lycheto desumunt moderni Scotistæ : quare Mastrius hic Poncio dedit
vi-

victas manus. hucusque de forma discursus formati sunt.

DISPUTATIO IV.

De Composito, Unione, & Privatione.

Supereft in via communi examinare, quale compositum refultet ex partibus, loquendo de fubftantiali; ubi de unione, ac principio privativo corporis phyfici, ut brevitaf ifta nil dirimat, quod cum utilitate tractari confuevit.

QUÆSTIO I.

An totum compositum fubftantiale diftinguatur à partibus?

Dico: totum compositum phyficum effentiale ac fubftantiale non diftinguitur à partibus: Hanc fum doctus Clivis ex Barone & Hermann Scotiftis, tenent eam Thom. ac R.R. plurimi contra multos Scotiftas docentes totum realiter diftingui à partibus unitis, ac contra Lalemandet & Fabrum, qui diftinguunt totum à partibus, fed nolunt effe novam entitatem nifi partes tranfactas, quorum fententiam non immeritò chimericam, phyficè loquendo, vocat Poncius, nam nemo negat conceptum objectivum *Humanitatis* v. g. effe quid diftin-

stinctum à partibus physicè unitis, sive formaliter, sive fundamentaliter.

Probatur primò: S. Aug. 7. de Tri. c. 4. dicit: *hominem aliud nihil esse quàm corpus, & animam*, physicè unita: Atha: in Symbolo, *anima rationalis & caro unus est homo*: Boëtius 3. de Trin. *omne totum esse suas partes conjunctas*: Arist. 4. phys. *non enim à partibus diversum est totum*: Sco. 1. phys. q. 9. *totum est sua partes*.

Respondent: Scotum esse problematicum; reliquas auctoritates intelligi causaliter. C. formaliter. N. vel dicunt eos declarativè loqui, ut quoque de toto integrali Apost. 12. ad Cor. sed his nolo immorari, ex auctoritatibus ijs constat extrinseca probabilitas hujus sententiæ, alij trahant eos quomodocunque velint. Jam rationibus agemus.

Probatur secundò: homo est compositum physicum, sed homo non est aliud physicè quàm partes, id est, corpus & anima unita: Ergò, &c. dixi *physicè*, quia quòd sit *animal rationale*, est essentia metaphysica, sicut & abstractum *Humanitas*. Probatur Minor: illa entitas, quàm homo, deberet esse physicè præter corpus & animam unita, nec mediatè nec immediatè est sensibilis, &c. omnia à potiori, quàm de materia prima arguebam. Confirmatur
sic

fic: illa entitas nec est simplex, nec composita, nec spiritualis, nec materialis, nec res physica, nec gradus metaphysicus.

Respondent adhæc massam rerum: quod totum physicum sit res corporea dicens partes in obliquo. C. in recto. N. item esse idem quod partes causaliter & signatè. C. formaliter. N. imò nec posse concipi sinè partibus divisivè. C. præscisivè. N. & similia plura quæ ferè sunt idem. Contra: totum compositum physicum sunt ipsæ partes in recto consideratæ v.g. homo est physicè corpus & anima unita, idque formaliter, & convertibiliter: Ergò, &c. Probatur Antecedens: in recto & formaliter non est gradus metaphysicus, nec spirituale quoddam, nec sensibile aliud. Si dicas esse sensibile mediatè, & in obliquo. Contra: taliter & animal rationale posset dici sensibile, cum sit essentia ejus, cujus partes physicæ sunt sensibiles *ut quod*, ad contradistinctionem unionis, quæ se habet *ut quo*. Probatur à Barone de pondere unius libræ & medietatibus; sed nimium probat, quia & medietates sepositæ, quando non sunt unum nisi per localem indistantiam, adhuc ponderant æquè.

Respondet Lalemandet: totum quidem non esse entitatè physicam distinctam, sed præter partes esse formam totius, id est ultra

trà statum unionis, statum transactionis. Contra: quæstio est de partibus unitis in facto esse, quæ simul sumptæ important totum id, quod compositum in recto; à quibus ratio humanitatis abstracta est gradus metaphysicus.

Probatur adhuc: quia nec actu, nec potentiâ, nec proportionem possunt separari; imò totum dependet à partibus constitutivis, sicut definitum physicum à definitione physica; porro metaphysicè homo non est aliud quàm animal rationale; physicè, quàm corpus & anima unita.

Respondet Meldula: hæc oriri ab extrinseco. C. intrinseco. N. Contra: non dico partes non posse esse sinè toto, sed è contra: quod utique toti intrinsecum est; imò nec partes unitæ quæ tales possunt esse vel concipi sinè toto, licet specificativè.

Obijcies I. Aristoteles dividit substantiam in *materiam*, *formam*, & *compositum* 2. de anima, & 5. metap. C. 4. ait: *sex ne esse bis tria*, & Sco. expressè in 3. d. 2. q. docet totum distingui à partibus. Respondeatur primò: illos velle totum distinguere à partibus scorsim sumptis. C. simul sumptis. N. secundò de partibus specificativè. C. quæ talibus. N. tertio distinguere modum transactionis. C. physicæ etis. N. sed melius si coincident dic

Philosophum velle, aliud esse rem physicè considerare, aliud metaphysicè; primò modò partes unitæ sunt totum; secundò modò, & alius conceptus objectivus *sex* quàm *bis tria*.

Instabis: totum compositum physicè est aliquid distinctum à partibus simul sumptis: aliàs se haberet ut acervus lapidum, & *Ba* non esset aliud quàm *B & A* contra Arist. 7. metap. & Sco. ci. Respondeo Negando sequelam: quia in toto est unio per se, at in acervo unio aggregationis; Sco. est ad summum problematicus, & vult cum Aristotele ci. formalitatem metaphysicam aliam importari, at nullam esse physicam entitatem. distinctam.

Obijcies II. omnis causa distinguitur ab effectu, sed partes simul sumptæ sunt causa, totum est effectus: Ergò, &c. Major constabit: quia idem nequit influere in se ipsum, & tam de causa intrinseca, quàm extrinseca verum est, per quod præcluditur communis responsio. Respondeo Concedendo Majorem etiam de intrinseca contra Autores nostræ sententiæ, distinguendo Minorem: partes simul sumptæ *in recto* sunt causa. N. una saltem *in obliquo* sumpta. C. Minorem: sed nihil infertur.

Notandum est; aliquas propositiones hoc passu veras, alias falsas esse: siquidem
benè

bene dico : *materia unita forma, est causa compositi ; item, forma unita materia, item, unio inter materiam & formam causat ut quo ;* at malè dicitur : *materia & forma unita sunt causa*, quia sic copulativè *in recto* sumptæ sunt ipsum compositum ; & sic Hurtadi dubium solvitur, nam partes copulativè sumi, dupliciter potest contingere: semel ut omnes *in recto*, & ita non sunt causa, sed ipsum compositum ; semel ut duæ, vel una sit *in obliquo*, & sic causant ipsum ; si dicas : *in recto* simul sumptæ adhuc sunt partes ; falsum est, nisi eas seorsim & specificativè consideres.

Instabis: multa attribuuntur toti, quæ non partibus simul *in recto* sumptis, v. g. *totum generatur, corrumpitur, dividitur in partes*, è contra: *partes unitæ sunt partes totius*: Respondeo: hæc omnia solvi ex Notabili præmissio.

Instabis: quando generatur homo, non dicitur actio generativa, qua producit corpus, nec qua creatur anima ; sed quando totum producit, quod corpus & anima constituunt. Respondeo: generationem hominis esse unionem ac unionem corporis & animæ, quàm diu censetur *in fieri*, & homo est *in fieri*, at unio facta, id est materia & forma unita sunt totum.

H

In-

Physica P. Schopen.

Instabis: homo non est corpus & anima unita, sed aliquid habens corpus & animam: Ergò signum, quòd ab his distinguatur. Si millies sic arguant, dico: Distingui à partibus unitis, si una sumatur *in obliquo*. C. si simul omnes *in recto*. N. quid enim afferes præter corpus, animam, & unionem?

Instabis: partes unitæ sunt ens per accidens: Ergò non possunt dici generari; generatio enim habet terminum *ad quem* per se. Respondeo: Antecedens esse æquivocum: si sic sunt ens unum per unionem, quæ est entitativè accidens. C. si putent, velut acervus lapidum: N. deinde unitas est gradus metaphysicus, & similem conceptum objectivum omni enti physico tam in abstracto quàm concreto gratis do, ut Faber videtur ex Sco. desumere, quem sequendo Lalemandet pluries in decisione sibi contradicit, partes transactas realiter volens separare.

Colliges: multò minùs totum integrale, quale est corpus, v. g. habens caput, collum, brachia &c. importare tertiam entitatem distinctam, neque totum per accidens, quale est acervus lapidum, distinguì à partibus, & simul & *in recto* sumptis; sive partes sint homogeneæ sive heterogeneæ, id est ejusdem vel diversæ rationis.

QUÆ-

QUÆSTIO II.

An, & quid sit Unio in composito substantiali?

Dico : datur in composito substantiali inter materiam, & formam Unio realiter distincta, quæ est relatio extrinsecus adveniens. Ita Sco. in 2. d. 3. q. 4. & alibi cum suis, contra Thomistas quoad unam, ac varios RR. quoad alteram partem. Dicitur itaque primò: quòd in composito, loquendo juxtà communem, v. g. inter materiam & formam lapidis detur aliqua unio realiter distincta ab ipsis extremis: quod signatè negat Ocham, Cajetanus &c. volentes extrema seipsis uniri. Dicitur secundò, quòd hæc unio sit relatio; Contra Suares, & alios, qui putant unionem esse quendam modum absolutum substantialem, qui etiam sit de essentia compositi; item contra nonnullos, qui asserunt unionem esse indistantiam localem, *ac ipsam applicationem formæ ad materiam*, quod & ego contra Scotistas in objectione asseverabo in alio sensu.

Probatur quoad primam partem: possunt existerè in rerum natura corpus, & anima absque unione; Ergò quando ab agente uniuntur, resultat relatio unientis & uniti. Confirmatur: nova denomi-

natio petit novam formam , sed corpus & anima de novo dicuntur unita ; Ergò inter ea debet esse unio distincta ab ijs seorsim existentibus ; jam videamus quid sit. Probatur quoad alteram partem : unio non est quid absolutum ; Ergò relatio. Probatur Antecedens : unio inter corpus & animam , nec est substantia , nec quantitas , nec qualitas ; Ergò &c. unde & Arist. ait : uniri ut actum & potentiam seipsis , id est sinè superaddito ente absoluto.

Respondent : esse substantiam modalem , vel modum substantialem. Contra : vel volunt esse nexum substantiarum , vel hoc & simul entitativè substantiam ; primum assevero ; secundum sic impugno : unio dicit ordinem ad aliud , Ergò entitativè non est quid absoluti.

Respondent : Distinguendo Consequens : non est quid absoluti sinè ordine transcendentali. C. cum tali relatione N. Contra : jam fatentur unionem non capi sinè ordine , quem illi entitati superaddunt : ex quo sic arguo : illud formaliter est unio , quo extrema censentur unita ; sed hoc est ordo aliquis , Ergò unio formaliter non tantum concomitanter est relatio prædicamentalis , qualis est similitudo inter duos parietes albos ex dicendis ; & præter ordinem alia abundant.

Con-

Confirmatur : unio non est sola indistantia localis , quia anima triduô mortis Christi, erat intimè præsens corpori ratione divinitatis, cui mediatè adhuc mansit conjuncta. Nec dicas : unionem esse indistantiam subjecti benè dispositi. Contra est: non fit unum ex materia & forma nisi per agens, 8. metaph. tex. 15. Ergo quàm diu ab eo non applicantur, non est unio ; quomodo autem applicare sit unire in 3. Sen. doceo.

Colliges, vel observabis : unionem aliud non esse, quàm respectum extrinsecus advenientem , qui dicitur passio , v. g. quando corpus est organizatum , Deus creat animam , & hæc creatio non est unio activa , quia posset separari ; deinde unit animam corpori , ubi Deus dicitur activè uniens, & anima unita passivè corpori velût termino *Cui* ; sicut quando quis applicat lignum igni , non est alia unio inter lignum & ignem *Cui* , quàm ista applicatio passiva ; cum hac differentia , quòd hic unum habeat rationem actûs , aliud subjecti : non sic lignum respectu ignis ; & sic ista applicatio vel *unitio passiva* dicitur respectu unientis, dicitur verò *unio* respectu termini *Cui* , qui est materia , adeoque est tantùm unica unio entitativè, terminativè duplex nomen habens , ut inquam do-

céo in 3. Sentent. de generatione temporali Verbi.

Obijcies I. contra primam partem : materia & forma uniuntur immediate ut actus & potentia ; Ergò unio non est medium realiter distinctum. Respondeo Distinguendo Antecedens : id est , non prius unum tempore , quàm aliud. C. id est, nec mediante absoluto vel relativo N.

Instabis : vel illud medium est unitum, vel non ; si primum, requiritur alia, & alia unio in infinitum ; si secundum, quomodo per id dicentur unita ? Respondeo quòd sit unitum ut *quo*. C. ut *quod* N. *quod enim est alteri ratio tale essendi, nequit in recto dici tale*, sicut nec albedo est alba.

Instabis : vel illa unio est prius in forma, vel materia. Dico breviter : quòd tempore simul sit in forma subjective, & in materia velut termino *Cui* unitur forma ab agente, in quo est unio activa. Si dicas, extrema debent esse prius quàm relatio ; naturâ priora sunt , & hîc petitur applicatio, sicut ad omnem extrinsecus advenientem.

Instabis : absque tali superaddito extrema intelliguntur unita. Respondetur fundamentaliter. C. formaliter N. sed non est adeò firmum hoc de extrinsecus advenientibus. Respondet Hermann in simili,

li, quod actio sit relatio, & tamen prior quàm terminus, sed ubi manet Sco. *ad absolutum in causâ &c.* Respondeo ergò: Antecedens esse falsum, quia nunquam aliquis ostendet formam esse in materia, nisi eam agens uniat.

Instabis: per educationem forma est in materia, Ergò abundat unio. Respondeo: tali modò educitio passiva esset unio & unio; sed adhuc Nego Antecedens: possunt enim educi, & miraculosè conservari extra materiam formæ, de facto tamen agentia sequuntur ordinem præscriptum. Si petas: ad quid requiratur unio? dico ut materia & forma constituent totum, quod non fit per solam indistantiam, & licèt seipsis sint subjectum ac forma; requiritur applicatio, quâ factâ respectus ille confurgit.

Obijcies II. contra aliam partem: per unionem intelligitur nexus materiæ & formæ; sed hic debet esse modus substantialis; Ergò &c. Minor constat; alias unirentur accidentaliter, & sinè proportionem. Respondeo Negando Minorem: sequelas distinguo: unio entitativè est accidens, & non habet proportionem in entitate. C. in ratione copulæ N. sic de omni actione dicito, imò retorquere licèt de modo.

Instabis: ista unio entitativè nequit esse

se relatio, vel aliud accidens; Ergo substantia. Probatur Antecedens: *ad relationem non datur motus*, neque ullum accidens est de essentia compositi. Respondeo axioma valere de intrinsecus advenientibus, accidens verò constituit *ut quo* sicut jam dixi.

Instabis: nec unio potest esse relatio extrinsecus adveniens, quia est terminus generationis. Respondeo Negando assumptum; ad Probationem dico: esse terminum actionis unitivæ, vel potius id *quo* forma dicitur unita, nam terminus formalis est forma, terminus *quod* compositum. Sannigh hic Numerò 8. contradicit ijs, quæ habet in 3. Sent.

Obijcies III. si detur unio inter materiã & formam, vel est una, vel duplex; non primum, quia non solum forma dicitur unita, sed etiam materia; nec secundum, quia unio est duorum, & hinc sufficit una. Respondent aliqui esse duas, alij unam; ego verò dico: quòd sit unica unio, & duplex unitio, nempe passiva & activa, & quòd unio & unitio passiva entitative sit idem accidens, dicitur autem unitio respectu unientis; unio comparata ad terminum *cui*: sicut de applicatione ligni dixi, & l. c. latius prosequar faventibus superis.

QUÆ

QUÆSTIO III.

An, quando, & quomodo Privatio dicatur principiare?

Dico: privatio est principium entis physici *in fieri*, per primum modum desinendi sui, & per secundum modum incipiendi formæ. Conclusio sic proposita in nullo est; contrariatur tamen pluribus permiscuè.

Suppono autem dari à parte rei privationes distinctas à materia ac forma, ut alibi docetur; & quòd per privationem intelligatur carentia formæ in subiecto apto ad possidendum eam, v. g. in homine cæco datur privatio visûs, in lapide autem negatio visûs, quia lapis non est subiectum aptum visionis operativæ; suppono deinde quæstionem non esse de privatione quacunque remota, sed de illa, quando subiectum est quidem proximè dispositum ad formam, eam tamen nondum agens introduxit, v. g. quando ex ligno fit ignis, privatio ignis censetur principiare, quando jam est in ligno calor, siccitas, humores expulsi; unò verbò lignum sic dispositum esse debet, ut ignis A mox ignem B introducere possit, intellige pro eodem vel sequenti instanti reali. Hoc supposito, & explicatione modorum incipiendi ac desinendi.

H 5

Pro-

Probatur Conclusio : privatio dicitur principiari, quando est verum dicere : *jam est, mox non erit privatio*, & quando dicitur : *jam non est forma nova, sed mox erit forma nova*, sed iste est primus modus desinendi sui, & secundus incipiendi formæ, Ergo &c.

Responderent aliqui Distinguendo Majorem : ita ut utrumque primario ad principiationem privationis spectet. N. unum primario, alterum secundario. C. hinc est quod aliqui dicant : privationem principiari *quando non est*, alij *quando non erit*, alij *quando forma non est* &c. Contra : utrumque requiritur, nam privatio nec antecedenter, nec subsequenter principiat, eo ipso quo vera est hæc propositio, *privatio mox non erit*, & *ista forma nova mox erit*, imò hæc posterior est causalis prioris, agens enim non intendit destructionem veteris per se, sed comproducendo novam.

Respondent : privationem subsequenter principiari, per *sui non esse*, velut terminum à quo. Contra : quando privatio non est, jam intelligitur compositum in facto esse; Ergo amplius privatio non principiat. Confirmatur : principiari per modum termini à quo & recessus, est principiari sic ut desinat, sed ille recessus intelligitur

gitur per primum modum definendi privationis, Ergò &c.

Obijcies I. privatio principiat quando forma educitur : sed tunc non est privatio, aliàs essent simul ; Ergò privatio principiat per suum *non esse*. Ita Poncius. Respondeo Negando Minorem : quando forma est educta , non est privatio ; sed quando educitur , id est, *jam non est , mox erit forma* , tunc privatio habet primum modum definendi.

Instabis : privatio nequit principiare , quando est , Ergò per suum *non esse*. Probatur Antecedens : aliàs forma non esset principium *in fieri*. Respondeo Distinguendo Sequelam : forma non esset per primum modum incipiendi. C. per secundum modum N. sequelam.

Instabis : ergò forma fieret ex privatione sui, contra definitionem principiorum. Respondeo Negando Illatum : quia *ex* significat ex parte vel principio constituyente in definitione illa. Si dicas, in generatione cœlorum non fuisse privationes : dixi præcessisse negativè non positivè ; deinde ibi erat generatio potior in ratione productionis, quàm mutationis.

Obijcies II. privatio quæ dicitur esse principium , non est quid distinctum à materia saltem realiter , sed materia manet ad-

adveniente novâ formâ, Ergò & privatio. Probatur Major: vel esset ens rationis, vel à parte rei, vel esset una privatio omnium formarum, vel tot privationes, quot formæ possibiles &c. Respondeo hujus solutionem pendere à metaphysica (hìc lege Hermann fol. 387. quomodo in fine erret) pro aliquali tamen solutione

Sciendum est: nemine cogitante dari privationes, & quòd illæ proportionentur formis, quibus privant v. g. in una materia nec est forma ferri, nec auri, nec æris, consequenter illarum formarum privationes. *Secundo*: etsi illæ formæ distinguantur specie, diversos Authores tenere eas privationes esse omnes ejusdem rationis formaliter, licèt diversæ connotativè. *Tertio* aliquos docere non dari privationes passivas, sed tantum activas universales, v. g. formæ mensæ juxta illos est privatio ignis, ensis, chartæ & cæterarum formarum per se sine superaddito, de quibus suò locò.

Instabis: nec divinitus potest materia separari ab omni privatione: Ergò privationes non sunt quid realiter distinctum: Ergò, &c. Antecedens patet: aliàs deberet simul infinitas categorematicè formas posse sustentare. Respondeo Distinguendo Antecedens: simul & semel. C, disjunctivè.
N.

N. hoc est, modò hac, modò illa potest ca-
rere, quod est sufficiens signum distinctio-
nis. Et ita ad M: D: G: N: I: D: I: C: V: M;
O: SS: H: A: N: S: liber primus phyfi-
corum explicet.



TRA.

TRACTATUS II.

In Librum Secundum Physico-
rum.

Liber iste fecunditate, utilitate, ac ordine secundus in physica, continet materiam de causis, cui præmitti solent ab alijs minùs scholastica quæsitæ, de Natura, Fato, Monstris, Fortuna, Casu &c. De quibus aliquando aliam physicæ classẽ edere intendo, hîc duntaxat nobilissimam materiam de causis, quantum fas est, pertractaturus: porrò *natura dicitur principium motûs & quietis*, fatum ethnicorum in Theologia proscribam, ejusque locò providentiam infallibilem Dei docebo; de reliquis alibi dicturus.

DISPUTATIO I.

De causis in communi.

Primò igitur de causis in generali agendum est, ubi recolendum est ex præmissis, quòd quidem suppositis communibus principijs singula pertractabo, nemo tamen inficietur, si hinc inde proprio genio indulsero, proinde sit

QUÆ-

QUÆSTIO I.

Quid sit causa in communi?

Dico: causa physica benè definitur: *principium per se influens esse in aliud*: ita passim philosophi, etiam hi qui volunt videri alieni, ac proinde similes descriptiones exaggerant.

Explicatur & Probatur conclusio: Dicitur *primò: principium*, in quo convenit cum privatione ac Patre Æterno, qui dicitur Principium Filij. Dicitur *secundo: per se*, ad excludendas conditiones causandi v.g. debitam approximationem, item causas merè per accidens, quales sunt casus, fata, &c. Dicitur *tertiò: influens*, ad separandas causas metaphysicas, quæ non influunt, sed habent se velut fontes, è quibus pullulant proprietates, & significando, quòd causa physica debeat *esse* aliquod dare sive physicè, sive moraliter (ex quo colliges, non esse idem causam physicam & physicè causantem) Dicitur *quartò: esse in aliud*, hoc est quòd effectus debeat realiter distingui in naturà; per quod excluditur generatio divina: itaque cùm hæc definitio constet genere & differentiâ, aliæ consimiles vel ad hunc sensum sunt reducendæ, vel reijciendæ, v.g. *causa est id, à quo aliquid per se dependet: causa est id ad cuius esse aliud sequitur &c.*

Obj-

Obijcies I. hæc definitio non convenit omni causæ; Ergò, &c. Probatur Antecedens: secundum Patres Græcos Filius causatur à Patre Æterno; sed hic non est aliud à Patre: Ergò. Respondeo Negando Antecedens: Probationis Majorem Distinguo: causatur causalitate physicâ. N. impropriâ quam Theologi vocant originis. C. sic Distinguo Consequens, & Nego Consequentiam.

Instabis: neque hæc definitio convenit omni causæ physicæ v. g. fini: Ergò, &c. Probatur Antecedens: finis propriè non influit, nec dat esse, nec in aliud tendit. Respondeo Negando Antecedens: ad probationem pro nunc dico: finem ad minus moraliter influere, neque finis unquam seipsum causat, sed de his plura in sequentibus.

Instabis: idem potest agere in seipsum: Ergò non est opus ut causa influat in aliud. Probatur Antecedens: gravia & levia moventur à seipsis, item aqua se reducit ad pristinum frigus. Respondeo Negando Consequentiam: aliud enim est agere in seipsum; aliud agere vel causare seipsum; primum significat, an debeat esse distantia inter agens & passum, quæ semper non requiritur ex Sco. in 1. d. 3. q. 7. ad 1. alterum omninò repugnat.

In-

Instabis : idem potest seipsum destruere : Ergò & causare. Antecedens patet in eo, qui se suspendit ; deindè phoenix dicitur semper eadem se mactans & se reprodu- cens. Respondeo Negando Consequen- tiam : primum est defectus , alterum exce- dit creaturam ; aliàs nec deveniret philo- sophus ad existentiam Dei ; de phoenixe symbolicum potius est quàm philosophi- cum.

Obijcies II. illa definitio non exprimit conditiones ad causandum requisitas : Er- gò non valet. Probatur Antecedens : con- ditiones sunt illæ : *ut agens sit prius effectu ; sit debitè approximatum ; non sit in distans ; ablatio impedimentorum , &c.* Respondeo Distinguendo Antecedens : non exprimit conditiones impertinentes ad rationem formalem , ac assentialem causæ in com- muni. C. pertinentes, subdistinguo : expli- citè transeat , implicitè. Nego. Cæterum ut dignoscatur, quænam ex his conditio- nibus sit, vel non sit necessaria

Quæres primò : an agens ut causet, de- beat esse existens , & quidem prius effectu ? Respondeo primò, omnino causam debere actu existere ; nemo enim dat , quod non habet , quomodo verò de virtuali perma- nentia præexistentiæ actualis loquendum,

I

in

Physica P. Schopen.

in 4. Sent. docetur. Respondeo secundò :
sufficere ut causa sit prior tempore, vel sal-
tem naturâ.

Quæres secundò ; an causa possit esse in
distant? Respondeo primò , causam posse
aliquid producere in distant, absque eo
quod similem effectum causet in medio,
sed dissimilem, & hæc responsio constat ex-
perientiâ solis in terra causantis animalcu-
la medium aërem illuminando, &c.

Respondeo secundò ; posse quoque in
distant agi, sinè ullo effectû ejusdem vel di-
versæ rationis in medio. Ita Sco. in 2. d. 9.
q. 2. & alibi , maximum quod me movet,
declarabo aliquando in Bareocolymbica ;
accedunt experientiæ , attractio ferri à
magnete, fluxus & refluxus maris in novi-
lunio , certæ thermæ indurant vitellum
ovi, nihil circa albuginem operando, &c.

QUÆSTIO II.

Quotuplex sit Causa in communi?

Dico : causa physica in communi est
quadruplex ; scilicet Materialis, Forma-
lis, Efficiens, Finalis. Ita communiter con-
tra nonnullos veteres, qui non tam nega-
runt, quàm ignorârunt has quatuor classes.

Probatur : tot sunt genera causarum,
quot sunt genera quæstionum de ente phy-
sico ; at harum quæstionum sunt quatuor
ge-

genera; Ergò & caularum. Probatur Minor: primò enim quæritur, *quis* fecit, & petitur causa efficiens; *ex quo* fecit, & est causa materialis; *quo vel per quod* fecit, & ecce formalis; *cur* fecit & est finalis. Ubi Nota etiam in sententia nagante principia communia, sensibilia talium caularum rationem induere posse. Confirmatur conclusio, & juris, & sacrae paginae peritorum consensu; deinde reliquæ causæ physicæ huc commodè referuntur, v. g. causa continens Veterum ad materialem, vel juxta Stoicos ad efficientem generalem.

Objicies I. hæc divisio non est bimembris: Ergò, &c. Respondeo Distinguendo Antecedens: nec ad bimembrem reducibilis. N. scilicet. C. est enim causa alia *intrinseca* (huc refer materialem & formalem) alia *extrinseca*, quo pertinet efficiens & finalis.

Instabis: forma non participat rationem causæ, Ergò &c. Probatur Antecedens: vel enim esset causa materiæ, vel generationis *in fieri*, vel *in facto*? Respondeo breviter: quòd sit causa intrinseca compositi *in facto*, potest & dici extrinseca materiæ; quomodo verò partes unitæ non sint causa & quomodo sint, vide Disp. de composito.

Objicies II. dantur plures causæ quàm
I 2 qua-

quatuor , Ergò ista divisio non est adæquata. Probatur Antecedens: datur causa instrumentalis, exemplaris &c. Respondeo : has omnes ad unam ex his quatuor esse reducibiles, ut infra dicam.

Instabis: unio est causa, nec tamen reducitur ad unam ex his; quia unio æque causat compositum, ac materia. Respondeo Negando Antecedens: unio est id quo materia causat; sic etiam approximatio, tempus, locus &c. non habent rationem causæ, sed eorum *in quo, cum quo*, causa causat.

Instabis: objecta causant actus, sed non videtur, quo modò ex istis quatuor, Ergò. Respondeo aliquos docere, quòd efficienter causent; alios dicere, quòd sint causæ formales extrinsecæ, quod & exemplari adaptant. Si dicas: *Jussio, consilium, consensus, palpo, recursus: qui recipit, mutus, non obstants, non manifestans*: causat quoque. Respondeo efficienter moraliter.

Obijcies III. data divisio nec est immediata, nec univoca; primum quidem, quia debebat dividi in intrinsecam, & extrinsecam; alterum, quia finis duntaxat intentionaliter causat, aliæ realiter. Respondeo non esse quidem immediatam, sicut nec universale divisum in quinque species,

cies, ob maiorem claritatem ; esse tamen univocam , nam ab ijs ratio *cause ut sic* abstrahitur &c. & licet finis intentionaliter moveat , hoc verè ac realiter fieri edocetur.

Quæres primò : quotuplex sit causa materialis ? Respondeo duplicem ; *primam* & *secundam* ; Prior censetur illa , *ex quo* componuntur omnia entia physica , sive ponatur Aristotelica , sive sensibilis : Altera est id , *ex quo* fit unum singulare physicum præ alio , v. g. alia sunt sensibilia vini , alia panis. Nec dicas : omnia convenire in materia ; hoc verum est de materia prima , non secunda , nam pannus est materia togæ , lignum est materia secunda baculi &c.

Quæres secundò : quotuplex sit causa formalis ? Respondetur duplex : *intrinseca* & *terminativa* , non autem quadrat *extrinseca* nominetenus ; quia ægrè ferendum est , causam intrinsecam dividi in *intrinsecè* & *extrinsecè denominantem* ; unde præstat uti vocabulò *terminativa* ; prima est cujuscunque rei forma , qua denominatur , & ab alijs distinguitur in esse physico ; altera , quæ quodammodo rem determinat , ac specificat , absque eo , quòd sit pars , ejus constituens , velut objecta respectu actuum.

QUÆSTIO III.

Quid sit causalitas in actu primo, & secundo?

Dico: causalitas in actu primo est ipsa entitas absoluta causæ, nata talem effectum producere; causalitas verò in actu secundo est relatio posterior causæ ad effectum. Ita Doctor Subt. expressè in 2. d. 1. q. 2. cum suis contra extraneos, & nonnullos ex nostris minùs intelligentes, qui vel docent causalitatem formalem, id est, in actu secundo esse quid absolutum, & modum; alij verò relationem præcedentem naturâ effectum.

Declaratur: quando ignis A, producit v. g. in ligno ignem B, ignis A, priusquam producat, dicitur causa in actu primo, vel fundamentalis, id est, potest producere alium ignem; quando verò producit ignem B, quæritur quid sit illa productio vel actio, qua formaliter in actu secundo denominatur producens, ad quod Respondet Sco. ci. & alibi, *ad absolutum in causa immediate sequitur absolutum in effectum, & in effectum consurgit primo respectus ad causam, deinde respectus causa ad effectum.* Hoc significat: posito igne A sinè ullo medio ponitur ignis B, & in eodem instanti temporis, quo ignis B ponitur, fundatur in igne B,
tan-

tanquam effectu relatio productionis passivæ, id est passio, quæ terminatur ad ignem A, & in igne A eodem instanti temporis fundatur relatio productionis activæ, vel actio, vel causalitas formalis in actu secundo, per quam agens denominatur agere in actu secundo. Sicut de igne, ita de omni præsertim efficiente causa exemplifica; ubi vides causalitatem nec esse absolutum, nec respectivum medium, nec præcedens entitatem effectus, sed naturâ subsequens, sicut omnis relatio præsupponit extrema. Nunc

Probatur quoad primam partem: causa in actu primo est entitas non actu causans, sed potens causare effectum: sed hæc virtus causandi proxima realiter est ipsa entitas ejus, quod causa dicitur, Ergo &c. Confirmatur: actio possibilis ad summum foret relatio transcendentalis indistincta realiter ab entitate causæ, Ergo &c.

Probatur quoad alteram partem: causalitas in actu secundo nec est entitas agentis, nec effectus, nec relatio præcedens effectum, nec media inter causam & effectum, nec aliud, Ergo &c. Probatur Antecedens per partes: actio est id quo agens dicitur agere, ac illi correspondens passio est id, quo effectus denominatur productus, Ergo est distincta ab agente & effectu.

Respondent Distinguendo Consequens:
esse distinctam ab agente nudè sumpto. C.
quatenus connotante effectum productū.
N. Contra : requiritur forma agentem
hic & nunc denominans talem id est cau-
santem, quæ forma prius non erat, Ergò
causalitas est forma realiter distincta. Nec
dicas esse quidem distinctam, sed per mo-
dum absoluti. Contra: ad nullum, aliud
prædicamentum pertinet; percurre sin-
gula, imò & ipse motus formalis est relatio.

Probatur etiam quòd non sit relatio
præcedens, vel mediā; tūm quia omnis re-
latio præsupponit extrema; tūm ex Gil-
berto dicente: causalitas vel actio est,
secundum quam in illud, quod subijcitur, agere
dicimur; tūm quia omnis alius modus su-
peradditus superfluit, cū causalitas sic
abundè intelligatur.

Obijcies I. causalitas in actu secundo est
quid superadditum, Ergò & in actu pri-
mo. Probatur Consequentia: ideo in
actu secundo, quia tribuit denominatio-
nem, quam aliud simile non habet; sed
etiam in actu primo entitas potens causa-
re, v. g. ignem, habet denominationem,
quam non habet alia substantia, Ergò &c.
Respondeo Negando Consequentiam;
Probationis Majorem distingo: quia dat
denominationem separabilem, ab entitate.

C. in-

C. inseparabilem **N.** sic distinctâ Minore :
Nego Consequentiam.

Instabis : licet denominatio qua causa dicitur in actu primo potens causare , sit inseparabilis respectu causæ proximæ , erit saltem relatio transcendentalis formaliter distincta , per quam in actu primo causare dicitur. Respondeo transiendo totum , quidquid Sannig dicat , nam Sco. ci. & quodl. 8. de realiter distincto negat.

Obijcies II. contra alteram partem ; causalitas in actu secundo est via , modus , gradus &c. per quam effectus producitur : Ergo debet esse prior effectui. Respondeo Negando Antecedens , nisi secundum imperfectum & grammaticum concipiendi modum , formaliter enim est forma , qua agens denominatur produciens.

Instabis : non est intelligibile , quod illa forma , qua quis denominatur produciens sit posterior effectui. Respondeo Distinguendo Assumptum : quod sit posterior tempore. **C.** naturâ. **N.** & si dicas , quod sit perfectio operantis : dico relativa. **C.** alia **N.**

Instabis : nec est intelligibile , quod sit naturâ posterior effectui , sicut nec ambulatio est posterior locô , ad quem tenditur. Respondeo Negando Assumptum : porro **RR.** hallucinantur volendo , quod effectus

Etus sit per modum loci, ad quem pergitur; sed habet se velut ambulatio, quæ est effectus ambulantis connotans spatium; unde agens potest quidem itineranti assimilari, sed effectus non loco, verum itineri materialiter sumpto; Scotus relictis similibus grammaticalibus subtiliori metaphysicâ imbutus, agnovit actionem esse relationem, quæ extrema supponit.

Quæres: an hæc doctrina æquè de causâ materiali ac formali teneat? Respondeo præter illa, quæ sparsim, ac imprimis in quæst. de unione insinuavi, quod causalitas materiæ, cui ab agente unitur forma, in actu secundo sit actualis subjectatio; causalitas verò formæ in actu secundo est actualis denominatio, quas denominationes intrinsecas doceo realiter distingui à subjectis, quæ denominantur, cum possint ab ijs separari, adeoque relatio actionis est maximè causæ efficientis. Solet & quæri: an Deus possit supplere causam materiale & formale. Respondeo Negative, nèque enim potest aliter denominare, vel denominari; hoc tamen fieri potest, ut Deus efficienti modo suppleat, id quod materiali præstat subjectum; item quod effectus secundarios causæ formalis impediatur, uti hinc inde declarabitur. Hæc de causis in comuni.

DISPUTATIO II.

De Causa Efficiente, Finali, Exemplari, ac Instrumentali.

CAUSA Efficiens antonomasticè causa est, unde eam & appertinentia cum finali, &c. distinctè explorare oportet, nam de intrinsicis aliud non occurrit, nisi quòd materialis sit principium influens, velut *ex quo*, formalis velut *quo*; de efficiente igitur sit

QUÆSTIO I.

Quid, & quotuplex sit causa efficiens?

DICO: causa efficiens optimè definitur: *principium influens esse in aliud velut à quo*, ita conformiter Philosopho, ac Doctore Subt. 5. metaph. deberétque esse communis, licèt alij longas descriptiones efforment, vel dicant, *quòd sit principium unde motus & quies*.

Probatur primò: aliæ descriptiones, consule Authores, sinè necessitate sunt longiores, imò & obscuriores, & data definitio, quòd sit *principium unde motus & quies*; non convenit omni, scilicet efficienti creativæ, v. g. quando Deus creat angelum, non dicitur mutari, nec fortè soli, nisi enim aliud addatur, vel obscure subintelligatur,

naturæ convenit ; neque omnes conveniunt in intelligentia terminorum ejusdem : Ergò præstat aliam dare , si tamen alia est dicenda , cùm eam Philosophi ad eundem sensum reducant. Probatur secundò , ex regulis bonæ definitionis : participat enim rationem causæ ut sic , addit differentiam , &c. Divisiones ejusdem sunt sequentes.

Primò secernitur in causam *per se*, & *per accidens*. Causa efficiens *per se* dicitur , quæ secundum naturam suam influit , sic pictor pingit ; altera quæ se habet impertinenter ad effectum , sic pictor qui est musicus cantat ; circa hanc

Observeo, quòd sit divisio in propriam & in impropriam , quia in definitione causæ ut sic , dicitur principium *per se* , quod participat efficiens ut sic , Ergò sic improprie nimis dividitur.

Secundò dividitur in *physicam*, & *moralem* : prima influit sensu proprio v. g. ignis calefacit ; altera quæ quidem plusquam metaphoricè agit , fit tamen secundum imputationem , v. g. judex reum sententiando occidit.

Tertiò in *principalem*, & *instrumentalem* : prior agit virtute propriâ , v. g. homo scribit ; posterior virtute alienâ sibi impressâ , sic calamus scribit , sed de hac quæst. 3.

Quartò

Quartò in *immediatam*, & *mediatam*; utraque subdividitur in *virtutis*, & *suppositi*, & rursus in *essendo*, ac *causando* lege Mastrum, Sannig, &c.

Quintò alia est *totalis*, alia *partialis*, quarum explicatio aliunde constat; sicut *totalis* alia est *totalis totalitate causa & effectus*; alia *totalis solâ totalitate effectus*; ita & *partialis* alia est *partialitate causa*; alia *partialis partialitate effectus*. Causa *totalis totalitate causa & effectus* est, quæ sola totum effectum ponit, v. g. Deus creat angelum: causa *totalis totalitate effectus*, quæ quidem totum effectum attingit, sed non sola; sic equus trahit navim totam, si sint duo, & hæc semper est *partialis partialitate causa*; si verò sint duo equi portantes singuli medium modium avenæ, dicuntur causæ quoque *partiales partialitate effectus* respectu totius modij.

Sextò in *univocam*, & *equivocam*; *universalem*, & *singularem*; *primam*, & *secundam*, ac, quod ferè est idem *efficientem dependentem à subjecto*, velut omnis creatura de facto (an de possibili possit creare alibi dicam) & *efficientem independentem à materia*, qualis est causa prima vel Deus creans angelum; item in *naturalem*, & *artificialem*, & *supernaturalem*, quæ sunt facilis intelligentiæ, donec suò locò funditus explicentur.

Se-

Septimò in efficientem *ut quo*, & *ut quod*, sive *ut alij virtutis ac suppositi*; prima est virtus, per quam agit, v. g. causa *quo* ignis agit est forma, vel calor ignis; altera est individuum vel singulare quod agit.

His alij addunt causam *præcisam* & non *præcisam*; per primam intelligunt illam, qua positâ ponitur effectus, qua sublatâ tollitur; sic humanitas dicitur causa risibilitatis; posterior qua sublatâ tollitur quidem effectus, eâ tamen positâ non ponitur semper, sic animal causat hominem; sed istæ metaphysicæ emanationes non debent reponi inter efficientes physicas. Alij addunt efficientem *quæ intrinsecè denominatur*, & *extrinsecè*, sed hanc non esse necessariam, in 1. Sent. de immutabilitate Dei instruat. Porro hæc opinio supposebat contra Veteres, verè à parte rei dari causas efficientes, non tantum Deum, sed etiam creaturas quædam efficere, Avicenna tamen aliud non videtur voluisse, quàm negare efficientiam ex principiis Aristotelis, cui facile subscriberem, si mihi soli & non proximo satagerem.

QUÆSTIO II.

Quid, & qualis sit causa finalis?

Dico: Causa finalis, quæ definitur: *cujus gratiâ aliquid fit, vel propter quam aliquid fit,*

fit, quod idem est, vera & realis causa est censenda. Ita Sco. 2. phy. q. 9. & nostrates permiscuè litem de nomine facientes.

Suppono autem quòd finis sit triplex, *finis qui*, & est illa res quæ amatur, & propter quam operatur; *finis cui*, & est persona, quæ sibi in fine *objectivo vel qui* complacet; ac *finis quo*, & est ipse actus formalis, quo appetitur. Porro finis *cujus vel qui* alius est *ultimus*, & hoc simpliciter uti solus Deus, vel *in certo genere*, & hic non ordinatur ultrò; alius *non ultimus*, qui ultrò dirigitur; item alius *est operis vel ex natura rei*; alius *operantis* id est ex beneplacitis; exemplum primi est utens medicinâ pro sanitate; secundi pro pulchritudine membrorum; suppono insuper, licet finis *qui vel objectivus vel cuius* primariò rationem finis habeat, connotari tamen finem *cui*: quibus suppositis.

Probatur primò definitionis bonitas; eò quòd omni & soli conveniat, si enim res dicantur esse propter dispositiones, fides propter revelationem, &c. *propter*, non significat in cuius gratiam, sed causam à qua.

Probatur secundò: quòd finis sit vera, ac realis causa; tùm quia participat rationem causæ ut sic; tùm quia causa finalis influit independentèr ab omni operatione in.

intellectûs, v. g. sanitas movet ad utendum medicinâ, quod sanè non est opus intellectûs. Confirmatur: non minùs est verum dicere, quòd finis sit causa *propter quam*, quàm quòd materialis sit causa *ex qua*, efficiens à qua; sed priores sunt reales: Ergò, &c. Probatur Major: ideo de illis est verum dicere, quia reverà sunt id *ex quo*, à quo, sinè ope intellectûs; sed reverà finis est, *propter quem*: Ergò, &c. Confirmatur adhuc: licèt finis sit ultrò intentionalis, & non ita strictè realis, ut efficiens, per hoc non sequitur esse metaphoricam vel fictam causam.

Respondent: esse veram ac realem causam moralem. C. physicam. N. Contra: vel intendunt finem esse causam intentionalem, sed tamen à parte rei, & sic coincidimus; vel putant esse purè intentionalem absque ulla causalitate à parte rei, & hoc falsum est, quia finis dicitur movens, & potentia mota sinè ope intellectûs; hinc quoque falsum est dictum Mastrij, hanc esse motionem metaphoricam, non realem, quia certè potiori sensu sanitas movet ad utendum medicinâ, quàm dicantur prata ridere, montes stupere, &c. vel dic cum P. Geraldino, sicut risus prati est metaphora, & tamen amœnitas prati realis est, ità bonitas rei moventis quæ intentionaliter
&

& objectivè existens habet rationem finis in actu primo, esse realem, causalitatem verò finis in actu secundo, esse relationem minùs realem; sed dico, quòd nec hæc sit merè rationis, præsertim quando est bonitas vera, non præfixa & apparens; de fine tamen in actu primo ac secundo, me infra declarabo.

Obijcies: omnis vera ac realis causa debet existere realiter, sed finis sæpè non existit realiter, imò si existat, hoc est per accidens: Ergò &c. Major patet: quia causa realis debet habere influxum realem. Respondeo N. vel Distinguendo Majorem: debet existere realiter actualiter, vel realiter intentionaliter. C. necessariò actualiter N. Majorem; sic transeundo Minorem interim; Nego illatum; ad probationem dic, finem habere influxum realem intentionalem; sicut passionēs gaudij, tristiæ sæpè causantur ab objectis intentionaliter existentibus.

Instabis: illa existentia intentionalis nihil est à parte rei, aliàs ab æterno fuissent creaturæ; Ergò non sufficit ad causalitatem realem. Respondeo Distinguendo Antecedens: nihil est actualiter physicè existentis. C. objectivè sinè ope intellectus existentis N. sic plurima solves.

K

In-

Physica P. Schopen.

Instabis: illud esse diminutum est contra Sco. in 1. d. 36. & estò daretur, in eo nequit fundari respectus realis, Ergò nec causalitas realis. Respondeo ad Sco. sicut de ideis, imò ille est Author ac Fautor tertij statûs, saltem in singularibus; ad secundum dici posset, finem esse tantum causam realem in actu primo, in actu secundo verò esse motionem metaphoricam, ita insinuat 1. de Gener. vel tandem Respondeo Negando suppositum: quòd ad causam finalem non pertineat *finis quo*, id est amor vel concupiscentia habendi, finis iste semper est actus realis natus fundare respectum realem moventis potentiam. Pro quo

Observe: quando quis operatur ut divitias acquirat, causam finalem *in recto*, esse desiderium divitiarum; bonitatem verò divitiarum intentionaliter existentium esse finem *in obliquo*, *connotativè* personam desiderantem, ex quibus totus finis integratur; ubi vides, non tantum desiderantem esse realem, sed & strictè illud desiderium, divitias verò ut bonas intentionaliter esse à parte rei, & modò istò plus convincitur, scilicet finem *in recto* esse strictè, *in obliquo*, intentionaliter realem, quod ut clarius percipias.

Quæres primò: quænam sit causalitas
fi-

finalis in actu primo? Respondeo: esse desiderium habendi aliquod bonum sive verum, sive apparens, cognitionem verò illius boni esse tantum conditionem; hanc fortè nemo tradidit; quia alij docent esse cognitionem; alij bonitatem veram solam; alij & apparentem; alij & indifferenciam, vide Mastrium & Compendiatores: at quod sit illud desiderium

Probatur breviter: *finis est id, cujus gratiâ aliquid fit*: sed unus laborat, quia desiderat divitias, alter honores, tertius cœlum: Ergò hoc desiderium habendi *in recto* est causa finalis, bonitas verò *in obliquo*; ita Sco. q. 4. prol.

Quæres Secundò: in quo consistat causalitas in actu secundo? Respondeo: si finis in actu primo sit desiderium illud, causalitatem in actu secundo esse realem relationem fundatam in illo desiderio, terminatam ad potentiam; si verò bonitas sit finis in actu primo, finis in actu primo erit quidem intentionaliter realis, in actu secundo tamen non semper erit relatio realis, puta si bonitas sit tantum apparens, si verò vera bonitas, adhuc erit relatio aliquo modo diminutò à parte rei, fundabitur enim in bonitate vera intentionaliter existente: Cæterum aliquando & primò bonitas movet, ut desideretur, deinde desi-

derium habendi movet ut quis operetur ad possidendum bonum illud.

Quæres Tertio : an possit bonum non cognitum movere? Respondeo Negative absolutè, *nihil enim volitum, nisi præcognitum* aliquo modò. Nec dicas : voluntatem non esse subordinatam, vel maximè quoad actus cum fine tendentes, de quibus loquor. Si petas : an malum quà tale possit habere rationem finis? Respondeo Negative: quia ad minus erit præfixa bonitas; vel dic. in ordine ad detestandum.. C. eligendum N. Si rursus : an finis sit nobilior alijs causis? secundum se Concede; in ratione causandi Nega cum P. Sannig, qui sibi hìc contradicit à capite ad calcem, dum loquitur cum alijs de motione metaphorica, & Numero 12. dicat finalizare penes esse non reale, sed intentionale, & tamen causalitatem finalem in actu primo ponit in entitate reali, & formalem in relatione ab hac reali resultante: contradicit sibi quoque Hermann, q. 2. n. 3. & q. 3. n. 1. *dicò primò*, & est contrarius Scoto q. 4. prol. dicenti, *finis non causat, nisi in quantum amatus & desideratus*, ubi vides, desiderium habendi bonitatem constituere finem in actu primo. Tandem quæri solet: quænam agentia agant propter finem?

Re-

Respondetur: comparando media, eorumque utilitatem cum fine, Deum, angelos, & homines, propter finem agere, simplici verò intuitu, ac cognitione sensitivâ etiam bruta. Cætera de actibus humanis, vel alibi tradam.

QUÆSTIO III.

Quid sint causa Instrumentalis, & Exemplaris?

Dico: Causa Instrumentalis est illa, *quæ agit in virtute principalis agentis*: Exemplaris verò est *ratio objectiva in mente artificis, secundum quam formatur exemplar*. est Sco. quoad utramque partem diversis locis, quoad primam in 4. d. 1. & 6. contra Poncium; quoad alteram in 1. d. 2. q. 2. contra Thomistas: qui volunt esse conceptum formalem: RR. utrique scholæ se miscent.

Declaratur: *primò* instrumentum est duplex, *improprium*, & sic omnis causa aliquo modo alteri subordinata & deserviens, ac omnis creatura est instrumentum Dei; *proprium* est definitum v. g. calamus, serra, quod est subinde activum, subinde passivum, de quo infra. *Secundo* & causa exemplaris vel idealis est duplex, *interna*, & *externa*: externa est id, cujus similitudinem imitatur artifex, ponendo illud extra

mentem, v. g. ante oculos statuam Jovis, quam pictor æmulatur; interna, de qua agimus, est talis idea in mente, quales in mente Dei collocat Sco. in 2. d. 35. q. 1. Nunc

Probatur de instrumentali, quæ per illam definitionem distinguitur à principali; Ergò &c. Si enim secundum se posset effectum principalis agentis attingere, ad summum foret instrumentum impropriū. Confirmatur inductione: calamus non scribit, nisi manus utatur calamō, ferra non dividit, nisi applicata, nec aliud requiritur, Ergò &c. Insuper hæc definitio convenit instrumentis naturalibus, artificialibus, & supernaturalibus.

Probatur de Ideali: causa idealis non est ratio formalis nec aliud, Ergò est ratio obiectiva. Probatur Antecedens: qui operatur juxta ideam externam, non respicit conceptum formalem; Ergò &c. quia est in ijs proportio. Nec valet dicere: consistere in utroque conceptu adæquatè. Contra: quæstio non est de repræsentatione formali idearum factarum, sed de ideis rerum faciendarum, quæ posteriores sunt id, secundum quod aliquid efformatur, juxta illud *inspice & fac, secundum exemplar.*

Obijcies I. contra primam partem: instru-

strumenta quædam causant finè virtute principalis agentis ; Ergò data definitio non est adæquata. Probatur Antecedens: si lignum moveretur super ferram, & cera fixo sigillo super poneretur. Respondet Gabriel à S. Vinc. tali casu lignum & ceram fore instrumenta, sed lignum quod dividitur, quomodo potest esse instrumentum? Respondetur secundò, tali casu ferram & sigillum esse instrumenta passiva, non activa, de quibus agitur, neque placet istud, quia reverà sigillum imprimit ceræ liquidæ sui figuram. Respondeo Negando Antecedens; ad probationem dico: adhuc tali casu ferram accipere impulsu ab agente, quantumcunque stet firma, ipsa enim nihil efficeret, nisi agens eam moveat, vel super eam moveat; idem est de sigillo, & si caderet, qui est causa casûs, esset & causa subsequenter impressionis.

Instabis: saltem hæc definitio convenit aquæ calidæ rursus calefacienti in virtute alicujus ipsam calefacientis. Respondeo Negando Assumptum; quia illa principaliter calefacit, & subjectivè ab alio præviè calorem habet.

Obijcies II. contra alteram partem: si idea esset conceptus objectivus, vel foret res facienda, vel facta, vel aliud; nihil poterit dici; Ergò. Respondeo: quòd sit

faciendæ similis existens intentionaliter & objectivè.

Instabis: illa res intentionaliter existens & faciendæ similis non est aliud, quàm formalis repræsentatio alicujus rei jam semel factæ, v.g. si quis vellet facere domum, idea interna non est aliud, quàm formalis repræsentatio alicujus domûs, semel visæ. Respondeo Negando Assumptum: est enim insuper species impressa per modum objecti relicta; vel potius est *esse & existentia* domûs semel visæ intentionalis & objectiva, quæ non est ens rationis, vel conceptus formalis, vide Logicam.

Obijcies III. idea debet dirigere, determinare, regulare &c. sed hoc facit conceptus formalis, Ergò &c. Respondeo Distinguendo Majorem: tanquam illud juxta quod: C. tanquam ratio formalis N. hinc Seneca Epist. 66. ait, *Exemplar est, ad quod respiciens artifex, id, quod destinabat, efficit*, & ita exprimitur Exo. 25. *inspice &c.*

Quæres: ad quale genus causæ reducuntur istæ? Respondeo; de instrumentali jam constare, quòd ad efficientem spectet; aliqui dicunt ideam esse quintum genus, sed si mavis cum communi tenere, dic, rationem causæ à qua id est efficientis, vel quia extrinsecè determinat, & formam rei præbet, ad formalem saltem terminativam
per-

pertinere. Hic tandem de causis per accidens tractari solet, sed quia minùs scholastica, alibi de similibus integrum tractatum conscribam.

DISPUTATIO III.

De Causa Efficiente Creatâ.

PRæter dicta de efficiente, non abs re fit comparatio causarum præsertim secundarum adinvicem, quas singulas difficultatibus distinctâ dissertatione pro dignitate examinabo, donec de prima loquendi campus erit.

QUÆSTIO I.

An accidens possit producere substantiam?

Dico: accidens nequit producere substantiam. Ita Sco. in 1. d. 37. cum suis & RR. multi contra Thomistas.

Probatur; imperfectius nequit producere perfectius: sed accidens est imperfectius substantiâ; Ergo, &c. Major Probatur; quia nemo dat, quod non habet, nec plus quàm habet, aliàs etiam ex causalitate causæ primæ ejus infinita perfectio concludi non posset. Minor patet.

Respondent aliqui distinguendo Majorem: imperfectius nequit producere perfectius.

fectius ut *quod*. C. ut *quo*. N. & dicunt substantiam medijs accidentibus aliam producere. Contra: præterquam quòd accidens esset principium *quod* juxta Thomistas, quia actiones sunt suppositorum, nec imperfectius potest esse id *quo* vel virtus producendi perfectius; Ergò, &c.

Probatur Antecedens: aliàs albedo posset denominare subjectum ultra gradum. Nec dicas: hic esse efficientem. Contra: sicut forma accidentalis nequit ultra gradum denominare, v. g. albedo ut duo nunquam faciet album ut tria, ita nec imperfectius potest esse virtus, quàm quid ultra se & suam virtutem efficienter producat.

Respondent alij sic distinguendo Majorem: in virtute propria. C. in virtute aliena. N. ad Minorem dicunt: accidens in virtute substantiæ, velut ejus instrumentum producere substantiam, & hoc aliqui per influxum transitivum; alij permanentem volunt dici; at Contra hos & illos; vel illa virtus, quàm accidens producit substantiam est accidentalis; & sic manet argumentum; vel substantialis sive transitive sive permanentem, & ita substantia dicetur agere. Nec dicas cum Cajetano: non esse virtutem quomodocunque accidentalem, sed intransitivam, id est in tali substantia; sed Contra; ipsa manet accidens;
Ergò

Ergò imperfectius, quod nequit continere perfectius, consequenter nec producere.

Respondent alij Distinguendo Minorem: accidens est imperfectius in entitate. C. in activitate. N. Contra: ex infinita potentia agendi saltem à posteriori inferitur infinita perfectio entis; Ergò ubi activitas est nobilior, & entitas; sed certum est, quòd accidens deficiat in entitate: Ergò, &c. Nec dicas: materiam & formam esse imperfectiora toto, & tamen illud constituere. Contra: partes unitæ sunt totum. Confirmatur ex Arist. 7. metaph. ubi ad productionem substantiæ prærequirit aliam, & quidem similem, sicut & accidens producit immediatè simile accidens, imò hoc est in accidente perfectio; Ergò non neganda substantiæ.

Obijcies I. Sol producit in visceribus terræ aurum & alia metalla, imò & animalcula; sed hos effectus non causat substantia Solis, cum non sit debitè præsens; Ergò &c. Respondetur Distinguendo Majorem: dispositivè. C. principaliter efficienter. N. in meis principiis facilius ista expedirem.

Instabis: non est alia causa efficiens principalis istarum substantiarum. Nec dicas: Deum facere; tùm quia philosopho indignum est recurrere in talibus ad Deum; tùm quia concursum immediatum negabimus.

bimus. Respondetur tamen Deum illas producere, non concurrento, sed se solò, sicut animas & angelos creat; & retorquetur: quòd Thomistæ recurrant ad Deum, ut formam cadavereitatis efficiat; sed ut verum fatear, licet retorsio sit bona, & hi & illi peccant, propter principia tamen Aristotelica vix aliter, nisi diceret substantialem virtutem Solis diffundi, & non esse universaliter verum, vivens esse perfectius non vivente, v. g. vermiculum respectu Solis; & hæc sunt noxia, & pejora sunt dicere, dari vermem vel ranam vagam, tales vermes, &c. in terra producentes, experientiâ constat vermes, &c. Arte vel potius ex certa putri materia ordinariè fieri posse.

Instabis: accidentia Solis possunt corrumpere substantiam v. g. summum frigus in aqua, producendo summum calorem: Ergo & substantiam aquæ, nam illa non staret cum tali calore. Respondetur primò: Negando Consequentiam; quia imperfectius potest destruere perfectius, at non producere. Responderem Negando Antecedens: quia Solis virtus vix unquam summum gradum attinget; deinde ibi non perit forma aquæ, ut patet.

Instabis: ferrum ignitum non tantum potest corrumpere stramen, sed etiam ignem

nem producere, sed ibi non est substantia ignis; Ergò, &c. Fateor hanc instantiam esse difficilem nostris; at negavi Minorem: Si dicas: Aristoteles ait: ignis non agit ut ignis, sed ut calidus. Respondeo: dum calefacit. C. dum ignem alium producit. N. quando verò dicit actiones esse inter contraria, loquitur de alterativis.

Obijcies II. imperfectius potest producere perfectius; Ergò & ratio & conclusio nulla sunt. Probatur Antecedens: potest corrumpere perfectius; Ergò & producere; Antecedens patet de igne comburente animal. Respondeo Negando Antecedens: probationem distinguo: si sint in eodem genere. C. si in diverso. N. ignis & animal sunt duæ substantiæ: deinde negatur paritas ut supra.

Instabis: imperfectius in diverso genere potest producere ultimam dispositionem in ordine ad corruptionem; Ergò & ipsam substantiam corrumpit: Probatur Consequentia: illa dicitur causa viventis, quæ producit ultimam dispositionem: Ergò à pari. Respondeo Negando Antecedens: & probationis Consequentiam; quia in generatione viventis ultima dispositio est forma substantialis, scilicet corporeitatis.

Colliges: unam substantiam non solum accidentia producere, sed etiam aliam substantiam.

stantiam, ad quam accidentia concurrunt dispositivè, non autem principaliter suâ vel alienâ virtute, quidquid Morisani & Pererius reclamatione, in principiis communibus.

QUÆSTIO II.

An idem effectus possit esse à duabus causis totalibus?

Dico: nec divinitus potest idem effectus produci à duabus causis totalibus efficientibus, ita Sco. in 1. d. 2. q. 3. S. Tho. 1. parte q. 52. art. 2. & Vasquez contra alios Doctores suæ Societatis.

Probatur argumentò communi: talis effectus à neutra essentialiter dependeret, & ab utraque simul; sed hoc implicat dupliciter, scilicet ex parte dependentiæ effectus ad causam, & contradictionis; Ergò à duabus produci nequit.

Probatur Major: imprimis dependeret ab utraque, quia omnis effectus dependet à sua causa; deinde à neutra, quòd sic probò: baptizemus illas duas causas A & B, effectus non dependeret à causa A; ab illo non dependet effectus, sinè quo & est, & subsistit, atqui haberet suam existentiam & subsistentiam à causa B; Ergò non dependeret ab A, sic etiam proba non dependere à B, & sequitur quòd à neutra.

Re-

Respondet Suarez negando suppositum, quòd effectus dependeat essentialiter à causa creata quacunque. Contra: nec Doctor Subt. nec Angelicus voluerunt dicere, quòd simpliciter sicut à Deo dependeat; cæterùm negari nequit, quòd per se dependeat ab eo, à quo fit, non enim potest ab eodem fieri, & non fieri, habere esse & non habere idem esse.

Respondent proinde: quòd ab una dependeret per se, & ab alia per accidens. Contra: dependeret ab una sicut ab altera; deinde omnis effectus per se dependet à propria efficiente causa, qualis utraque supponitur.

Respondent alij, dependeret ab utraque indeterminatè. C. determinatè. N. ex quo non sequitur, quòd à neutra dependeat. Contra: dependeret ab utraque determinatè, & à neutra. Probatur prima pars assumpti; sic dependeret ab unaquaque, ac si divisim ab ea produceretur; Ergò determinatè. Probatur Antecedens: non faciunt vel integrant aliquam unitatem causæ vel ordinem; Ergò quælibet impertinenter, & sinè ordine ad aliam causa determinatè causans erit: insuper una causa non potest simul & semel habere plures effectus adæquatos; præterea illæ duæ causæ conjunctim producentes effectum, essent

sent tantum totales totalitate effectus, quia totalitas causae importat, ut secundum idem esse sit à se solo.

Obijcies I. idem numero accidens potest esse in pluribus materijs; eadem forma substantialis in pluribus subjectis; idem corpus in duobus locis; saltem supernaturaliter, Ergo & idem effectus à pluribus causis adaequatis. Respondeo primo: negando paritatem, nam accidens potest divinitus conservari sine subjecto, item forma, item corpus sine loco; ex quo patet non habere talem essentialem dependentiam, sicut effectus petit esse à causa efficiente.

Respondeo secundo signatè; etiam duo corpora posse esse in uno loco, non autem duo effectus adaequati ab una causa simul & semel, prout fatentur R.R. teste Poncio: deinde solent nostri dicere, quod tali casu materia una sit subjectum inadaequatum, quando verò duae formae sunt in eodem subjecto, sub alia & alia ratione idè informant; at in praesenti sub eadem ratione effectus esset ab utraque.

Obijcies II. defacto duo sacerdotes consecrant eandem hostiam, tempore ordinationis; sed uterque est causa totalis. Nec dicas: esse causam moralem, nam & haec physica efficiens est. Respondeo Negando

do Minorem : vel Distinguo : totalitate effectûs, C. etiam totalitate causæ N.

Instabis : eodẽ modò quilibet causat ac si solus; Ergò totaliter utròque modò. Respondeo Negando Antecedens ; vel dico : quantum ad hoc quòd sit instrumentum totam consecrationem proferens. C. solus & ex parte instrumenti totaliter N. illa enim causalitas se extendit, quousque revelatum est.

Instabis : Deus in consecratione velut causa totalis adducit corpus Christi , & etiam sacerdos , Ergò &c. Respondetur Distinguendo Antecedens : Deus velut causa principalis ; sacerdos velut instrumentalis ; quæstio est de duabus ejusdem ordinis.

Instabis : quando Deus concurrit cum creaturis ad actiones, utraque est causa totalis principalis ; Ergò &c. Respondeo Negando suppositum concursûs immediati : alij dicunt, has quoque esse causas diversi ordinis, imò Mastrius tacitè insinuat, concursum Dei secundum modum non esse sufficientem ac totalem ; idem significat , quod Hermann ait : diverso modò illas concurrere, quod esse alterius ordinis ; ex his eliges, quæ placet, si concursum negare nolis.

L

Obij-

Physica P. Schopen.

Obijcies III. duo ignes applicati eidem stramini, ignem in eo totaliter causarent, Ergò &c. Respondeo Negando Antecedens: nam vel in diversis partibus agerent, vel flammam extenderent, vel partialiter ignem causarent.

Instabis: ponatur spatium tantum capax luminis, quantum ab una candela causari potest, hac accensâ accendatur & alia, eadem illuminatio erit ab utràque totaliter. Respondeo: vel Negando casum possibilem; vel alteram illuminaturam; at quia hoc secundum impediri nequit: dico tali casu, majoritatem illuminationis intellectui si non sensui fore perspicuam.

QUÆSTIO III.

An detur Potentia Obedientialis activa in quolibet ad quodlibet?

Dico: non datur Potentia Obedientialis activa in quolibet ad quodlibet. Ita Sco. in 4. d. i. q. i. & alibi contra RR.

Probatur Primò: nulla entitas habet virtutem destructivam sui ipsius, sed si foret potentia obedientialis activa in quolibet ad quodlibet (hoc significat, si Deus posset elevare quamcunque creaturam, ut activè quodlibet produceret) talis entitas daretur; Ergò &c. Probatur Minor: aqua posset elevari ad producendum in se for-

formam ignis ; sed hæc est destructiva aquæ ; Ergò aqua haberet virtutem se destruendi.

Probatur Secundò : etsi cognitio , vel sapientia formalis posset recipi in lapide , non tamen denominare illum , & lapis nec per Dei potentiam potest producere activè intellectionem , neque productivè neque operativè , nec visus potest elicere auditionem &c. Ergò non datur talis potentia.

Respondent saniores : intelligi de ijs , quæ non involvunt contradictionem , & ubi est virtus quædam inchœata ; sed hi li-tem de nomine faciunt , nam & hoc Scotistæ docent , licet in particulari sæpè disconveniant , an in hoc vel illo ente sit talis virtus inchœata , v. g. an oculus corporeus possit videre Deum &c. Mastrius tamen inquit , quòd RR. simpliciter velint omnia posse elevari ad omnia , quòd vix credo , nisi voluissent in laudibus Dei excedere potius , quàm Deo aliquid negare ; sicut enim Deus privatur illo , quòd semel factum non possit facere non esse factum , ita & quòd lapis creet angelum &c.

Obijcies tamen : illa quæ nullam habent proportionem , possunt se invicem causare ; Ergò signum est , quòd detur potentia obediæntialis in quolibet. Probatur

tur Major: materiale potest causare spirituale; sed: Ergò. Major patet in sacramentis causantibus gratiam. Minor. quia opponuntur sicut album & nigrum. Respondeo Negando primum Antecedens; probationis Majorem Distinguo; materiale potest causare spirituale moraliter. C. physicè N. ad Minorem dico: inter sacramenta & gratiam esse quoque proportionem moralem; sicut enim aqua abluit fordes corporis, ita baptismus depurat animam &c. prout in Theologia, ubi & de causalitate eorum dicetur.

Instabis: S. Aug. l. 5. de gener. ait: *potestas Creatoris habet apud se supra cursum rerum naturalem, posse de his aliud facere, quam earum seminales rationes habent*: Ergò non requiritur proportio ulla: ad hoc ut quodlibet volente Deo efficiat quodlibet. Respondet Hermann eum velle: quòd creaturæ possint elevari ad varios effectus ignotos; sed clariùs dices, insinuari l.c. potentiam passivam; Deus enim illa sensibilia potest quomocunque immutare.

Instabis: datur & activa potentia obediens in omnibus; Ergò &c. Tum quia apud Deum omnia sunt possibilia; tum quia non est disparitas. Respondeo Deum omnia posse in sensu accomodo, id est, quæ non implicant contradictionem; dispa

ratio verò inter activam & passivam est, quia prior arguit perfectionem, altera dependentiam à potiori; & quia per posteriorem res immutantur; porro prout res sæpiùs mutatur, ita & diversificat actus; vel undè nec passivam simpliciter admitto, sed quantum res transmutari possunt à Deo.

Instabis: creaturæ habent virtutem inchōatam ad quodlibet respectu Dei; Ergò in sensu absoluto potest de ijs Deus dispo- nere, ut quælibet faciat quodlibet. Antecedens patet: quia dependent omni modò & momentò à Deo. Respondeo ut suprà: dependere omni modò possibili. C. aliter N. Nec dicas: principium peti. Contra est: quòd Deus ipse objectivam veritatem possibilem & impossibilem percipiat.

Instabis: supernaturalia possunt produci à naturalibus; Ergò quodlibet à quolibet. Respondetur à naturalibus elevatis, & in quibus est proportio. C. non elevatis, & in quibus non est proportio N. & melius sic: supernaturalia quidem posse produci, si natura elevetur suprà cursum, sed non contra-naturalia.

Instabis: nulla est proportio & virtus inchōata in naturalibus ad producenda supernaturalia, sicut nec inter frigus & ca-

lorem, album & nigrum &c. Ergò nihil est contra naturam; Ergò Deus potest facere ut quodlibet fiat à quolibet. Respondeo Negando Antecedens; & dico, non opponi supernaturale & naturale, sicut frigus & calor &c. sed veluti calor remissus, & intensissimus, ad quem, v. g. aliqua creatura pertingere nequit, nisi adjuvetur specialiter à Deo.

Observe: Deum posse multa & inaudita, sed nulla, ubi non est virtus quædam inchöata naturæ debita, v. g. Deus potest facere, ut anima clarè Deum percipiat, quia ipsa radicaliter est intellectiva, & sic de alijs; at impossibile videtur, ut lapis quæ talis fruatur, videat &c. dico: *quæ talis*, quia posset immutare, imò & transubstantiare juxtà communem, lapidis constitutiva, & sic alia præstaret. Hæc potissimum de creata causâ. Sit

DISPUTATIO IV.

De Causa Efficiente Increata.

Quamquam de Deo agere sit Theologiæ naturalis, vel supernaturalis; ordo & usus tamen obtinuit, ut præcipuæ quædam difficultates hic prælibentur, quantum philosopho convenit; his vestigijs inhærendo, sit

QUÆ.

QUÆSTIO I.

An Deus immediatè concurrat ad omnes actiones creaturarum?

Dico : causa prima efficiens, vel Deus non concurret immediatè ad actiones naturales creaturarum. Ita inquirendæ veritatis causâ defendam contra plurimos modernos Philosophos, ac Theologos ; est tamen hæc opinio Durandi in 2. d. 1. q. 5. Aureoli, Guilielmi Parisiensis, Henrici de Gandavo, & in eam inclinant Argentinas, Striminensis, Occam, Præpositivus, Lalemandet, Dola, Caramuel, quorum aliqui eam absolutè tenent, alij dubiè, alij exercitij causâ, omnes tamen sentiunt, licitè defendi Deum non concurrere immediatè efficiendo omnes actiones creaturarum.

Probatur Primò : opposita sententia non est de fide ; Ergò licitè, ac probabiliter defenditur Deum non concurrere immediatè ad omnes actiones creaturarum ; intellige *naturales*, proùt *naturale* opponitur *supernaturali*, nam de meritorijs alibi dicitur. Probatur Antecedens : nullibi habetur in Biblia, vel Concilijs, vel traditionibus ; *Deus physicè concurret immediatè ad omnes actiones creaturarum* : Ergò &c.

Respondent velociter : non haberi explicitè transeat, implicitè N. Contra : tar-

dè, sed seriò, locum afferant, sicut nec mihi neganti materiam primam, nec Carameuelli neganti concursum potuerunt afferre, ita semper deficient. Confirmatur: Concilia & SS. Patres definierunt contra Pelagianos, quòd Deus concurrat ad omnem actum supernaturalem vel meritorium, & hoc scripturæ sacræ conformiter; Ergò de naturalibus reliquerunt campum disputandi scholasticis. Tandem Patebit solvendo objectiones.

Probatur Secundò: Deus manet æquè causa prima, primum agens &c. dicendo cum Aug. 7. de Trin. *Deum res, quas condidit, ità administrare, ut suos motus agere sinat,* & cum Eccl. cap. 15. *Deus fecit hominem rectum, & dimisit eum in manibus consilij sui,* id est, Deus decrevit creare hominem, illi dare potentiam agendi vel non agendi, agendi hoc vel contrarium, eumque statuit conservare cum hac potentia, ità ut eum relinquat in naturalibus facere quod vult, Deus inquam, sic loquendo, manet æquè causa prima &c. quàm dicendo, quòd concurrat immediatè; Ergò fundamentum adversæ sententiæ à ratione ruit. Probatur Antecedens: quia si Deus creaturæ non dedisset illam potentiam, nec eam conservaret, nihil posset; Ergò adhuc manet causa prima, primū conservans &c.

idem

idem videtur voluisse Arist. lib. 1. de Universal. c. 26. Nec valet authoritates tales non esse exclusivas concursus; quia docent Deum dedisse potentiam, & ultrò creaturas relinquere se solis agere, eligere ignem & aquam, bonum vel malum, prout volunt.

Probatur Tertio: Si Deus concurreret ad omnes actiones creaturarum, etiam ad peccaminosas; hoc dici nequit; Ergò nec illud. Minor constat ex eo Ps. 5. *non Deus volens iniquitatem tuas*, Sap. 11. Jerem. 19. Hab. 1. Ps. 50. Trid. sess. 6. can. 6. Dyon. c. 4. de divin. nominibus. Damasc. l. 2. de fide &c. damnantes Calv. l. 1. instit. c. 18.

Respondent minùs docti: hoc esse argumentum commune, sed igiturne solum?

Respondent paulò plùs versati: Distinguendo sequelam, etiam ad peccaminosas materialiter consideratas. C. formaliter sumptas N. & dicunt l. c. velle, quòd Deus non sit author peccati quoad esse formale. Contra: vel creatura entitatem materialem, v.g. blasphemix ponit, quia Deus ab æterno voluit ut eam in tempore poneret; vel Deus concurrit, quia creatura voluit; vel simul ab æterno voluerunt, sicut in tempore concurrunt; quidquid responderint, impugno in Theologia,

L 5

Ergò.

Ergò. . Confirmatur : Theologi docent aliqua peccata esse intrinsecè mala, quorum entitas materialis nequit poni finè formali malitia ; Ergò si Deus voluerit ab æterno illa quoad materiale, sicut in tempore concurreret, & formalis malitiæ causa esset.

Responsiones ad hoc argumentum & confirmationem ultrà viginti collegi, & refuto in tractatu de Peccatis ; hìc enim eas omitto, quia requirunt scientiam theologicam.

Probatur quartò : tum quia nulla est necessitas hujus concursûs ; tum exemplò artificis facientis horologium, se solò operantis, quod nobiliùs est, quàm si continuâ directione indigeat, & sicut Mundus præter conservationem sui non eget alio concursu, ita nec Microcosmus, id est parvus mundus, qui homo dicitur, eget in suis actionibus naturalibus simultaneo concursu.

Obijcies I. Deum physicè immediatè concurrere ad omnem actionem creaturæ, non solum Philosophorum, sed & Theologorum fuit constans opinio ; opposita vocatur erronea, vel saltem errori proxima, ab Hyer. tribuitur Pelagianis. Respondeo ut sæpè dixi ; & nunc quoque in Lalemandeto legi, RR. Theologos sæpè temerè

rè hæc & illa de fide facere, quæ revera non sunt de fide ; suspicari errorem ubi non est, Hyer. loquitur de actionibus supernaturalibus ; ad summum infertur oppositam esse extrinsecè probabiliorem.

Instabis : præter communem opinionem Theologorum ista veritas habetur in scriptura sacra, Actorum 17. creaturæ dicuntur *in Deo esse, vivere, & moveri*. Gen. 1. *vidit Deus cuncta quæ fecerat*. Eccl. 3. *cuncta fecit*. Joan. 5. *Pater meus usque modo operatur*. Et similia Act. 4. ad Rom. 11. Isa. 26. Lege Suarez Disp. 21. metaph. Sect. 1. Valentiam Disp. 3, de Deo Creatore, &c. Respondeo : multos ex Adversarijs concedere hæc loca posse commodè explicari ; quòd Deus primordialiter omnia produxerit, cælum & terram, &c. Deinde, quòd nihil meritoriè sinè ipso agere possimus : insuper, quòd nihil fiat absque Deo permitte, & conservante ; hinc generaliter distinguo ; Ergò concurrit vel mediata vel immediata. C. semper immediata. N. vel concurrit ad omnia ex quibus in Deo imperfectio sequitur. N. ad alia transeat, quia de nullis naturalibus est necessitas : his assentit Arriaga Disp. 10. phy.

Instabis : *omnia opera operatus est in nobis*. Isa. 26. Ergò concurrit immediata ad omnes & singulas actiones nostras. Respondeo

deo non dixit: *physicè* non addidit: *immediate*, & *naturalia* & *supernaturalia*, &c

Instabis: saltem negari nequit, quod SS. Patreshoc velint intelligi de omnibus omnino immediate; hinc Hyeron. ad Pelagium: *audi ingrate Apostolum prædicantem, sive manducatis, sive bibitis, sive aliud facitis, omnia in nomine Domini agite.* Respondeo: clarum esse, quod iste Sanctus doceat, ut sint meritoria, debere fieri sic; quod & ego doceo: deinde affero pro retorsione sylvam authoritatum, quod Deus non causet peccatum, quod tamen inde sequeretur.

Instabis: authores ipsos nostræ sententiæ fateri, quod opposita sit probabilior: Ergò illa non faciet Deum peccati authorem; imò pro opposita stat totus Mundus; pro nostra Durus Durandus & Dola dolo ductus. Respondeo: si nec hi docuissent eam, me semper inclinasse; transeat esse probabiliorem extrinsecè, non intrinsecè; imò plurimi eam ex consuetudine docuerunt, & potius supposuerunt, alij ob rationes pseudopoliticas.

Instabis: S. Aug. l. 5. Gen. ad litt. absolute mentem suam sic exprimit: *qui arbitrantur cetera jam fieri ab ipso mundo sicut Deus ordinavit, & jussit; Deum autem ipsum nihil operari; contra hos profertur illa sententia*
De-

Domini : Pater meus usque modo operatur.
Joan. 5. Respondeo ad Aug. & locum ut
 suprà ; vel dico Deum coöperari moraliter
 transeat, imò in fine seipsum explicat, his
 verbis: ita dicit Apost. *tu nudum gramen*
seminas, Deus autem dat illi corpus sicut vult.
 addo: quod Aureolus dicat, suò tempore
 utramque sententiam fuisse celebrem ; &
 nunquid quondam solennis sententia erat,
 B. Virginem maculatè conceptam esse?
 quod modò pij Authores mecum horrent
 audire, tacco docere.

Instabis: ipsi Ethnici agnoverunt concursum Dei, vide Arist. 2. metaph. tex. 4.
 & in lib. Aristotelis de Theologia Ægyptiorum,
 & lib. de causis, uti eum citat Raynaudus.
 Respondeo ut suprà ; & retorqueo
 argumentum locis in probatione allatis;
 præterquam quòd ex Mirandulo constet,
 opera illa de Theol. Ægypti. non esse
 Aristotelis, sed Arabum & Saracenorum
 docentium creaturas nihil agere, quos forsitan
 impugnavit Aristoteles.

Obijcies II. omne ens creatum dependet
 immediatè à Deo *in fieri, esse, & conservari*;
 Ergò Deus concurrit immediatè physicè
 ad omnes actiones crearurarum; alias
 talis actio & effectus à tali dependentia
 excluderentur: Respondeo Distinguendo
 Antecedens: à Deo vel immediatè permit-
 tente,

tente, ac conservante, vel concurrente
Negando Antecedens, Consequentiam, ac
probationem.

Instabis: *conservare, permittere, producere, concurrere* in Deo sunt idem; Ergò si immediatè conservat: & concurrit. Respondetur interim: esse idem realiter, vel ex parte Dei & actûs. C. connotativè. N. nam Deus se solò conservat creaturas, non producit.

Instabis: Deus non minùs est prima causa, & agens, quàm primum conservans, & permittens; Ergò si immediatè conservat, eodem modò concurrit; licèt non sit idem *conservare & concurrere*. Respondeo Negando Consequentiam, nam solius Dei est conservare, & permittere, ità ut agant creaturæ quàm diu Deus vult; & cessent quando vult; at Deus virtutem agendi dedit creaturis, ac reliquit eas suos motus agere; undè tantum mediatè concurrit.

Instabis: etsi dederit creaturis virtutem agendi, non tamen solitariè, & finè concursu Dei; Ergò, &c. Respondeo: si per *solitariè* velint absque Dei permissu & conservatione. C. creaturas non agere solitariè; si verò absque concursu immediato ad actiones naturales. N.

Instabis: Deus immediatè vult actiones creaturarum: sed velle est concurrere;
Er-

Ergò, &c. Respondeo ut statim, vult voluntate permittente, & conservante; sic frequenter elides opiniatricem aliarum sententiam.

Instabis: homo v. g. est ita pura potentia passiva respectu Dei, ut nec haberet virtutem agendi, nisi à Deo; nec eam possit applicare, nisi Deus concurrat; Ergò, &c. Probatur Antecedens: humanæ voluntatis actus possunt impediri à Deo: sed non aliter, quàm subtrahendo concursum; Ergò, &c. Respondeo Negando Antecedens quoad secundam partem, & probationis Minorem: hoc enim fieri potest non conservando potentiam, vel non permittendo actum, imple enim qui dixit, & facta sunt, non permittat, neque fient.

Instabis: vel non concurreret ad actus aliquos naturales, vel ad nullos. Respondeo potissimum intelligi quòd non concurrat ad actus liberos naturales, id est, non supernaturales, v. g. malos ac indifferentes, ad primos non, quia indè in Deo sequitur imperfectio directè; ad secundos non, quia nec necessitas est, nec indirectè ab omni imperfectione absolveretur Deus; potest & de naturalibus id est non liberis intelligi, nam & ijs generali voluntate dedit agendi virtutem, quæ positis requisitis necesse actum secundum producat.

In-

Instabis: ut actus liber & naturalis non fiat, requiritur immediata Dei voluntas; Ergò & ut aliquis actus fiat. Respondeo etsi de ommissione purè libera vix teneat; Distinguendo Antecedens: requiritur voluntas prohibens. C. concursum subtrahens. N. sic ad Consequens: ut fiat, requiritur voluntas permittens. C. concurrans. N.

Instabis: *permittere, conservare*, spectant ad genus causæ efficientis; Ergò tamen Deus immediatè efficit omnia. Respondetur *primò*: meliùs spectare ad causam formalem extrinsecam: *secundò*, causam efficientem aliam esse conservantem, aliam producentem; primum Deo convenit, alterum creaturis respectu actionum naturalium; & quidem actio efficiens conservativa moralis magis est, quàm physicè causans, juxtà illud: *jussio consilium, &c.*

Instabis: nulla creatura potest esse sinè Deo; Ergò nec agere. Probatur Consequentia: *agere* enim sequitur esse. Respondeo *primò*: totum esse verum; & sic dicerem tales effectus esse sinè Deo immediatè producente; quòd si duriusculum putes, Nego Consequentiam; axioma in sensu vero significat. Nihil posse agere, quin priùs existat.

Instabis: effectus universalissimus de-
pen-

pendet à causa universalissima; sed *esse* quod accipiunt creaturæ est talis effectus; Ergò, &c. Respondeo ad Majorem: vel mediata, vel immediata. C. semper immediata subdistinguo: *esse* per creationem. C. per immutationem vel generationem. N. Cætera ex sequentibus colliges; & in Theologia idem dilatabo, ubi & solvam argumenta volentium Deum esse causam peccati; & declarabo, cur Deus possit permittere peccatum, & non ad illud concurrere, pro nunc sufficiat, permissionem esse voluntatem subsequenter, non concomitantem.

QUÆSTIO II.

An Causa Prima prædeterminet Secundam physicè ad agendum?

Dico: Causa Prima non prædeterminat secundam physicè ad agendum. Ita Sco. varijs locis cum sua & Neutristica Schola, contra Discipulos S. Thomæ hoc passu degeneres, & intelligitur celebris hæc controversia tam de causis naturalibus quàm liberis.

Suppono per *prædeterminationem physicam*, vel *præmotionem* intelligi qualitatem aliquam physicam, quam Thomistæ docent infundi causæ creatæ in actu primo

M

aliàs

Physica P. Schopen.

aliàs paratæ , in ordine ut possit ire in actum ; docent quoque impossibile esse, quòd sinè prævia tali qualitate actum secundum producere valeat , eò ipsò autem, quo qualitas hæc infusa est , infallibiliter actus secundus sequitur ; porrò non est in potestate hominis illam qualitatem accipere, nisi suppositâ generali voluntate eam semper dandi, quod addo in favorem Thomistarum explicitè : nec est in potestate creaturæ acceptam reijcere ; quæ est genuina explicatio prædeterminationis physicæ, licèt juniores quidam rigorem temperare conentur.

Probatur primò : causa creata alia est naturalis, alia libera : sed nec hanc nec illam Deus prædeterminat physicè ; Ergò, &c. Probatur Minor : imprimis non naturalem, quod sic Probatur : causa naturalis est illa, quæ omnibus positis ad agendum requisitis necessariò agit ; sed hæc non indiget tali prædeterminatione ; Ergò, &c. Probatur Minor : in exemplo v. g. ignis applicatus stramini suppositâ voluntate Dei permittente sufficiens est, & ex natura sua stramen accendet ; Ergò non indiget tali qualitate.

Respondent : esse sufficientem in actu primo. C. pro actu secundo. N. Contra : his positis actus secundus infallibiliter imò

necessariò sequitur , omni aliâ qualitate præclusâ , aliàs verè naturalis causa non esset ; Ergò , &c.

Respondent alijs terminis idem significantibus : esse sufficientem absque tali qualitate quoad virtutem applicativam. N. quoad virtutem operativam. C. sed eodem modò impugno : deinde requisita sufficientia sunt ablatio impedimentorum , permissio Dei , approximatio , &c. quid ergò fingere plura.

Probaturs deinde, quòd nec causam creatam liberam Deus prædeterminet ; causa libera est illa quæ positis omnibus ad agendum requisitis potest agere, vel non agere, hoc vel contrarium ponere, sed hanc non præmovet Thomisticè : Ergò , &c. Minor probari solet ; quia aliàs tolleretur in causis liberis v. g. homine libertas. Fateor, hæc probatio duræ est concoctionis pro stomacho catholico ; sequela tamen patet ex supposito , & explicatione præmissis ; tali namque qualitate positâ non potest non sequi actus ; Ergò potentia non manet libera.

Respondent aliqui : non manere liberam in sensu composito. C. in sensu diviso. N. sed hæc responsio facilè exploditur : nunquam aliquis operatur , nisi in sensu composito prædeterminationis juxta Ad-

verf. Ergò nunquam liberè; imò in fenfu divifo proximè juxta illos caufa nequit agere, aliàs ipfa fuperveneret.

Respondent aliter: tolleretur libertas, fi effectus neceffitate antecedenti & determinatione *de inefse* fequeretur. C. fi tantum fequenti, & determinatione *de poffibili* N. & dicunt multa fieri ex fuppo- fitione, quæ tamen funt libera. Contra: in cujus potestate non eft antecedens, nec in illius potestate eft confequens; fed præ- determinatio eft actum fecundum antece- dens, nec eft in potestate hominis eam ac- cipere; Ergò nec actus erit in potestate hominis: huic argumento alij fidunt, fed fortè nimium fi

Responderent Negando Minorem quo- ad fecundam partem: vel diftinguerent; non eft fimpliciter in potestate creaturæ eam accipere, ficut nec concursum, vel permissionem. C. ex fuppoftitione quòd Deus femel ftatuerit illam qualitatem omni caufæ aliàs ad agendum paratæ infun- dere N. Contra tamen: etiamfi ex fuppo- fitione eam poffit pro libitu habere crea- tura, non tamen reijcere; Ergò &c.

Respondent Diftinguendo Confequens: Ergò effectus fequetur infallibiliter, & fi- cut Deus vult, fcilicet liberè. C. neceffa- riò, ac aliter quàm Deus vult N. & retor- quent

quent argumentum de prædefinitione Scotistica, quàm defendo in lib. 1. sentent. Contra quidam sic: nec Deum ab æterno prædefinire antecedenter, sed concomitanter; sed malè utpotè contra Scotum, & cum Scientia Media coincidentes.

Rescripserunt mihi ex Italia; falsissimum esse decreta concomitantia esse scientiam Mediam; imò ex hoc desumi, me alterutram non debere intelligere. Contra; ego in Theol. apertissimè docebo, defensores scientiæ mediæ decretum concomitans quoque admittere, ad minus debere, nisi velint æquè duram concoctionem ac Thomistæ juxta ipsos habere. Hæc quæ dico in tenebris; aliquando prædicabuntur super tecta. Sed convertito me ad responsionem Thomistarum, quam sic impugno: necessariò sequeretur effectus, imò aliter quàm Deus vellet. Probo assumptum: Deus vult ut causa libera in actu primo omnibus ad agendum requisitis possit agere, & non agere, considerando ipsam potentiam ab intrinseco; atqui hoc tolleretur, quia qualitas est ad agendum; Ergo &c.

Respondent post Caramuelem, qualitas ista est ad agendum liberè sicut Deus vult. C. aliter N. imò sic ego respondebo oppu-

gnantibus prædefinitiones. Contra: erunt plurimæ disparitates dandæ, sufficiat ista; quod prædefinitio nihil sit intrinsecum potentia, sicut nec tollitur libertas Petro, casu quo scirem infallibiliter quid esset facturus &c. suo locò & tempore; deinde si cum prædeterminatione stante, adhuc est potestas ad oppositum, vel proxima, vel remota; si secundum, proxima libertas per eam tollitur; si primum, debet v. g. homo habere duas qualitates oppositas, unam ad agendum hoc, aliam ad agendum oppositum, imò utraque si non necessario saltem infallibiliter sortietur effectum, sicque homo aget, & non aget, faciet simul benè & malè. In his includitur quo dicunt illam qualitatem dare agere & modum liberè agendi, ac aliæ responsiones.

Probatur Secundò: quia est superflua, ex parte recipientis, ex parte entitatis, ac aliarum circumstantiarum inutiles quaestiones oriri possent, & à potiori de concursu neganda est; si enim concursus admittatur, adhuc ipsa proscribi debet; imò etsi difficile sit libertatem cum ea salvari, non tam ex hoc capite, quàm ex ineptitudine propria, & abundantia reiicienda est.

Obijcies I. Aristoteles & S. Thomas varijs

ijſ locis docent cauſam ſecundam præde-
terminari à prima, ille 8. phyſ. tex. 33. iſte
q. 7. de potentijs art. 7. Reſpondeo Ne-
gando, quòd locis ci. aliud velint, quàm
primum movens, id eſt Deum, dare ſe-
cundis moventibus virtutem agendi, id
eſt potentiam, quâ ſuppoſitâ conſervatio-
ne operentur; hinc eſt quod utriq; quo-
ad nomen ignota, quoad rem verò dicatur
contraria. Alij eos explicant de motu con-
comitanti.

Instabis: SS. Patres dicunt Deum præ-
venire, excitare, movere creaturas ad
agendum; Ergò non ſolùm Deus dat ijs
potentiam, ſed & prædeterminat. Ante-
cedens probant plurimis locis. Reſpon-
deo Diftinguendo Antecedens, & proba-
tiones: extrinſecâ prædefinitione ab æter-
no. C. Phyſicâ prædeterminatione in
tempore N. deinde illi loquuntur de acti-
bus ſalutaribus, per gratiam efficacem, de
qua alibi, non verò de naturalibus quos
examinat phyſicus. Nec dicas, illos actus
ſalutares eſſe nihilominùs liberos; Ergò &
naturales manerent liberi, & ſic potiſſima
ratio evaneſcit. Negatur paritas: quia
gratia fit efficax per coöperationem vo-
luntatis creatæ extrinſecè prædefinitæ.

Instabis: in Catechiſmo Romano Juſſu
Pij. V. edito habentur hæc verba, *Deus*

*actionem ita impellit, ut quavis causarum secundarum efficientiam non impediat, præveniat tamen, cum ejus occultissima vis ad singula per-tingat; & similia Plura P. Gonet ac alij Thomistæ conscribunt. Respondet aliquis Scotista, istum Catechismum, & libros & definitiones Cone. esse scripta à Thomistis, hoc valeat quantum licet; alij dicunt Deum prævenire prioritate à quo. C. in quo N. & hoc explicant sic, si Deus & creatura simul agant, Deus posset se solò effectum producere, & hinc dicitur prioritate à quo prius agere, nullo autem instanti neque naturæ in quo. Alij dicunt locum istum non esse de fide sed doctrinaliter positum; ego dico: quod præveniat extrinsecè. C. intrinsecè N. Nec dicas, habetur ibidem *agunt aliquid intima virtute admotum*, per intimam virtutem intelligo potentiam à Deo datam, & in omni actu agere permissam. Sic etiam dic, quando dicunt Deum dare agenti ipsum esse applicare creaturas ad operandum, excitare, determinare, movere &c.*

Obijcies II. Deus est primum movens, & creatura velut instrumentum; sed causa principalis ante actum secundum debet instrumento impulsam dare; Ergò &c. Respondeo Distinguendo Majorem; creaturam esse instrumentum improprium. C. pro-

proprium N. sic distinctâ Minore N. Consequentiam, vide quæst. de causa instrumentali.

Instabis: estò non sit proprium instrumentum creatura, omninò debet à Deo dirigi, juvari, &c. Respondent Authores defendentes concursum: directione & motu concomitanti. C. præviò N. & si stringantur, adhuc recurrunt ad prioritatem *à quo*; illum verò negantes dicunt, dirigi mediatè, extrinsecè ab æterno &c. quod superest quæst. sequenti solvetur.

QUÆSTIO III.

A qua causa proveniat determinatio effectûs quoad speciem, & individuum?

Dico: causas creatas tam naturales, quàm liberas seipsas determinare & quoad speciem, & quoad individuum effectûs. Conclusio sequitur ex præcedentibus, quoad primam partem, scilicet de determinatione ad speciem, est ferè communis; quòd verò etiam se determinent creaturæ ad individuum effectûs, est contra Poncium, Mastrium ac ejus Compendiatores &c. sensus est: quando causa aliqua producit effectum, cur potius in hac specie, quàm alia producat, v. g. cur homo potius amorem, quàm odium; & hanc determinationem adscribimus ipsis creaturis.

turis. Item cur potius hoc individuum, quàm illud producat, v. g. amor A quàm B, & hoc alijs Deo, nos quoque creaturis adscribimus.

Probatur prima pars : causæ creatæ quoad speciem nec determinantur ab increata, nec alia creata ; Ergò seipsas hōc modò determinant. Probatur Antecedens : causa necessaria imprimis nata est talem effectum fortiri, v. g. ignis ignem, & non alium ; Ergò &c. Nec dicas, eam à circumstantijs determinari. Contra : illæ sunt quidem conditiones *sinè quibus non*, at non sunt causa determinans ; in quibuscunque enim circumstantijs ponatur ignis, vel desinet esse ignis, vel ignem producet : de liberis quoque, quia ijs imputatur effectus specificus ; Ergò debent esse id, à quo determinatio proveniat ; sed ista ratio non sapit alijs : igitur

Probatur secunda pars : non tantum imputatur causis secundis effectus quoad speciem ; sed etiam individuum ; Ergò si causa secunda se determinet ad speciem, etiā ad individuum. Antecedens declaratur : non tantum meretur simpliciter, qui elicit actum virtutis, sed etiam plus meretur, qui intensiorem actum elicit ; Ergò sicut determinatio simpliciter & quoad speciem, ita & quoad individuum provenit à causa
creata.

creata. Confirmatur: ideo homo est causa peccati, quia se determinat ad speciem peccati, & ideo est causa gravis, quia ad tale individuum se determinat; aut è contra si Deus determinaret creaturam quoad speciem, juxta Adversarios foret causa peccati; Ergò si Deus determinaret ad individuum v. g. intensum, esset causa tanti peccati, juxta illud: *sicut se habet simpliciter, ad simpliciter, ita secundum quid, ad simile.*

Respondent Authores ci. Deum determinare quoad materiale individui peccati. C. formale. N. Contra est *primò* de peccatis intrinsecè malis; *secundò* si determinaret ad speciem, verè esset causa peccati; Ergò & tanti, si ad individuum; nisi dicerent in specie non esse aliud materiale, aliud formale, ut in individuo; *tertio* creatura non priùs se determinat ad speciem quàm individuum in actu secundo; determinare enim est idem quod producere; imò ex hoc capite difficile salvatur, quomodo Deus non determinet quoad speciem in opinione admittente concursum.

Respondent: Deum ad speciem conterminare, & quoad individuum determinare. Contra: imprimis utrumque falsum est ex supposito negati concursus; deinde hòc admisso, Deus quo ad individuum non prædeterminat; Ergò condeterminat æq; ac quoad speciem: ex quo Pro-

Probatur tertio: etiamsi Deus dicatur concurrere quoad speciem actûs, non tamen determinat eam; Ergò licet & concurrat ad individuum, nec ad illud determinabit. Confirmatur: *effectibus in genere assignantur causa in genere determinato*; Ergò *effectibus singularibus causa singulares determinatè ex Philos. 2. phys. addo determinato* ad præcludendam responsionem Mastrij.

Ocijcies: à causa indifferente & indeterminata, non potest produci effectus determinatus; sed causa libera in actu primo positis omnibus requisitis est indifferens; Ergò ab illa nequit determinatus effectus procedere; Ergò saltem quoad individuum deberet determinari à Deo. Ita ferè Vulpes: Major est Arist. 2. Phy. tex. 28.

Respondeo Distinguendo Majorem: à causa indifferente indifferentiâ passivâ. C. activâ N. Majorem, sic distinctâ Minore N. Consequentiam; & retorqueo, quòd nec quoad speciem se determinare posset.

Instabis: nec à causa indifferente indifferentiâ activâ potest esse effectus determinatus; quia & ipsa est verè indifferens. Respondeo præter retorsionem: Distinguendo Assumptum; à causa indifferente, & in actu primo, & secundo. C. in actu primo indifferente, per actum secundum se determinante N. In-

Instabis: licet causa creata bibera per actum secundum se determinet ad speciem, ad individuum indiget determinari, alias naturaliter effectum semel corruptum posset reproducere; quia tam ille est nihil, quam novus producendus. Respondeo Negando Sequelam; probationem explico, & dico: corruptum esse nihil sub alijs circumstantijs, quam novum; an autem naturaliter idem possit reproduci, praesertim in meis principijs, affirmativa non est improbabilis, imò & Sco. in 4. d. 43. favet.

Instabis: saltem causa naturalis nata talem specie effectum producere, debet determinari ad individuum, quia non est major ratio cur hoc, quam illud producat; ita Rubion. Respondeo Negando Assumptum; ratio remota sunt circumstantiae; proxima ipsa productio, cur enim pater generat in Africa filium Morionem, & non in Europa. nisi ob circumstantias. Nec dicas: Ergo causa naturalis determinabitur ab his. Dico remotè, at non formaliter, velut ipsa productio ac determinatio formalis, objectivè determinantur causae creatae ab objectis, activè à seipsis: Hæc censui utilia de causis dicta ad M: D:

G: N: I: D: I: C: V: M: L: O: SS:

H: A: N: S:

TRA-

TRACTATUS III.

In reliquos sex Libros Physicorum; In Libros de Cœlo, & Mundo; Generatione; & Corruptione.

CUM Animaliticam reputem velût specialem classẽ Philosophiæ, ac etiam congruentiùs de Meteoris, Elementis, &c. In distincta facultate intendam agere; reliquos physicorum libros unico duntaxat tractatu abundè comprehendam; ea quæ sunt communia suppositivè declarando; & quæ in controversiam vocari solent, uberiùs examinando; eâdem serie materiam de Cœlo ac Mundo, Ortu & Interitu sufficienter exagitabo, quantum Physico speculativo fas est. fit

DISPUTATIO I.

De Motu, Loco, & Vacuo.

PORRò ut singula debitò locò moveantur, de motu quærenda movebo, & Loco locum dabo; & nè vacuum detur in præ-

præsenti, ejus existentiam ad minus nego-
bo in universo; in Nomine Domini sit.

QUÆSTIO I.

Quid sint Motus, Locus, & Vacuum?

Dico Motus definitur, *actus entis in po-
tentia, quatenus hujusmodi*: Locus verò
est, *ultima superficies corporis continentis im-
mobilis*: Vacuum tandem dicitur, *locus ubi
nihil est, sed aptus repleri*. Hæc sunt com-
munia, unde ea potissimum suppono;

Declaratur prima pars, in qua dicitur:
quòd motus sit *actus entis, &c.* id est, quòd
sit transitus à termino *à quo* ad terminum
ad quem; porrò motum dari experientiâ
ambulantis ab uno loco ad alterum patet;
nec Zenonistæ tam motum voluerunt ne-
gare, quàm motum suppositâ declaratione
continui ab Arist. quibus facilè subscribam.

Colliges: motum pro formali esse rela-
tionem, ac proinde ad aliam categoriam
reduci, quàm mobile & terminus, contra
Lalemandetum turpiter hîc errantem,
præsertim sequendo Doctorem Subtilem:
subjectum motûs est ipsum mobile; termi-
nus verò forma, vel locus *ad quem*, à qui-
bus realiter distinguitur, uti de omni rela-
tione prædicamentali docebo. Unitas
motûs generica, & specifica desumitur à
termino *ad quem*, numerica verò à circum-
stan-

stantijs subjectum afficientibus ; proportio de contrarietate ad unitatem genericam quoad hoc est servanda.

Examinatur & definitio loci contra illos, qui docebant locum esse spatium imaginarium, vel reale, vel ipsum *UBI*; tùm quia hujusmodi spatia imaginaria sunt ficta, locus vero à parte rei, quid enim essent? nec substantia, nec quantitas, nec qualitas, nec privatio, nec relatio, ut patebit consideranti singula: si reale, vel spirituale vel corporeum? & sic quoque inquiram per omnia prædicamenta, ipsum *Ubi* verò est ratio per quam dicitur res esse in loco; Ergò ipse locus non est: Dicitur itaque primò: *ultima superficies*, cùm sit quæstio de loco immediato. Dicitur secundò: *corporis continentis*, ad insinuandum, quòd agatur de loco corporum, & quòd locatum debeat quasi intra locum teneri; additur: *immobilis*, quà talis enim moveri non potest.

Observandum est: quòd superficies sit duplex: *concava*, & *convexa*. Concava est latitudo, & longitudo illius corporis sine profunditate sumpti, quòd aliud continet. Convexa verò latitudo &c. ejus quòd continetur; in definitione data sumenda est concava, quæ est locus materialis, formalis enim dicitur ista continentia quæ ipsum *ubi* dici posset.

Ex

Ex his descriptio vacui est facilis; quippe quòd sit talis locus potens aliud continere, actu verò nihil continens, quale de facto non datur in Universo, cùm experienciâ constet, naturam horrere vacuum; unde si quis ex fistula vitrea v. g. spiritum attrahit, aqua aliàs deorsum petens, nè vacuum detur, sursum venit &c. ad experientias verò in oppositum, v. g. de lucernis undique clausis, in quibus oleum consumitur; de vase compacto firmiter & in frigore posito; ut humor contentus congeletur, &c. dico: vel debere poros & foramella esse, per quæ aër ingreditur, vel confringi; nec opus est ut talia foramella sensui clarè pateant, cùm aër sit subtilis nimium, & hinc facilem ingressum reperiatur.

Obijcies contra definitionem loci: superficies aëris ambientis turrim est locus turris, sed hæc non est immobilis, cùm flante vento facilè recedat; Ergò locus non est immobilis. Respondeo Distinguendo Minorem: hæc non est immobilis, quæ talis & quàm diu habet rationem loci. N. quæ talis. C. Nec dicas; Ergò si recedat, turris dicetur esse semper in alio, & alio loco; dico cum Sco. manere eundem locum per æquivalentiam.

Instabis: tali modò sicut turris semper
N est

Physica P. Schopen.

est in eodem loco, etiamsi aër alius numero succedat, ita & navis deberet dici in eodem loco, quia specie easdem superficies aquæ retinet quanquam pergat. Respondeo Negando illatum; quia & navis, & superficies aquæ migrant; turris autem in pede firmata retinet easdem superficies etiam numericas loci, estò aër circumvolet. Si dicas: inter locum & corpus debet esse proportio; Ergò sicùt locatum habet trinam dimensionem, ita & locus erit corpus secundum trinam dimensionem. Ita Herman. Respondeo: sufficere proportionem continentiae, non requiri æqualitatem dimensionis.

Quæres primò: quomodo projecta moveantur? Respondeo per impulsum ab agente impressum, qui impulsus non est aliud quàm virtus proijcientis pro materiali, formaliter verò ipse motus, juxta illud: *ad absolutum, &c.* Cur verò motus in fine, vel ut alij propè finem, aut planè in medio sit velocior, exponit Ruvijs: quia ab initio impulsus illè superficialiter tangit partes projecti, in medio verò & intimè per qualitatem impressam; sed libentiùs cum Philos. 8. phy. dico: quòd à virtute agentis proveniat, & in fine velocior dicitur, quia projectum est propiùs centrum, non aliter. De motu instantaneo dicam, ubi de Angelis.

Quæ-

Quæres secundò: quotuplex sit locus? Respondeo, primò dividi in locum *communem*, qui continet res diversi ordinis v. g. aër volucres; & *proprium* ac singularem qui locat unum corpus, v. g. superficies sedis in qua sedeo. Secundò in *naturalem*, & est ille, in quo locatum est cum inclinatione v. g. grave deorsùm; *violentum*, in quo locatum est contra inclinationem v. g. grave fursùm; ac *neutrum*, respectu cuius nec petit, nec renuit corpus esse locatum, v. g. attemperatum ex gravi & levi, si daretur. Respondeo, tertio, & principaliter, locum alium esse *definitivum*, alium *circumscriptivum*; primus est, quando totum est in toto & totum in qualibet minima parte, v. g. totum Corpus Christi est in tota hostia consecrata, & totum est in minima quacunque particula, qui locus corporibus divinâ virtute, spiritualibus verò v. g. animæ hominis naturaliter convenit. Circumscriptivus est; quando corpus commensuratur loco, hoc est, quando totum est in toto loco, & pars corporis in parte loci, sicut quævis naturaliter existentia corpora.

Quæres tertio: an sit possibile vacuum? Respondeo affirmativè per Dei potentiam, v. g. si Deus modo elementum aëris annihilaret. Nec dicas: tali casu corruerent cœli; hoc estò, tamen terra maneret. Sed

dicet aliquis: orbis est rotundus; Ergò illa ultima superficies orbis est vacua, vel Mundus in infinitum extensus erit, & sic tali casu illa superficies ultima terræ nihil contineret, nisi aërem vel aliud imaginariè. Respondeo: quòd ultima superficies orbis mutuò contineat illam à qua continetur, vel ibi esse vacuum extra universum. Ad casum autem positum posset & Deus coelos conservare sicut accidentia sinè subjecto; imò à potiori; tum quia coeli minùs ab aëre vel igne; v. g. dependent, tum quia adhuc foret medium privativum.

QUÆSTIO II.

An duo corpora possint esse simul in eodem loco?

Dico: supernaturaliter fieri posse, quòd duo corpora sint in eodem loco. est Sco. in 4. d. 49. & alibi ac Catholicorum contra varios Hæreticos.

Probatùr Primò: ab actu ad potentiam valet consequentia, sed; Ergò. Minor Probatùr: Christus illæso Virginis Imm. uterò natus est; clausò sepulchrò surrexit; clausis januis intravit.

Respondent aliqui: ut videre est apud Dominum Isendorn Professore Hadervecenum; clausis januis intrasse, sed per

per fenestram vel aliud foramen; sed hæc sunt ludicra nec merentur confutari.

Respondet ci. Author januis clausis; id est vesperi ac serò intrasse; sed etiamsi apparentiam habeat hæc responsio pro prima apparitione. Joan. 20. non item alterâ vice; cur enim timuissent ac spiritum credidissent? deinde sunt & alia exempla.

Probatur Secundò: ratio cur duo corpora naturaliter non possint esse in eodem loco, est quantitas expellens aliud corpus; sed Deus potest impedire, quòd unum corpus aliud non expellat; Ergò potest facere ut duo sint simul. Major constat experimentò de habentibus distinctas quantitates, undelicèt albedo & dulcedo sint simul, tamen sunt in subjecto habente eandem quantitatem. Minor Probatur: expellere aliud corpus fit in genere causæ efficientis à quantitate, vel est effectus formalis secundarius ejusdem; sed Deus utrumque potest impedire; Ergò &c. Probatur Major: quia effectus formalis primarius quantitatis est, habere partes extra partes, vel alius in metaph. declarandus. Minor patet ex dictis; Deus enim nolens permittere talem actum secundum, vel expulsionem actuale[m] dicitur impedire eam.

Obijcies I. Deus nequit supplere effectū

N 3

causæ

causæ formalis, sed quòd unum corpus expellat aliud, est effectus formalis quantitatis; Ergò nec per Deum id impediri potest; Ergò nec duo corpora esse in uno loco. Respondeo Distinguendo Majorem: effectum primum nequit &c. C. secundarium N. Majorem; sic distincta Minore, Nego Consequentiam.

Instabis: quòd unum corpus expellat aliud, est effectus primarius quantitatis; Ergò &c. Probatur Antecedens: tum quia alius non videtur; tum quia occupare locum divisibiliter est passio. Respondeo Negando Antecedens, & pro nunc pono illum, quòd ratione quantitatis habeat partes extra partes, v. g. licet corpus Christi in Eucharistia non existat divisibiliter, tamen caput Christi non est collum, nec hoc manus &c. adeoque sicut ibi impeditur iste effectus, quòd divisibiliter existat, ita & impediri potest actualis expulsio.

Instabis: licet expellere corpus sit effectus secundarius, tamen impediri nequit, sicut nec risibilitas in homine. Respondeo: non posse impediri quoad actum primum. C. quoad actum secundum N. Nec dicas: actus secundus risibilitatis naturaliter potest impediri; Ergò & quantitatis, & sic naturaliter duo corpora possent esse in eodem

dem loco. Negatur paritas ; quia potentia ridendi est per participationem libera, quantitas verò naturaliter, id est necessario agit, nisi Deus impediat.

Instabis: quantitas est impenetrabilis in actu primo ; Ergò in actu secundo penetrari nequit. Probatur Consequentia: aliàs actus secundus repugnaret primo ; sicut nec rationale in actu primo, potest habere actum irrationalem in actu secundo. Respondeo Negando Consequentiam, & sequelam ; quia quòd quantitas penetretur, hoc ab extrinseco scilicet Deo impediendo oritur ; nec valet paritas, sed si diceret rationale posse suspendere actum secundum ratiocinandi.

Instabis: sequeretur, quòd quantitas haberet duas proprietates contradictorias ; primò enim haberet aptitudinem expellendi ; deinde aptitudinem non expellendi. Respondeo homo potest facere, & non facere ; at quantitas necesse expellit, nisi agens supremum impediat ; hinc licet sit non libera ratione sui, potest tamen expellere & non expellere per potentiam obedientialem ; sicut & in actu secundo dicitur impenetrabilis respiciendo potentiam naturalem, penetrabilis tamen per supernaturalem.

Obijcies II. ex hoc sequeretur, eundem locum

locum esse bis plenum ; item esse plenum & non plenum ; imò & eundem effectum provenire à pluribus causis totalibus ; & similia absurda. Respondeo ad singula , & dico : esse bis plenum respectu duorum. C. unius N. alteram sequelam nego ; quia *Non plenus* significat nullo modò esse plenum ; cum negatio sit malignantis naturæ ; vel dico : esse plenum ab uno corpore respiciendo potentiam naturalem , & non plenum respectu obedientialis : ad tertium dixi tractatu præcedenti.

Instabis : essent duo corpora ut supponitur , & non essent duo , ut probatur : punctum cum puncto non facit majus , sed illa corpora penetrata se haberent ut puncta ; Ergò &c. Respondeo Negando illatum ; Probationem alij distinguunt dicentes : non facere majus vel duo quantitativè. C. entitativè N. sed nihil ad rem ; Majoris falsitas patebit de Continuo ; & certè in hoc casu utraque quantitas manet , licet sine effectui secundario. Si dicas : duæ superficies naturaliter penetrantur. Respondeo : esse quidem simul se tangendo ut duo contigua , at talis simultas non facit penetrationem , sicut nec duo puncta in diversis locis proportionatis.

QUÆ.

QUÆSTIO III.

An unum corpus possit simul esse in duobus locis?

Dico: etiam divinitus fieri posse, quòd unum corpus possit esse circumscriptivè in duobus locis. Ita Sco. in 4. d. 10. & 11. cum suis: contra Thomistas, qui cum omnibus Catholicis tamen admittunt unum corpus posse esse in uno loco circumscriptivè, & simul in alijs locis definitivè; ut patet de corpore Christi in cœlo circumscriptivè, & sub hostijs definitivè existente; est & contra Hæreticos utrumque negantes: supponit autem conclusio naturaliter idem corpus non posse in pluribus locis adæquatis, de quibus est quæstio. Nunc

Probatur Primò: Christus apparuit post ascensionem Paulo, S. Francisco, & alijs Sanctis viris, ut piè creditur; Ergò fuit in duobus locis circumscriptivè, scilicet in cœlo & in terra.

Respondent: tali casu Christum cœlos deferere; sed hoc omninò improbabile videtur, & contra illud act. 3. *quem oportet cælum suscipere usque in tempora restitutionis omnium &c.* Et datò, quòd his explicatio adjungi valeat; pura divinatio fundamentum est hujus recessus è cœlo. Confirma-

tur ab alijs de S. Antonio, Ambrosio &c. qui referuntur fuisse replicati; sed ad hæc subridendo vel dissimulando tacitè dicunt: se ea non credere; at ista est responsio occasionem dans cavillandi & alia exempla; de his alibi.

Probatur Secundò: idem corpus potest esse in uno loco circumscriptivè & in alijs locis simul definitivè, ut patet de Christo; Ergò & idem corpus circumscriptivè replicari poterit. Probatur Consequentia: primus casus continet duo miracula; alter unum; Ergò si primus est possibilis, erit & alter: declaratur Antecedens; quando corpus Christi replicatur, miraculosè, simul est in duobus locis, & miraculosè est indivisibiliter ac definitivè sub hostijs; imò priùs est esse in duobus locis, quàm sic vel sic; ex quo patet replicationem quoad rem esse Deo possibilem; Ergò etiam quoad utrumque modum, nisi specialis repugnantia afferatur.

Respondent massam rerum, quæ significat hoc unicum, Deum posse quidem corpus replicare, & etiam definitivè, & implicare contradictionem in modo circumscriptivo, sed hoc videbitur in objectionibus. Porro observandum est: quòd Christus etiam in Eucharistia habeat quantitatem, licèt effectus secundarij sint impediti, v. g. extensio localis &c. Obij-

Obijcies I. implicat mutari essentiam loci circumscriptivi ; sed hæc tali casu mutaretur ; Ergò &c. Probatur Minor: de ratione loci circumscriptivi est comprehendere locatum , & esse ei adæquatum ; sed hoc mutaretur ; Ergò &c. Respon-
de Negando Minorem : probationem distingo ; si per *comprehendere locatum* velint, quòd totum locatum sit intra terminos loci, id est, totum in toto , & pars in parte ac hõc modò esse ei adæquatum. C. si verò velint, esse ita hìc ut nec divinitus alibi N. & retorqueo, quòd nec definitivè alibi esse posset, quæ retorsio frequens erit.

Instabis: comprehenditur locatum sic à loco circumscriptivo , ut nec divinitus esse alibi possit ; quia corpus continetur in eo velut termino. Respondeo esse terminum respectu potentia naturalis. C. obedientialis N. sic explica Aristotelem 4. phys. 5. metaph. &c.

Obijcies II. de essentia quantitatis est reddere corpus aptum ad extensionem ; Ergò si naturaliter non est aptum ad duplicem extensionem , nec supernaturaliter huic essentia aliquid addi potest. Respon-
deo transeundo Antecedens, Distinguendo Consequens ; Ergò si naturaliter non sit aptum , nec aptitudine respiciente potentiam naturalem, nec aptitudine respicien-
te

te potentiam supernaturalem. C. solâ aptitudine respiciente potentiam supernaturalem. N. & dico: naturam in actu primo esse, quod possit extendi juxta activitatem locantis, id est agentis, à quo ponitur hōc vel illō, aut hōc & illō locō.

Instabis: non est aptum aptitudine respiciente potentiam & naturalem, & supernaturalem ad extensionem in locis infinitis, si darentur; Ergo nec ad extensionem duplicem, cum sit eadem ratio de duobus, tribus ac infinitis. Respondeo Negan- do Antecedens; præterquam quod & retorqueri possit. Si dicas tale corpus fore immensum. Respondeo: dependenter à Deo transeat; independenti immensitate, quæ est attributum Dei. N. assumptum.

Instabis: creatura nequit dici dependenter vel contingenter omnipotens; Ergo nec ubique locata. Respondeo Negan- do paritatem; quia primū faceret hominem v. g. virtute activā summè perfectum; at ista locatio est creaturæ se passivè habentis.

Obijcies III. tale corpus esset indivisum ut supponitur, & divisum, quia distans à seipso; sed hæc implicant; Ergo, &c. Respondeo ad sequelam: esset divisum & indivisum entitativè. N. indivisum entitativè & divisum quantitativè. C. non quasi me-
dia

dia quantitas hic, & alia medietas alibi foret, sed quia eadem quantitas duas extensiones haberet.

Instabis: si quantitativè esset divisum, deberet etiam entitas dividi, vel saltem ipsa quantitas multiplicari, sed hoc dici non potest; Ergò, &c. Probatur sequela; non multiplicatâ formâ non multiplicatur effectus, neque primarius, neque secundarius; sed habere extensionem est effectus quantitatis saltem secundarius; Ergò, &c. Respondeo Negando sequelam; probationis Majorem de effectû primario. C. de secundario Subdistinguo: non multiplicatâ formâ nec entitativè, nec localiter. C. non multiplicatâ quoad entitatem, benè tamen quoad locum. N. Majorem; ad Minorem dico quantitatem imò & corpus multiplicari localiter: retorsio æquè hic manet.

Instabis: non potest localiter dividi aut multiplicari, nisi & entitas, & quantitas multiplicetur: Ergò, &c. Probatur Antecedens: tale corpus ponatur Romæ, & Pragæ; sic plurimæ aliæ quantitates, & entitates intercedent; Ergò non erit eadem entitas, ac quantitas Romæ, & Pragæ. Respondeo Negando Antecedens: & probationis Consequentiam; quia non sufficit ad divisionem quantitatis quælibet interpositio aliarum; sed interpositio inter hanc &

& aliam, non autem replicatam, aliàs nec idem Christus esset Romæ & Pragæ; imò & independenter à fide defenditur, supposito quòd anima rationalis ratione detur, & spiritualis habeatur tota in toto & tota in omni parte.

Obijcies IV. ex hoc sequerentur plurima absurda, & paradoxa; unum hominem v. g. posse facere integrum exercitum, sibi ipsi obviare, choreas ducere, imò una gutta posset extendi donec mare faceret, arenula montem, &c. Respondeo: hæc omnia concedendo Divinæ potentia, neq; tamen potentia obedientialis erit in quolibet, cum hic ubique virtus inchoata appareat; & licet sensui videantur contraria, reverà tamen ratio præsertim juncta fidei hæc possibilia agnoscit; & si pro servitute ac alijs relationibus non forent extrema distincta entitative, ac fortè formaliter, tamen localiter, & virtualiter.

Instabis: bos posset talem guttam in uno loco bibere, in alio non bibere, &c. Sed hæc sunt contradictoria; Ergò, &c. Respondeo Negando Minorem; *bibi* quidem & *non bibi* contradicunt, at *bibi hoc loco* & *non bibi* ista sunt compatibilia. Si quæras: an tale corpus replicatum haberet easdem formas? dico absolutas, & independentes à loco, non autem ad locum relativas.

In-

Instabis : ponatur unus homo Romæ & Pragæ ; hic peccet, ibi benè vivat ; poterit suspendi ibi , & hic non, imò si utroque loco moreretur posset venire ad cœlum, & ad infernum , sicque beatus & inœelix esset. Respondeo hæc omnia vera esse : nunquid in uno loco Christus dignè sumitur, in alio indignè eodem tempore ; mors est malis, vita bonis ; & cætera retorzione factâ fient facilia ; deinde Deus non operabitur , nisi juxta sapientiam altissimam. hæc ex 3. 4. & 5. libris physicorum.

DISPUTATIO II.

De Infinito , Continuo, & Duratione.

Supereſt ex octo libris physicorum agere de Infinito &c. Quæ materiæ licet ordine ſint poſtremæ , difficultate tamen ſunt facilè principes, ſed & ex labyrintho amœnitas hauritur, & admirandi campus ſumitur.

QUÆSTIO I.

Quid & quotuplex ſint Infinitum, Continuum, & Duratio?

Dico : Infinitum dicitur eſſe id, cujus ſemper eſt aliquid accipere extra : Continuum verò, cujus partes ad aliquem terminum communem copulantur : Duratio tandem non

non est aliud, *quam existentia rei durantis connotans respectum aliquem ad durationem extrinsecam.* Hæc quoque sunt communia, licet durationem variè explicent, unde nec istis probandis multum immorabor.

Declaratur definitio Infiniti; quam etsi Sco. soli Syncategorematico adscribere videatur, tamen & alteri adaptari potest; porro significat infinitum esse entitatem talem, quæ habet tot partes, ut si quamcunque demas, semper & semper alia demenda restet: & hujusmodi entitas vel infinitum duplex est, *Categorematicum, vel infinitum in actu; Syncategorematicum, vel infinitum in potentia*, primum est talis entitas actu illas partes possidens, v.g. si actu esset numerus hominum infinitorum; alterum est talis entitas, quæ quidem actu non habet tot partes, sed in potentia v.g. possibilis est numerus infinitorum dierum, quâcunque enim die præteritâ, semper & semper, alia & alia dies est possibilis; & tale infinitum Syncategorematicum dari, facile conveniunt omnes, de priori quæremus signatè: interim utrumque subdividendum est *in infinitum in multitudine vel numero; & in infinitum in extensione vel magnitudine*; ac tandem *in infinitum in intensione*: per primum intellige ens tot numeris constans, ut si demas, quot ullus intellectus capere

pere potest, semper & semper alius numerus accipiendus restet; si actu illis numeris constet, erit Categorematicum in numero; si verò potentiâ, Syncategorematicum. Per secundum intellige ens tot partes quantas v. g. longitudes habens, ut si demas, quot, &c. Per tertium intellige ens tot gradus qualitatis habens, ut si demas, quot, &c. Nec dicas infinitum ab intellectu finito definiri non posse; id duntaxat quoad modum, non quoad rem verum est.

Examinatur Descriptio Continui, quod dicitur esse *quantitas, cujus partes ad aliquem terminum communem copulantur*, id est quantitas ejusdem rei numericæ, unde si compositum physicum sit proximum alteri specie vel numero distincto, eidem dicitur esse contiguum, quia non est terminus communis, id est numericus ea ultrò copulans, v. g. prima & ultima pars mensæ est continua mediantibus, quia omnes istæ quantitates partiales, unam totius mensæ integrant, mensa verò aëri tantum est contigua. An verò duo lateres mediantē calce sint continui, vel contigui; dic posse continuos dici, quia calx & lateres sunt unum in ratione partis integrantis parietem. Nec dicas tali modò, & ferra & lateres

O

Physica P. Schopen.

teres fore continua. Negatur paritas, habent enim maiorem connexionem priora, præsertim considerando sensibilia terrea ex quibus fiunt. Continuum aliud est *permanens*, cujus partes simul existentes copulantur ad aliquem terminum communem, v. g. longitudo mensæ; aliud *successivum*, cujus partes sibi succedentes sic non copulantur v. g. hora constans momenti non simul existentibus; Cæterum de longitudine, latitudine, profunditate, superficie, corpore, &c. plura ubi de prædicamento quantitatis.

Explicatur, & Probatur Definitio durationis intrinsecæ, v. g. duratio mensæ; dico: quòd aliud non sit, quàm ipsa existentia mensæ cum respectu ad tempus extrinsecum, id est, motum sphaeræ Solis vel Lunæ, non naturalem, sed istum quo rapitur Sol vel Luna à Primo Mobili; & si Sol vel Luna amplius non essent, res existens adhuc connotaret respectum rationis ad tempus extrinsecum imaginarium: quòd autem duratio sic optimè explicetur, patet ex eo, quòd nec sit negotio definitionis; aliàs esset negatio negationis, quæ est positio affirmationis; nec mensura, quia hæc dicit ordinem ad intellectum actu vel potentiâ certificans eum de re ignota, duratio verò rei est independens ab omni ope intel-

intellectus; nec aliud superadditum v. g. modus &c. Ergò, &c. Confirmatur: quia loquor de duratione rei intrinseca. Dividitur autem Duratio in tres classes, Æternitatem, Ævum, & Tempus. Æternitas est *existentia rei permanentis indefectibilis, connotans respectum ad tempus extrinsecum reale, & imaginarium*: & hac duratione per se solus Deus existit, hinc est illud Boëtij, *æternitas est interminabilis vita tota simul & perfecta possessio*. Ævum est *existentia rei permanentis defectibilis connotans, &c.* Et duratione ævi persistunt, angeli, animæ, & omnia materialia permanentia. Tempus demum est *existentia rei successivæ defectibilis, dicens ordinem ad tempus extrinsecum*, quod & mensura dici potest; & hac duratione existunt successiva v. g. cursus, ambulatio, &c. circa duo prima passim conveniunt, si quid est contra durationem, sic

Obijcies: Duratio pertinet ad aliud prædicamentum, quàm res durans; Ergò nequit esse ipsa existentia rei. Respondeo Antecedens esse verum de extrinseca, non de intrinseca; sic etiam dici esse mensuram.

Instabis: Duratio intrinseca potest separari à re durante; Ergò & ipsa ad aliud prædicamentum pertinet. Antecedens declaratur: res existens hodie amisit existentiam hesternam, &c. Respondeo Ne-

gando Antecedens: vel illud cum probatione & similia plura solvo hac distinctione: durationem intrinsecam distinguì à re durante, secundùm id quod connotativè & in obliquo importat. C. formaliter & in recto N.

Instabis: corpus formaliter distinguitur ab eo, quo est in loco; Ergò & res durans ab eo, quo dicitur durare; Respondeo Negando paritatem; quia ad diversitatem loci sufficit mobilitas rei, at non ad diversitatem durationis intrinsecæ. Pro alio argumento sciendum est: æternitatem esse quidem attributum Dei, prout à nobis explicatur; realiter tamen est idem cum existentia, imò & formaliter penes id quod in recto importat.

Quæres: per quid res dicatur incipere, & desinere? Respondeo; duplicem esse modum incipiendi rerum, & desinendi: primus modus incipiendi explicatur *per primum esse rei*, id est, *jam res est, immediate ante non erat*: secundus modus incipiendi explicatur *per ultimum non esse rei*, id est, *jam res non est, immediate post erit*. Sic etiam primus modus desinendi dicitur *esse ultimum rei*, id est, *jam res ultimò est, immediate post non erit*: alter modus desinendi dicitur *primum non esse rei*, id est, *jam res non est, immediate ante erat*.

QUÆ

QUÆSTIO II.

An sit possibile infinitum Categorematicum?

Dico: quanquam de facto nullum infinitum categorematicum præsertim positivum ac absolutum detur, imò nec dari possit per Divinam Omnipotentiam in hac, vel illa serie rerum, possibilia tamen sunt infinita indivisibilia categorematicè. Conclusio sic proposita à nemine hætenus est visa; continet autem tres partes, quarum prima est: quòd de facto nullum detur categorematicum, & in hoc omnes conjurant: additur tamen *præsertim positivum, ac absolutum*, ob difficultatem in quadam objectione solvendam. Secunda pars conclusionis est: quòd nec sit possibile infinitum categorematicum in certa serie, v. g. infinita substantia, quantitas, qualitas &c. & hæc quoque frequentior est, contra nonnullos facientes quæstionem de nomine, quos proinde Nominales vocant, defendunt enim infinitum dari, & ad rem deveniendo id ipsum limitant. Tertia tandem pars meò judiciò videtur tolerabilis; & dicere volo: quòd Deus possit indivisibilia omnia spiritualia & sensibilia producere simul & semel numero infinita,

ta, in quibus omnia omninò quæ sunt, fuerunt, & esse possunt comprehenduntur.

. Probatur quoad primam & secundam partem: si esset, vel dari posset infinitum Categorematicum in certa serie, foret v. g. infinita multitudo; sed hæc est impossibilis; Ergò &c. Probatur Minor. infinita multitudo, v. g. hominum vel litterarum esset infinita, ut supponitur, & finita ut probatur; quia essent plures pedes quàm homines, & in litteris essent plura puncta; Ergò talis multitudo implicat.

Respondent Negando suppositum: quòd detur majus, vel plus infinitò, & has comparationes omitti debere. Contra: hoc verum est, sed hinc colligo ipsum impossibile esse; quia revera quilibet homo haberet partes, capillos &c. Ergò essent plura ipsò, & non essent.

Respondent: esse plura materialiter. C. formaliter N. & dicunt, tali casu fore infinitos capillos, infinitos pedes, venas, & unum infinitum esse majus materialiter in sua serie, at non formaliter. Contra: hæc sunt mera verba, formaliter erunt plura; quod sic Probo: homo habet & materialiter, & formalissimè plures digitos, capillos &c. quàm manus: Ergò illi infiniti homines formaliter haberent plures partes.

Confirmatur: quacunque multitudine positâ (nisi sit indivisibile) sunt plura constituentia; item si esset infinita quantitas, plura erunt puncta. Nec dicas: licet non sit infinitum in multitudine possibile, tamen in extensione vel intensione. Contra: si esset talis quantitas deberet omnium corporum, quæ sunt, fuerunt, & possunt esse, una longitudo, latitudo, & profunditas fieri; sed hoc non videtur posse fieri, ut hæc omnia constituent unum corpus mathematicum; Ergo &c. Major patet: aliàs illi quid addi posset. Minor Probatur: tum quia hæc quantitas unum subjectum non haberet, & si conservaretur sine subjecto locum non haberet; & si dicas: fore in spatio imaginario sicut ultima mundi superficies; ipsa non esset una, nisi unitate contiguitatis, & sic plures quantitates resultarent; quia continentur quantitates omnium corporum possibilem: de qualitate verò et si darentur caloris gradus, v. g. adeò intensi, ut nec Deus ultrò intendere posset, neque tamen esset infinitum in ratione qualitatis, nec in ratione caloris, aliàs & comprehendere deberent omnes qualitates, & calores posibles, quæ unquam in ullo subjecto fuerunt.

Respondere possent: talem qualitatem fore omnibus his æquivalentem, & infinitis

ties ea excedentem ; Contra: talis qualitas, v. g. calor deberet habere proportionatam activitatem, resistantiam, subiectum, passum &c. sed hæc esse nequeunt, nisi omnia omninò possibiliter existerent, ut in probatione tertiæ partis dicam : Ergò &c.

Probatur adhuc ab alijs: quia esset Deo æquale ; quia Dei virtus exhauriretur ; quia omnis creatura debet habere terminum &c. sed hæc inefficacia esse, infra patebit.

Probo tertiam partem : Deus cognoscit infinita ; Ergò illa producere potest. Probatur Consequentia : Deus est tantæ activitatis & potentiae, quantæ scientiæ ; Ergò &c. Retorquere possent statim : Deus cognoscit infinitos homines : Ergò & illos producere posset ; sed Nego Antecedens ; quia licet cognoscat tot homines, quod noster modus imperfectus concipiendi designat per semper, & semper plures, & plures possibiles, hos tamen numerò pauciores, quàm v. g. pedes, ipsa veritas omninò agnoscit, unde etiam est falsum quòd alij communiter supponunt in omni serie esse infinitum syncategorematicum possibile.

Respondent alij : Deum cognoscere infinita possibilea collectivè N. divisivè, C. sed

sed Contra : non addo possibilia ; sed arguo sic : Deus unicô actu formaliter simul & semel novit omnia indivisibilia esse infinita ; sed eadem producere potest ; Ergò &c.

Respondent Distinguendo Minorem : successivè, & divisivè. C. simul & semel N. idem alijs verbis sic assertur : potentiam esse tantam , quantam scientiam ex parte Dei. C. ex parte rerum N. quia docent infinitum implicare in creaturis ex parte limitati entis. Contra : non repugnat , quòd omnia indivisibilia realia, & formalia, spiritualia, & materialia , & sensibilia fuissent ab æterno facta, per æternitatem conservata , imò non tantum permanentia , sed & successiva coexistere potuissent infinito tempori extrinseco imaginario ; Ergò simul & semel fuissent infinita indivisibilia.

Confirmatur : nulla sequitur contradictio ex infinitis indivisibilibus ; imò si quis cum Aristotele docuisset Mundum fuisse ab æterno ; alium non esse possibilem , ut quidam tradunt ; ac tandem perpetim mansurum ; talis actu infinitatem indivisibilium omnia constituentium poneret ; ex parte Dei enim non repugnat utpote Omnipotentis, nec ex parte entium , quia his nihil addi posset , cum forent omnia,

O s

quæ

quæ modò sunt , fuerunt , & esse possent
perullam potentiam.

Obijcies I. contra primam partem : da-
tur infinitum syncategorematicum ; Ergò
etiam categorematicum. Respondeo Di-
stinguendo Antecedens : in omni serie re-
rum N. Antecedens , vel secundùm no-
strum imperfectum concipiendi modum
transeat , in aliquo genere v. g. indivisi-
bilibium. C. sed Nego Consequentiam.

Instabis : reverà plures , & plures dies
sunt possibiles sinè fine : Ergò syncatego-
rematicè infiniti. Respondeo Negando
Consequentiam ; quia estò tot dies sint
possibiles , plures tamen horæ , consequen-
ter solum dies infinitos arguit imperfectus
ac erroneus conceptus.

Instabis : saltem aliquod infinitum syn-
categorematicum datur ; Ergò & catego-
rematicum. Probatur sequela ; de facto
dantur omnium istorum indivisibilium
privationes ; Ergò cùm illa sint infinita
possibilia , erunt actu infinitæ privationes :
sic alij inferunt in materia habente unam
formam esse privationes infinitas. Re-
spondetur Primò , inferri tantùm infinitū
categorematicum privativum , vel respec-
tivum. Secundò Negando sequelam ;
Probatio Distinguitur ; dantur privatio-
nes activæ. C. passivæ N. hoc est , forma
men-

menſæ, v. g. ſe ipſâ eſt negatio aliarum formarum abſentium. Tertiò aliqui dicunt negationes illas nihil eſſe, ſed fortè nulla harum reſponſionum ſufficit, minùs ibi eſſe tantùm infinitas ſyncategorematicè; in ſententia docente indiviſibilia de factò patet aliqua dari, nec proinde eſſe negationes omnium, & ſi nulla forent indiviſibilia, nec ullæ negationes extra ſubjecta; elige quod placet.

Objicies II. contra alteram partem: omne ens reale, eſt poſſibile, ſed infinitum in omni ſerie eſt reale; Ergò &c. Probatur Minor. infinitum ut ſic eſt reale; Ergò & in quacunque ſerie. Antecedens patet ex definitione objectiva. Reſpondeo Negando Minorem. Probationis Antecedens Distinguo: eſt reale, id eſt habet conceptum objectivum ſui idealiter exiſtenter. C. phyſicè N. Antecedens & Conſequentiam, quia hic definitur ut oſtendatur ipſum non dari.

Instabis: peccatum eſt infinitæ malitiæ, unio Hypoſtatica, gratia Chriſti ſunt infinita; Ergò quaſi in omni genere datur infinitum. Reſpondeo Distinguenſ Antecedens, & dico: hæc eſſe infinita moraliter, & quidem extrinſecè. C. phyſicè ac entitativè. N. de poſteriori loquimur.

Instabis: exiſtunt entia phyſicè finita;
Ergò

Ergò ad minus physicè infinita erunt possibilia; nam positio unò oppositorum, & aliud poni potest; sic etiam aliqui inferunt: datur infinitum privativum: Ergò & positivum.

Respondeo Negando Consequentiam; axioma valet de his, quæ specialem non involvunt repugnantiam; & de oppositis privativè, si enim est forma, poterat esse privatio illius; at infinitum est terminus negans omnia limitata; cætera ad summum Syncategorematicum inferunt.

Obijcies III. contra infinita indivisibilia: hæc essent infinita ut supponitur, & non essent ut probatur; quia essent plura latera, & respectus continuationis, cum quodlibet habeat duo latera. Respondeo Negando secundam partem; ad Probationem Nego suppositum: quod de solis indivisibilibus continui loquar; quia & indivisibiles angelos & animas includo, non tantum existentes, sed & possibiles; deinde vel illa latera & respectus putant esse entitates physicas distinctas: & hoc falsum est; si verò formales, adhuc & ipsa sunt indivisibilia.

Instabis: tali modo potentia Dei exhausta foret, & sequeretur Deum non posse aliquando plura producere. Respondeo Negando utramque sequelam; cum enim

in

in Deo sit idem produxisse & producere, nihil horum sequeretur; imò retorqueo: quòd nec ad intra respectu Filij potentia Patris sit exhausta, nec valet, aliquando non posse producere Filium.

Instabis: saltem ex parte creaturæ repugnat productio infiniti; cùm esset Deo æquale hoc ens creatum, & independens, æternum, &c. Respondeo Negando assumptum, cum sequelis; quia adhuc Deo posterius esset saltem naturâ; item æternum dependenter à Deo & non ex se; plurima alia adducuntur, quæ benè probant, non posse dari aliquod infinitum in determinata classe, at omnes creaturas possibiles simul & semel esse non repugnat. Si dicas, quomodo indivisibilia successiva simul erunt? Respondeo: sicut modò per totam æternitatem imaginaria; nam per *simul* & *semel* non intelligo unò instanti, sed æternè & à parte ante, & à parte post, sicut de Mundo ab æterno posito dicebam.

QUÆSTIO III.

An Continuum componatur ex solis indivisibilibus?

Dico: Continuum componitur ex Solis indivisibilibus. Ita cum Zenonistis contra modernos philosophos positivè sentio; tum quia ex solis partibus componi multò est

est difficilius ; tum quia ex partibus partim, & partim ex indivisibilibus est duplò intricatius.

Sensus Quæstionis est : an continuum v.g. linea aliqua vel latitudo componatur ex partibus talibus, quæ semper & semper dividi possunt sinè fine ; an verò tandem deveniatur ad puncta, id est entitates indivisibiles ; primum alij, secundum ego tuebor ; tertio locò sunt illi, qui docent componi ex partibus, & intra quascunque partes esse punctula continuantia, & versus extremitates terminativa ; sed contra hos & illos.

Probatur primò ; continuum aliud est permanens, aliud successivum, sed nec hoc, nec illud componitur ex partibus (si vè solis si vè punctis additis) Ergò, &c. Probatur Minor ; primò non permanens v. g. lignum palmare ; Ergò, &c. Probatur ; si tale lignum componeretur ex partibus, foret tam magnum, quàm lignum tripalmare, imò quàm altissima arbor, mons, imò tantum, ac totus Orbis, sed hoc est paradoxum : Ergò, &c. Probatur sequela : haberet enim æquales partes ; Ergò esset æquè magnum. Probatur Antecedens ; haberet partes in infinitum sinè fine verè sinè imperfecto concipiendi modo indivisibiles, sed plures non habet Orbis : Ergò, &c. R.

Respondent ad sequelam Distinguendo Probationem; haberet partes indeterminatas, ac proportionales æquales. C. determinatas, & aliquotas. N. quasi dicerent: lignum palmare non habere actu tot partes, sicut arbor; sed æquè multoties ipsum posse dividi ac arborem, imò alam muscæ ac totum mundum. Contra: lignum palmare haberet actu tot partes determinatas, ac arbor altissima; Ergò, &c. Probat Antecedens: non potest corpus dividi in partes essentielles, nisi actu ex ijs componatur, nec in partes integrales, nisi & ipsas actu possideat: Ergò nec in tot partes, nisi actu tot partibus constet. Confirmatur: non potest aliquis duos pedes dividere à corpore, nisi illud corpus actu habeat illos, nec aliquis ex panno potest habere sex ulnas, nisi iste pannus actu sit sex ulnarum; Ergò nec continuum potest dividi in infinitas partes, nisi ijs actu constet, ac proinde æquales toti orbi habeat.

Respondent, & recalcitrant dicendo idem per idem: in Orbe & arbore esse plures partes in infinitum divisibiles, quàm in ligno palmari. Contra sic in forma arguo; vel lignum illud potest dividi toties, quoties arbor & omnes ejus partes, imò & quoties partes hujus mundi & mundorum possibilium, vel non; si secundum; tandem
ad

ad indivisibilia devenietur ; si primum ;
Ergò palmare habebit æquales partes.

Respondent illi adhuc idem : habere
æquales indeterminatas. C. determinatas.
N. Contra confirmo priora ; lignum sex
ulnarum , & pannus sex ulnarum sunt de-
terminatè æqualia , quia habent ulnas æ-
qualiter mensurantes ; Ergò arbor & li-
gnum palmare erunt determinatè æqua-
lia, quia habent partes infinitas ipsa consti-
tuentes. Si rursus dicant, in priorī exem-
plo esse actuales , hīc potentiales ; replico :
divisionem supponere partes actu existen-
tes , cū ipsa nec det *esse* , nec tollat *esse*
partium , sed est illud , quo una pars sepa-
ratur ab alia ; nunquam enim pars quā ta-
lis dividitur , sed totum.

Confirmatur adhuc ; angelus incipiat
dividere hanc litteram I. Deus verò arbo-
rem, ambo dividant per mille annos, quis
diceret hoc punctum . Mathematicum
jam toties divisum, imò & millesimam par-
ticulam toties adhuc dividi posse, quoties
mons & montes , Orbis, & Orbes.

Respondent : hæc sensibus mirabilia vi-
deri , sicut & unum corpus posse esse in
millenis locis ; at non rationi. Contra :
corpus miraculosè locatur , at hoc natu-
rale est tali litteræ , quòd licet non à crea-
tura fortè , tamen à Deo finè fine divi-
possit ;

possit; imò ex hoc sequitur omne continuum esse infinites infinitum.

Respondent Moderni: si solis partibus constaret. C. si verò & punctulis continuantibus & terminativis. N. Contra: hi primò utriusque opinionis inextricabiles difficultates subeunt; deinde manet partes illas verè ùc semper dividi posse. Declaratur adhuc: illi Authores dicendo lignum palmare habere partes æquales indeterminatas cum arbore, & non determinatas, hoc ratione contendunt infringere, quod sensibus negare non possunt, scilicet volunt æqualiter constitui in ratione continui, cum videant unum esse majus alterò.

Confirmatur adhuc; vel Deus cognoscit distinctè omnes continui partes, vel non; si primum: vel finitas vel infinitas nescit; si secundum, erit in Deo imperfectio.

Respondent cognoscere illas distinctè, sed non distinctas. Contra: erunt realiter distinctæ, & actu ibi, imò etiam si solâ potentiâ, quod tamen neutiquam permitto, Deus omnes & singulas discerneret, uti arenulas & guttas maris, nec sanè ibi massam infinitam infinitorum invenit.

Probatur secundò; detur corpus perfectè sphæricum, & rotetur, per planum,

P

sem-

Physica P. Schopen.

semper in puncto tanget planum, & tamen ipsum per singulas partes rotari potest; Ergò ex puris indivisibilibus constat.

Responsiones varias ad hoc rejicit Mastrius, subridendo mirans, quòd tot hòc globò territi fuerint, ipse autem dicit: quòd sphæricum quiescens tangat in puncto, in motu verò tangat lineam; sed ridicula est responsio: sic tangit in motu sicut quiescens; Ergò, &c. Probatur Antecedens: quocunque instanti movetur, & quiescere potest; Ergò sic tangit, ac si quiesceret; Aversa & Lalemandet putant, globum non tangere formaliter planum, sed mediante aère; at hoc evinceret nullum contiguum aliud immediatè tangere.

Probari solet tertio; nisi componatur continuum ex indivisibilibus, non dabitur motus localis, hoc est absurdum; Ergò. Probatur sequela: nemo corporeus transit à loco A ad locum C, nisi pertranseat locum B, & incipiat à loco A; sed hic ordo tollitur; Ergò & motus. Minor declaratur: prima pars spatij non est assignabilis, cum minima particula sit infinites divisibilis; Ergò pertransiri nequit, nemo enim locum non assignabilem pertransijt.

Respondent: propter hoc non componi ex solis partibus, sed indivisibilibus quoque terminantibus. Contra: estò se movens

vens pertranseat illud indivisibile terminans, quomodo partem primam pertranseat, quæ naturaliter non est designata? Nec dicas, falsò supponi illas partes actu esse ibidem; hoc enim suprà ostensum puto, & sanè vel actu ex indivisibilibus componitur, vel talibus particulis, quæ actu alias & alias plures in infinitum continent.

Respondent: componi ex talibus quæ quidem instrumentò creatò semper dividi non possunt, sed supernaturaliter in infinitum; at eò nec devenit Aristoteles, nec tantam difficultatem patiuntur argumenta contra Zenonistas; unde cum quilibet fateatur, utrinque esse difficultatem, tribus probationibus totidem objectiones opponam.

Obijcies I. continuum est v. g. lignum tripalmare, sed hoc non componitur ex solis indivisibilibus; Ergò nec aliud. Probatur Minor: tale lignum est majus palmari; Ergò &c. Probatur Consequentia: indivisibile additum indivisibili non facit majus; Ergò si componeretur ex solis indivisibilibus non esset majus, imò nec ulla longitudo daretur. Probatur Antecedens; illa non faciunt majus, quæ se penetrant, sed unum indivisibile alteri additum se penetrant; Ergò &c. Probatur Minor: illa se penetrant, quæ se tangunt secundum

totum ; atqui sic se tangerent talia indivisibilia, cùm non habeant partes ; Ergò &c.

Respondeo Distinguendo ultimam Majorem : illa se penetrant , quæ se tangunt secundùm totum , si latera non habeant. C. si secùs N. Majorem ; sic Distinctâ Minore. Nego Consequentiam ; & retorqueo : duæ superficies se tangunt immediatè & tamen se non penetrant , quia habent latera , qualia & indivisibilibus concedo.

Instabis : etiamsi indivisibilia dicantur habere latera , tamen non faciunt extensum, vel majus, quotquot ponantur ; Ergò &c. Probatur Antecedens ; talia duo puncta juxtà se posita , vel tangunt se immediatè , vel non ; si primum , penetrabunt se ; si secundum , neque continuum facient. Respondeo Negando Antecedens ; ad probationem dico , quòd se tangant immediatè penes latera , sicut jam de superficiebus dixi.

Instabis : tales duæ superficies non faciunt continuum , sed contiguum duntaxat ; Ergò puncta etiamsi se penes latera tangerent , non facerent continuum majus. Respondeo Distinguendo Consequens : si puncta se haberent adæquatè ut superficies. C. si verò inadæquatè tantùm N. in hoc quidem de lateribus conveniunt ; sed

sed differunt, quòd puncta copulentur terminò communi, non superficies corporù diverforum.

Instabis: vel illa latera sunt quid distinctum à punctis, vel non; si secundum, adhuc se penetrabunt; si primum, non erunt indivisibilia. Respondeo retorquendo de superficiebus, & dico: distingui modaliter, & velut latera; non verò ut alia puncta, à se invicem, & positis hinc inde punctis cum lateribus in communi termino statim relatio continuationis exurgit.

Obijcies II. si continuum componeretur ex solis punctis, homo claudus tam citò ambularet, quàm avis volat; sed hoc non potest dici; Ergò &c. Probatur sequela Majoris: ponamus, quòd simul incipiant & claudus ire, & avis volare, perficient æquale spatium eodem tempore, scilicet si continuum ex solis punctis constaret; Ergò &c. Probatur Antecedens: primò indivisibili temporis perficiet avis unum indivisibile loci, & etiam claudus, quia minus nec ille potest perficere, quàm unicum indivisibile; secundò instanti indivisibili temporis, avis rursus perficiet secundum indivisibile loci, item & claudus; sic de tertio, quarto &c. Ergò æquale spatium, æquali tempore, quæ sibi correspondent, perficient. Alijs responsionibus verè insuffi-

sufficientibus omissis. Respondeo Negando sequelam Majoris; ad Probationem Concedo, quòd & avis, & claudus primò punctò temporis conficiant punctum loci; transeat etiam, quòd secundò, imò & tertio; at Nego suppositum: quòd deinceps claudus se semper moveat sicùt avis, unde cùm claudus sæpissimè, id est multis punctulis temporis respiret, avis plura puncta loci conficit eòdem tempore.

Instabis: ponamus quòd se semper moveant simul, & claudus non respiret, tunc si continuum componatur ex solis punctis, æquale spatium æquali tempore perficient.

Respondeo Negando suppositum Antecedentis: quòd hoc sit possibile, licet enim putemus, quòd tardum v.g. claudus se semper moveat, interveniunt tamen morulæ sensu inperceptibiles, quibus respirat, ut quoque R.R. plurimi alibi concedunt; imò hoc experienciâ constat quòd minus velox sæpius velociori respiret inter currendum vel motum localem, nam veloci datur velocius.

Obijcies III. vel omnia continua haberent æqualia puncta, vel inæqualia; si primum, nullum esset majus alterò; si secundum, possent numerari. Respondeo: quòd habeant inæqualia; & licet singula non possimus numerare propter defectum subtilis

tilis

tilis instrumenti, tamen scio plura esse in tripalmari, quàm palmari. Et si dicas: quomodo habens novem indivisibilia possit æqualiter dividi cum Lalemandet? Dico: sicut numerus impar nunquam in duas partes æquales potest distribui, ita nec hic, sed secernerentur quinque, v. g. indivisibilia, à quatuor alijs, tollendo continuationis nexum.

Instabis: tale continuum omninò non posset dividi, quia constaret meris indivisibilibus. Respondeo Negando assumptum; ac probationis suppositum: quòd indivisibilia vel partes deberent dividi, sed totum dicitur dividi, & hoc non est aliud, quàm partes vel indivisibilia ab invicem separari; imò dum pars divisa iterum dividitur, non habet rationem partis sed totius, adeoque dividi partibus impropriè adhibetur. Si dicas, partes non haberet; dico indivisibiles N. divisibiles. C. non rursus quasi partes quæ tales dividerentur, sed quæ rationem totius habere possint; potest etiam dici partes, id est plura indivisibilia juncta constituere continuum mediata, ac velut principia secunda, at prima sunt indivisibilia.

Instabis: quomodo poterit dividi, si nihil in se habeat divisibile, sed mera puncta? Respondeo ut suprà: tollendo unionem

nem inter puncta, non enim divisio cadit super terminum, cum sit sola terminorum unitorum disunio, quæ unio est respectus extrinsecus adveniens.

Si dicant: puncta illa esse non quanta. Respondeo æquivocari; si enim putent non constituere quantum N. si punctum velint non quantum dici. C. at nec terminus extra propositionem officio suo fungitur.

Ex his colliges solutionem ejus, quod quæritur: an detur *minimum* & *maximum* scilicet & in viventibus & non viventibus? *minimum* esse indivisibile; *maximum* quantitas subjecto proportionata respectu potentiae naturalis, & obediæntialis, & sic à mari turbulento ad littus.

DISPUTATIO III.

De Munda & Cælo.

Objectum principale Physicæ Mundus, vel pars ejusdem, v. g. Cœli possunt dici, qui sicut alia entia physica ex sensibilibus indivisibilibus componuntur, donec merces laboris nostri in Empyreo erit singula clarius perspicere.

QUAE

QUÆSTIO I.

Quid, & qualis sit Mundus, & quando factus?

Dico : mundus est compages omnium creaturarum in tempore facta , & in genere suo perfecta. Ita communiter Philosophi quoad singulas partes sic declarandas : *Primo* dicitur : quòd mundus sit *compages omnium creaturarum* , & in terra , & in coelis existentium , dummodo contineantur in orbe rotundo , qualis ista compages esse asseritur ; ex quo patet , Deum non esse mundi partem , sed Condito rem & Conservatorem ejus , angelos verò & quas- cunque alias creaturas ad eum pertinere ; cùm de facto sit tantùm unicus mundus ; porrò si extra hanc compagem rotundam Deus alias creaturas poneret , sicut omni- nò potest , alius mundus resultaret ; ex quo patet , hanc esse definitionem mundi ge- nericam ; si enim alius esset , & illi conve- niret , estò ab hoc specie differt. Dicitur *secundo* : *in tempore facta* : ut fides docet Gen. 1. & sequentibus , contra Aristotelem , & alios , qui docuerunt mundum esse ab æ- terno ; an autem solâ ratione disputando evincatur mundum fuisse ab æterno , vel in tempore factum , edisseram aliquando fusiùs. Dicitur *tertiò* : quòd mundus iste

P s

fit

sit in suo genere perfectus ; id est , illi quidem nihil decoris debiti deesse , posse tamen alium perfectiorem à Deo creari ; tum quia Deus liberè fecit illum , nec moraliter nec physicè tenetur facere optimum ; secundum ex communi Theologia patet ; primum , cùm nemo sit æstimator , & appretiator sufficiens Dei iudiciorum inscrutabilium ; tum quia creaturas perfectiores extra orbem hunc condere posset , quæ enim contradictio ? imò oppositum perfectioni ejus derogare videtur : ex his probationes elice.

Obijcies I. contra id , quòd mundus dicatur in tempore factus , fundamenta Procli, Averrois, Aristotelis &c. vel Deus potuit ab æterno condere mundum, vel non; si secundum , nec in tempore potuisset ; cùm sit semper æquè potens ; si primum , etiam fecit , quia in Deo idem est *posse* & *facere*. Respondeo : quòd potuerit , at non fecerit ; & dico , in Deo idem esse *posse* , & *facere* in actu primo , non in actu secundo , aliàs plura fecisset.

Instabis : in Deo est idem velle , & facere in actu secundo , sed Deus voluit ab æterno mundum condere ; Ergò & condidit. Respondeo Distinguendo Minorem : pro æterno N. pro tempore. C. Nec dicas, fuisset invidus, si non commun-

nicâisset statim ac potuisset bonum existentiae; absit, quia Deus æquè liber ac bonus est ad extra.

Instabis: Deus est immutabilis; Ergò vel ab æterno condidit mundum, vel nunquam, aliàs fuisset factus à non producente producents. Respondetur ad sequelam: formaliter se mutando N. terminativè se mutando. C. sed an sufficiat, in primo sentent. negativè resolvam.

Obijcies II. contra idem: ante mundum nec locus, nec tempus erat; Ergò non potuit produci in tempore, vel loco. Respondeo Distinguendo Antecedens: non fuit locus & tempus reale. C. imaginarium. N. Et si petas, an locus imaginarius fuerit vacuum? Dico non fuisse vacuum positivum, sed negativum, id est negationem continentiae materialis; cæterum & locus, & tempus cum mundo sunt facta.

Instabis: ex hoc sequeretur quòd tempus vel *aliquando* quæ idem sonant, non fuissent aliquando. Respondeo Distinguendo sequelam: quòd *aliquando* verum & reale non fuisset aliquando, id est aliquo tempore imaginariò. C. alio sensu. N. Si petas, quomodo motus fuisset in primo instanti mundi facti, cùm sit ens successivum? Dico quòd inchoativè, per reliqua instantia complendus. Si verò dicant ex nihilo nihil

hil fit. Respondeo à creaturis. C. à Creatore. N. sed de his plura, ubi de creatione.

Obijcies III. probando quòd mundus sit imperfectus : nullum ens per accidens est in genere suo perfectum , sed mundus est tale ; Ergò. Respondeo & Majorem & Minorem esse falsam , de Minori verò, estò mundus non sit unum per se velut compositum ex corpore & anima, cum nullus detur spiritus mundi totum informans, est tamen unus unitate ordinis ac pulchræ subordinationis, quæ præcellit unitatem aggregationis & per accidens.

Instabis : licèt habeat aliquam unitatem per se, tamen non est perfectus. Probatur assumptum: in mundo sunt venena, tenebræ, peccata moralia, & naturalia, defectuosa & monstra, imò plurima defunt ; Ergò, &c.

Respondeo Negando Antecedens ; probationem utramque Distinguo : & hæc sunt in mundo per accidens, aut potius ut contraria à contrarijs elucescant. C. quis enim æstimaret lucem, qui nihil de tenebris sciret ? *per se*. N. deinde defunt quidem multa ad perfectionem simpliciter, non autem in suo genere, cum habeat primum mobile, conservans, & media ad generandum reliqua necessaria.

Instabis : mundus iste subjacet corruptioni,

ptioni, at hoc est summum vitium: Ergò, &c. Respondeo: defendentes principia Aristotelica sic premi; Ego verò tueor, quòd tantum fiat continua sensibilibum immutatio, & quòd tantum annihilari possit ab eo, qui illum ex nihilo liberè fecit.

Obijcies IV. mundum esse simpliciter perfectum; tum ab autoritatibus, quæ dicunt opera Dei esse valde bona; tum quia hoc commendat magis Dei bonitatem, imò & rationem, eò enim quis censetur rationabilior, quò perfectiùs operatur, ut facili inductione pateret.

Respondeo: & me dicere, quòd sint valde bona, sed non optima, imò per hoc Dei Majestas potissimum extollitur, quòd cum talia fecerit, adhuc excellentiora facere possit, insuper Deus in omni semper æquè rationabiliter agit; non enim patitur mensuram superlativum absolutissimum. quòd si dicant: *Patrem argui invidia, si Filium meliorem potuisset generare*, ex Aug. responde, loqui de his, quæ ad intra sunt naturaliter facta, ad extra verò liberè omnia fiunt. Hic quæri solet: quo anni tempore sit mundus factus? Respondeo: probabiliùs æquinoctiale tempus statim cum mundo factum esse, quo tempore Prisci novum annum inceperunt.

QUÆ-

QUÆSTIO II.

An Mundus potuisset fieri ab æterno?

Dico: Mundus potuisset fieri ab æterno, & quoad entia permanentia completè, & quoad successiva inchoativè. In hac materia Sco. est problematicus, & de permanentibus tenetur permiscuè in omni Schola, de successivis verò tametsi paucos fautores habeat, declarationi tamen faciendæ quamplures subscribent.

Probatur primò generaliter: Deus potuit velle mundum ab æterno esse; Ergò & potuit producere illum ab æterno.

Respondent: pro æterno. N. pro tempore. C. at Contra: pro æterno potuit velle à parte ante, sicùt & liberè voluit ut duraret æternùm à parte post.

Respondent: ex parte Dei. C. ex parte creaturæ. N. docentes hoc passu implicantias sequi. Contra: ratio creaturæ non tollitur, etsi in æternum durabit; Ergò nec sublata fuisset casu, quo ab æterno producta fuisset; ex quo

Confirmatur: non est implicantia ex parte Dei, nec creaturæ, nec productionis, ut ex solutione objectionum ultrò patebit.

Probatur secundò de permanentibus, quæ ratio tamen de successivis æquè conclu-

cludit; lignum est ens permanens, sed hoc ab æterno poterat à Deo fieri; Ergò, &c. Probatur Minor: ideò secundum adversarios non posset fieri, quia non videtur quomodo esset æternum, & tamen a Deo dependens, factum, &c. Sed hæc ratio nulla est; Ergò, &c. Probatur Minor Aug. 6. de Trin. c. 1. ait *si ignis esset æternus, splendor esset coæternus*, & tamen splendor dependeret ab igne, esset effectus ignis, &c. Ergò hæc ratio nulla est.

Respondent rudiores aliqui: ex uno falso supposito, plura falsa sequi; at hi non recordantur, quòd hypothesis impossibilis sit sæpè utilis, v. g. si Spiritus Sanctus à Filio non esset, an adhuc distingueretur, &c. S. Aug. non dicit loco ci. *potuisse esse, vel non esse*, sed benè concludit, si per possibile vel impossibile esset causa naturalis, v. g. ignis, haberet effectum, sive efficienter, sive formaliter, & tamen effectus dependeret.

Responderet forsan quis: Deum esse causam liberam, & quà liberam tempore debere præcedere. Contra: si ex parte creaturæ non implicet, ut deductum est, Deus in omni instanti, & pro omni instanti æqualiter est potens omnia facere.

Probatur, & declaratur tertio signatè de successivis: si ens successivum specialiter non posset ab æterno esse, foret, quia
im-

importat partem sui unam post aliam, sed hoc infert ipsum completè, id est secundum omnes partes sui simul non posse v. g. coëxistere toti æternitati instantaneè sumptæ, at benè inchoativè secundum primam sui partem, imò & durare coëxistendo toti æternitati totaliter sumptæ, ità ut semper una pars entis successivi corresponderet æternitati. Confirmatur: æternitas nulli tempori extrinseco reali, vel imaginario coëxisteret, cui etiam non coëxistere posset tale successivum secundum aliquid sui, ut Poncius habet: Ergò, &c.

Obijcies I. plurimi SS. Patres insinuant, opera Dei ad extra debere aliquando non fuisse. Respondeo: illos loqui de facto, vel viâ extremâ, ut devenirent ad medium.

Instabis; notanter contra Arium & Arianos sic arguunt: *Christus fuit ab aeterno; Ergò non est creatura*; si autem creatura potuisset esse ab æterno, illi congruè negassent consequentiam. Respondeo ut statim, & dico: illos argumentatos esse ex propria Arij opinione sic; *Secundum te nulla creatura fuit ab aeterno, aut potuit esse, sed Christus fuit ab aeterno; Ergò pura creatura non erat.*

Obijcies II. omnis creatura est ens ab alio, dependens à Deo, creata, effectus posterior causâ, &c synonyma; sed si mundus fuisset ab æterno, hæc creaturis non

con-

convenirent, cùm æquè æternæ essent. Respondeo: hæc omnia solvi, tales creaturas dicendo fuisse posteriores Deo naturâ, non tempore, & tantùm fuisse æternas æternitate communicatâ, participatâ, dependenti, &c. non à se, ut Deus.

Instabis: creatura debet tempore Deum sequi; Ergò solutio ruit. Probatur Antecedens: liberè producitur; Ergò debet prius non esse, quàm esse tempore. Respondeo Negando Antecedens, ac probationis Consequentiam; vel dico, quòd *non esse* præcesserit negativè, id est, non fuisset, nisi Deus liberè produxisset; non autem positivò temporis instanti; exempla quæ afferuntur sunt de causis liberis imperfectis, qualis Deus non est.

Instabis: debuit omnis creatura prius non esse prioritate positivâ temporis, aliàs sufficiens ratio non esset negandi mundo æternitatem, præsertim soli rationi inhærendo. Respondeo Negando sequelam; sufficit fides docens, & quòd in Deo libertas fuerit; porro si quis mundum actu defenderet ab æterno, deberet infinitatem categorematicam admittere, & probabilius possibilitatem aliorum negare.

Instabis: omne instans est tempus, & omnis novitas temporanea; sed talis crea-

Q

tura

Physica P. Schopen.

tura de novo & in instanti aliquo fuisset producta; Ergò nunquàm ab æterno. Respondeo Distinguendo Majorem: est tempus quod vel ab æterno, vel in tempore imaginario incœpit esse. C. necessariò tempore imaginariò. N. Si dicas, est nova, incœpit esse; Ergò non æterna. Respondeo: si per *novum* intelligas naturâ posterius causâ primâ. C. si aliud. N. hæc & similia æquivoca.

Obijcies III. ens successivum incipit per ultimum sui *non esse*; Ergò nequit esse ab æterno. Probatur Consequentia; illius *non esse* præcedit, quod sic incipit; Ergò illud nequit æternum esse. Respondeo dissimulando an verum sit universaliter Antecedens; Nego Consequentiam; probatio est distinguenda ut suprâ, illius *non esse* præcedit vel tempore vel naturâ.

Instabis: licet tempore non præcederet illius *non esse*, tamen non posset esse ab æterno; quia dicit partem & partem sibi succedentes, & quamdiu partes non succedunt, nec pro successivo reputatur. Respondeo talia argumenta fieri ex non recta intelligentia; unde dico, ad summum inferri, completè non posse esse ab æterno. C. inchoativè N. lege probationes, & sensum Poncij in Confirmatione.

Instabis: talis creatura esset infinita,
quæ

quæ foret ab æterno. Respondeo tran-
seundo sequelam ; licet enim annihilari
semper posset à Deo, tamen diceretur infi-
nita à parte ante, vel potius æterna ; id est
sinè initio temporis, tamen ab alio. Nota
quòd Gen. 1. *in principio creavit Deus*, &
Joan. 1. *in principio erat Verbum* ; terminus
Principium diversimodè sumatur in Gen.
pro tempore ; in Joan. pro producente :
quòd si quærant : an mundus durabit in
æternum ? Respondeo affirmativè quoad
substantiam ; idque ex libera Dei volun-
tate ; & sic Ecclesiastes insinuat dicens :
terra autem in æternum stat ; si verò loqua-
tur à parte ante, æternum sumitur pro
longo tempore.

QUÆSTIO III.

An Cœli sint corruptibiles ?

Dico : undecim cœli sunt naturaliter
corruptibiles (de duodecimo, nempe
sede beatorum, donec in eo erimus) ita ex
professo contra illos, qui admittunt princi-
pia Aristotelica corporis physici ; osten-
dam tamen etiam his principiis admissis,
si non ab agente creato, saltem increato
naturaliter agente corruptibiles esse. Pro
cujus notitia

Suppono cœlos componi ex sensibilibus
indivisibilibus quod probavi generaliter de

omni ente physico. Deinde suppono, eos esse numero duodecim, vel sic ad hominem Probo: ubi ex duobus vel pluribus incertis numerus aliquis decidendus est, præstat quid addere, quàm diminuerè; sed alij probabile putant esse tres, alij novem, alij duodecim, nec ullus plures; Ergò securiùs subscribitur numero duodenario. Tandem suppono, cœlos non esse animatos, etsi moveantur ab intelligentijs, hæ duntaxat sunt formæ ijs assistentes; neque tamen velut imperfectiora animas viventium efficiunt, licet aliàs diversimodè in hæc inferiora influant. His prælibatis

Probatur Primò: naturaliter corrupti est sensibilia variari, sed cœlorum sensibilia variantur scœpissimè; Ergò &c. Respondent Negando Majorem; & dicunt significare materiam ab una forma transire ad aliam, vel saltem à *non esse forma* ad *esse forma nova* transitum concomitanter importari; formaliter verò, *ipsam esse transitum ab esse forma ad non esse forma*. Contra: etiam corruptione sic sumptâ, cœli naturaliter sunt corrupti; Ergò & corruptibiles; quia ab actu affirmativo ad potentiam valet consequentia. Probatur Antecedens; Deus primâ die creavit omnem materiam cœli & terræ, aliàs vacuum fuisset; Ergò cœli sunt corrupti. Probatur Con-

Consequentia , illa materia primâ dñe creata non fuit finè omni forma, cùm hoc naturaliter esse nequeat, imò nec divinitùs apud Thomistas; Ergò cùm Deus alijs diebus creaverit improprie, ac eduxerit formas novas, priores sunt corruptæ, aliàs duæ formæ in eadem materia fuissent. Confirmatur: hæc probatio supponit sententiam adversariorum, quòd nec materia possit esse finè omni forma, nec duæ formæ in una materia, quorum unum sequitur.

Responderunt mihi: talia ad hoc argumentum, ut etiam ausi fuerint dicere: non esse eandem numerò materiam in ligno & igne ex illo ligno factam, sed hi sunt spurij filij, cum quibus nolo hìc agere.

Respondent alij: primâ die fuisse formam chaòs in omni materia, & hanc alijs subordinatam mansisse, quando v. g. Deus produxit sequentibus diebus formam Solis, Lunæ &c. Contra: Thomistæ in viventibus talem nolunt admittere, quantò minus hìc; deinde ad quid obscurus intellectus tuus tale obscurum chaòs divinatur, cùm absque eo concedant plerique ex nostris cœlos esse corruptibiles ab intrinseco?

Confirmatur: dicuntur stellæ novæ in cœlis produci, non tantùm infra cœlum Lunæ, sed & supra illud, consule Astrolo-

gos. Nec valet respondere, esse penetrationem factam, vel supernaturaliter eventum; ad quid multiplicare miracula sine necessitate? Nec tandem saltem in ea sententia, quæ plures formas tribuit eidem subiecto, defendi posse cœlos non esse corruptos. Contra: quænam esset illa alia forma in materia solis? cum nihil constet, sic divinationibus est supersedendum.

Probatur Secundò: cœli & terra habent principia constitutiva ejusdem rationis; Ergò quando dicuntur mutari, id non tantum de accidentali, sed substantiali mutatione potest intelligi. Probatur Antecedens; tum quia non est necessitas fingendi diversa; tum quia omnia elementa habent materiam ejusdem rationis; tum quia primâ die Deus condidit cœlum & terram; Ergò signum est principia ejusdem rationis esse; imò & Aristotelici hinc vitiosè probant esse incorruptibiles, quia habent distinctam materiam, & hoc probant: quia sunt incorruptibiles ex 2, Metaph. & alibi.

Respondent negando suppositum: quòd dicantur mutari, vel si quid assertur explicent, esse corruptibiles ab intrinseco. C. ab extrinseco N. Contra est, quòd illi omninò principia Aristotelica supponant; ego verò permissivè his positis arguam; porro

porrò cœli & terra mutabuntur, & omnia elementa substantialiter mutantur; Ergò & cœli; donec evidens ratio adducatur in oppositum, negantis enim, & excipientis ab universo est probare & ostendere, cur excipiantur cœli.

Obijcies plurimas authoritates, quibus exprimitur cœlos esse ære fusos, & similitudines aliæ ad incorruptibilitatem collimantes. Respondeo: illos velle, cœlos non tam facilè mutationi subiacere, hinc & Psal. 148. habetur; *statuit ea in æternum*; intellige quoad sensibilia, vel materiam in æternum duratura, vel dico totaliter non corrumpi. C. partialiter N. sic nec terra totaliter dicitur corrumpi, nec aër, sed corpora in terris.

Instabis: nullò modò cœli sunt corruptibiles ab extrinseco; Ergò &c. Probat Antecedens: non habent contrarium, sed tale requiritur ad corruptionem; Ergò &c. Respondeo Distinguendo Antecedens cum probatione: in sententia docente sensibilia esse principia corporis physici N. in sententia Aristotelica, subdistinguo: non possunt corrumpi ab agente creato transeat, increato naturaliter agente N. Antecedens, Consequens & Consequentiam. Pro quo

Nota, hìc quæri, an motus sit cœlis na-

turalis vel violentus? ad quod Scotistæ solent dicere esse neutrum, quia locus acquisitus per motum cœlorum nec est cum nec contra inclinationem, ubi vides sensibilia mutari, at est à creaturis, v. g. Angelis in sententia de principijs communibus moveantur tantum accidentaliter, à Deo tamen & substantialiter; sic plurima solves, v. g. ut agens creatum corrumpat, requiri qualitates contrarias &c.

Quæres: an cœli sint fluidi ut aquæ, vel solidi ut metalla? Respondeo: non deesse authoritates pro utraque parte; item & astra à seipsis lumen habere, & à majori luminari illud accipere, sed de his, & de stellarum magnitudine ac omnibus pertinentibus aut tacendum, aut fusiùs debetè agendum extra Scholasticam Philosophiæ Naturalis classẽ.

DISPUTATIO IV.

De Generatione & Corruptione.

QUanquam ex dictis constet, quid de generatione & corruptione universim, ac etiam hinc inde singularia considerando sentiam; potissima tamen quæque alijs suppositis, ac notatis examinanda veniunt, pro quibus sit

QUÆ.

QUÆSTIO I.

Quid sit Generatio, Subiectum & Terminus ejus?

Dico : Generatio est transitus materie à non esse forma ad esse forma ; proinde subiectum illius est materia, vel id quod gerit vices materiæ, terminus verò formalis ad quem est forma nova. Ita communiter, & potest adaptari non tantum principijs communibus, sed etiam sensibilibus, intelligendo sic : quòd illa sensibilia quæ manent, mutantur à non esse talium sensibiliũ, quæ per immutationem adveniunt, ad esse eorum : porrò sic describitur generatio quatenus est mutatio ; si verò consideretur in ratione productionis, subiectum productionis activæ est generans, passivæ ipse effectus vel compositum generatum, quod est terminus totalis & adæquatus.

Declaratur quoad singula. Dicitur primo quòd *subiectum generationis ut mutatio est, sit materia* : quod intellige de subiecto informationis, id est, quod denominatur ; tum quia compositum non dicitur mutari, nec aliud ; Ergo materia ; tum quia motus est in mobili ex 3. Phys. Dicitur secundo, quòd *terminus formalis sit forma nova*, illud enim est terminus quod acquiritur, atqui sola forma acquiritur : Ergò &c.

Q s

Con-

Confirmatur : compositum est terminus totalis generationis quā productio est ; Ergò non formalis quā mutatio. Antecedens declaratur : quia compositum ab agente intenditur, unde licet forma sit terminus primarius in executione, ipsum compositum tamen in intentione. Dicitur tertio, *si verò consideretur in ratione productionis &c.* vide tractatum præcedentem ubi de causalitate actum est.

Obijcies : compositum dicitur subiectum commune accidentium ; Ergò motus, qui est accidens, non est in materia, sed composito. Respondeo Distinguen- do Antecedens : absolutorum. C. relati- vorum, quale est motus. N. Antecedens & Consequentiam.

Instabis : estò motus sit accidens relati- vum, nequit subiectari in materia ; Ergò, &c. materia non dicitur generari ; Ergò nullò modò potest esse subiectum genera- tionis. Respondeo Negando Antecedens ; Probationis Consequens Distinguo : gene- rationis quā est productio. C. quā muta- tio. N. quas formalitates si observaveris, facile adversantia conciliabis.

Occurrunt hìc nonnullæ difficultates ab alijs abundè tractatæ & minoris emolu- menti, quas proinde obiter percurram.

Quæres primo : quænam in generatione

viventis activè concurrant? Respondeo;
& pater & mater, asinus enim non produ-
cit nisi asinum, cum equa tamen mulum
generat; deinde aliàs Christus verè non
esset filius hominis si B. V. Maria activè
eum non produxisset. Quòd si dicant
Christum finè semine natum, de virili pu-
ta, lege Ven. Bedam in cap. 11. Lucæ.

Quæres *secundo*: an generatio fiat in in-
stanti? Respondeo: etsi anima rationa-
lis instantaneè producat & corpori unia-
tur, reliquas tamen productiones esse suc-
cessivas pro substrato ac materiali; nam
omnis relatio exurgit eò instanti, quò sunt
extrema: totum quod dico patet ex eo,
quòd sicut dispositiones successivæ sunt,
ità & forma inducitur sæpè in prima parte
disposita, dum adhuc posteriores partes
præparantur; de sensibilibus ad oculum
patet.

Quæres *tertiò*: quid sit Alteratio? Re-
spondeo: *esse mutationem continuam ab una
qualitate ad alteram sibi divisibiliter oppositam,
præcedentem generationem.* Hæc responsio
supponit principia communia, & insinuat,
non quamcunque qualitatum mutatio-
nem dici propriè alterationem, sed eam
quæ præcedit ut dispositio generationem;
insuper quòd qualitates debeant esse divi-
sibiles, & licet intercedant morulæ per sen-
sus

sus imperceptibiles, non omnis interpositio tollit rationem continui, aliàs nullus daretur motus continuus, cum omni veloci detur velocius; sed requiritur interruptio cum diversitate termini communis: tandem insinuatur quòd alteratio in via communi non sit ipsa corruptio, nequidem in sensu concomitanti, quia etsi *generatio unius sit corruptio alterius*, hoc non verificatur in sensu formali, sed concomitanti; Ergò alteratio magis ab una vel altera distinguenda est.

Quæres *quartò*: quid sit Nutritio, & Augmentatio? Respondeo: nutritionem *esse acquisitionem novæ substantiæ partialis, aliquando verò & novæ quantitatis*; & tunc vocatur *augmentatio*; unde hi sunt termini ferè minus & magis communes; nam nulla est augmentatio, ubi non est nutritio, dum enim crescit homo, vel brutum, etiam forma crescit, puta in homine corporeitatis, in brutis verò & illa & animæ; econtrà senes nutriuntur & amplius non augmentantur. Si petas, quænam partes nutriantur, subscribo communiori, quòd & spermaticæ, id est molles ac fluidæ & solidæ v.g. ossa, nervi, &c.

Quæres *quintò*: an detur, & quid sit Actio per anti-peristalsin? Respondeo: quòd sit actio, quâ intenditur qualitas *alicujus*

cujus subjecti propter circumfistentiam qualitatis contrariæ, v. g. quia in hyeme spiritus aërei frigidi circumfident puteum, & impediunt nè spiritus calidi exire possint, ideo aqua putealis in hyeme est calidior quàm in æstate. Si petas, quid sit Actio reflexa, Reactio, Temperamentum ad pondus, &c. vide Authores, Medicos, Chimicos, &c.

QUÆSTIO II.

Quomodo fiat intensio alicujus qualitatis?

Dico: intensio fit per realem acquisitionem alicujus novæ qualitatis partialis in priori subjecto. Ita plausibiliter Scotus cum suis & R.R. plurimi contra Thomistas ac varios extraneos. Sensus est: quando aliqua qualitas v. g. calor in aqua fit major, quomodo hoc fiat? & dicimus, fieri sic, quòd prior calor maneat & illi novi, & novi gradus caloris accedant.

Probatur primò refutatione aliorum: intensio non fit per minorem admixtionem contrarij, quia qualitates spirituales v. g. lumen gloriæ, &c. non habent contrarium, & tamen intenduntur.

Respondent: quæstionem esse de qualitatibus physicis. Contra: nec illæ sic intenduntur, præterquam enim, quòd modus

us communis statui possit ac ritè debeat pro omni qualitate, aqua per hoc non fit calida, quòd recedat à frigore, quia posset esse sinè frigore & calore.

Respondent : per *contrarium* non sumi strictè ac positivè contrarium, sed recessum à privatione, & sic quoque spiritualibus convenit. Contra: tollere frigus formaliter non est calefacere; tum quia simul divinitus possent manere; tum quia frigus posset recedere, non adveniente calore, tum tandem, quia etsi ad majorem calorem consequatur ordinariè recessus à frigore, formaliter tamen in eo non consistit.

Deinde intensio non fit per majorem radicationem formæ in subiecto; nec aliò modò; Ergò per acquisitionem realem gradûs ad gradum ejusdem qualitatis; Probatur Antecedens; aliquæ formæ intenduntur minùs radicatæ in subiecto; Ergò, &c. Probatur Antecedens; rubor verecundiæ in vultu est minùs radicatus quàm naturalis, quia citiùs perit, & tamen solet esse intensior naturali.

Insuper, vel per talem radicationem aliquid qualitatis producitur, vel nihil; si primum, lis erit de nomine; si secundum, quantumcunque albedo ut duo radicabitur, semper manebit albedo ut duo; Ergò non intenditur per talem radicationem.

Rur-

Rursus qualitas non dicitur radicari in sub-
jecto, nisi quod illi inhæreat, & ipsum de-
nominet, sed hoc uni etiam minus intensæ
æquè convenit, ac summæ; Ergò, &c.
Tandem nec ipsi Thomistæ convenire pos-
sunt, quid hoc significet amplius radicari
in subiecto.

Probatur secundò: in his quæ sensibus
patent, oportet & modum sensibus facilio-
rem insinuare, qui tamen principijs philo-
sophiæ non obstet, sed qualitates intendi
sensibus patet v.g. calorem in aqua succes-
sivè fieri vehementiorem; & dicere, quod
hoc fiat paulatim majorem & majorem in-
tensivè calorem accipere, ad captum est
facillimum, nec obest ulli principio philo-
sophico, ut ex objectionibus patebit; Er-
gò, &c. Confirmatur: alij concomitantia
afferunt, modos novos radicationis effin-
gunt, &c.

Obijcies I. calor est qualitas, sed hic
non intenditur per acquisitionem gradûs
ad gradum; Ergò intensio non fit tali mo-
dò. Probatur Minor: ex calido fit magis
calidum nullò calidò adveniente, ut habet
Arist. Ergò calor hic non intenditur.

Respondeo Negando Minorem; Pro-
bationem vel textum Distinguo: nullò ca-
lidò simpliciter adveniente. C. nullò partiali
vel *secundum quid* adveniente. N. nam ali-
qui

qui volebant tali casu priorem calorem perire, & semper totaliter novum afferri.

Instabis: nec intensio fit per acquisitionem novæ qualitatis *secundum quid*; Ergò, &c. Probatur Antecedens: aliquæ qualitates sunt indivisibiles v. g. lumen gloriæ, gratia, &c. Ergò illæ non possunt intendi per similem acquisitionem. Respondeo Negando Antecedens primum; secundum Distinguo; sunt indivisibiles extensive & quantitative. C. Antecedens. intensive. N. Antecedens, & Consequentia.

Instabis: etiamsi intensive possent dividi, hoc tamen nequit fieri per additionem novæ qualitatis. Nec dicas, ut supra, *simpliciter* novæ. C. *secundum quid*. N. Contra est, quòd illi gradus essent diversi, sed unum subjectum non habet diversos calores v. g. Ergò, &c. Respondeo: istos gradus debere dici diversos numericè, at specificè esse homogeneos, id est ejusdem rationis.

Instabis: non possunt esse plura accidentia solò numero distincta in eodem subjecto, sed ex concessis isti gradus essent ad minus numero distincti; Ergò, &c. Probatur Major, quæ est fundamentum Thomistarum; accidens individuatur à subjecto; Ergò, &c. Respondeo Negando Majorem, nam in Logica Utente principium in-

individuationis docui esse hæcceitatem. Si dicas, non possunt duo ubi, duæ quantitates, duæ figuræ esse in uno subiecto; Ergò per inductionem nunquam duo accidentia naturaliter erunt in eodem subiecto. Respondeo Negando Consequentiam; in his enim extrinseca determinativa individui aliter se habent, v.g. duæ figuræ haberent eundem finem, duo *ubi* defectu agentis naturalis acquiri non possunt, &c.

Obijcies II. si intensio fieret per acquisitionem realem novæ qualitatis; simile posset agere in simile; hoc dici nequit; Ergò, &c. Minor est communis, licet sint dissimilia in densitate, si unum est alteri simile in qualitate, quòd in illud agere non possit; quia agens agit, in quantum frangit resistantiam passivi. Sequela Majoris Probatur: habens v.g. 4. gradus caloris, posset alteri habenti 4 gradus unum communicare, illud nempe intendendo; imò aër minus calidus aquâ illam condensat, vel congelat. Respondeo Negando sequelam cum Probatione; quàm diu enim erunt æqualia, nihil unum ab alio patietur; quòd additur de aëre, solves dicendo, quòd vel sit frigidior, vel cum influentijs hyberno tempore dominantibus congelet aquas.

R

Obser-

Physica P. Schopen.

Observandum est autem: quòd non significet idem, *non posse agere simile in simile; & non dari actionem univocam*; nam homo generat hominem, &c. univocè fiunt; sed significare activitatem agentis debere posse superare passi resistantiam; adhuc tamen idem in seipso actionem univocam habere nequit, nè ad summum aliquando deveniret. Colliges: remissionem oppositò modò intensiōni fieri.

QUÆSTIO III.

Quomodo fiat Rarefactio?

Dico: Rarefactionem fieri per acquisitionem novæ partialis quantitatis, sinè acquisitione novæ substantiæ. Ita ex professo contra plurimos modernos philosophos, qui variè angustiantur in explicando rarefactionis fabricam.

Probatur primò refutatione aliarum sententiarum: *primò*, rarefactio non fit novam totalem quantitatem acquirendo; tum quia nec intensiōne nova totalis qualitas acquiritur; tum quia quantitas est subiectum accidentium, atqui manent eadem accidentia, & hæc nequeunt migrare de subiecto in subiectum; Ergò & eadem quantitas. Major constabit alibi. Minor Probatur quoad primam partem contra Godfredum dicentem, non esse eadem acci-

accidentia quia : nulla est causa productiva eorum ; deinde quando lac rarefit manent color, sapor, &c. quoad alteram partem eadem Minor communiter admittitur.

Deinde nec rarefactio fit absque additione novæ alicujus quantitatis, sed illa quæ additur non est totalis ; Ergò partialis. Probatur Major : videmus rarefacta v.g. lac occupare majorem locum ; Ergò debet aliqua nova quantitas addi. Probatur Consequentia : *sicut se habet simpliciter ad simpliciter, ita secundum quid ad secundum quid*, sed ratio occupandi locum corporaliter quantitas est simpliciter ; Ergò ratio occupandi majorem locum, erit major quantitas.

Respondent Distinguendo Minorem : quantitas est ratio simpliciter occupandi locum tanquam per effectum secundarium. C. primum. N. & hi Authores cum Maftrio docent, rarefactionem fieri, dum eadem quantitas manet & majorem localem extensionem habet. Contra : libenter concedo, quòd occupare locum circumscriptivè sit effectus secundarius ; sed sic arguo : ratio, cur aliquid simpliciter locum circumscriptivè occupet, est quantitas exercens effectum secundarium ; Ergò ratio, cur aliquid occupet locum tantum,

est quantitas tanta exercens effectum secundarium, adeoque ubi est major quantitas, ibi major effectus secundarius à priori; & ubi est major effectus secundarius, ibi major quantitas à posteriori, naturaliter loquendo uti fit rarefactio.

Confirmatur: ex hac sententia, quæ docet nihil quantitatis addi, sequitur vel partes prius esse penetratas, vel posse se extendere ad alium locum, præter eum qui est adæquatus potentia naturali; quando enim lac est in olla ante rarefactionem, vel partes quantitatis sunt penetratæ, vel non?

Respondere debent, non esse quidem penetratas, sed servando locum suum posse extendi ad alium vicinum, non disparatum. Contra: prior quantitas non perditur; Ergò nec prior locus, nec potest vicinum majorem locum acquirere nisi & fiat nova quantitas, aliàs manet, quòd idem corpus possit esse in duobus locis vicinis. Nec dicas: per rarefactionem. C. sinè illa N. Contra: sic etiam dicam, per augmentationem & nutritionem nihil acquiri, sed priorem substantiam & quantitatem majorem locum accipere, & stringit fortius ratio supposita.

Respondent alij: ad argumentum principale: acquiri novam partialem quantitatem nudam. N. & simul novum partiale sub-

subjectum. C. Contra: quando lac est rarefactum, non est plus lactis quoad substantiam, quàm prius; Ergò non simul novum subjectum vel substantia acquiritur. Probatur Antecedens: quis enim produceret? Item Arist. inquit: *rarum est, quod habet parum materiae, & multum quantitatis.*

Respondent: non acquiri novam substantiam rarefacti. C. non ingredi corpuscula, quæ sint subjectum novæ quantitatis. N. & sic Aristotelem explicant, quòd habet parum materiæ propriæ. C. corpusculorum. N. ac dicunt, quædam corpuscula ingredi, quibus illa nova quantitas inhæret. Contra: lac, v. g. rarefieri videmus; Ergò ipsum lac acquirit majorem quantitatem, & non alia corpora.

Respondent: lac rarefieri per ingressum corpusculorum intra poros lactis. Contra: vel illa corpuscula sunt accidens, vel substantia; & si hoc, vel distincta à lacte, v. g. vel non; quidquid dicitur, multipliciter impugnari potest ex his; quòd accidens aliud non sit subjectum quantitatis, & duæ substantiæ discontinuæ non habeant eandem quantitatem; deinde tali casu per totam ollam sunt accidentia lactis; Ergò nec intrà nec extrà poros est substantia distincta à lacte &c.

Respondent aliqui: in rarefactione, v. g. lactis ipsum tantum elevari, nec esse plus lactis nec quantitatis; & dicunt, tali casu ollam inferius fore vacuum, sed hoc sensibus & experientia constat; sæpè enim superior pars rarefit ante inferiores.

Probatur ex his tertio: tum quia favet Philosophus; tum quia connaturalior modus est; tum fundamentum oppositæ sententiæ evertendo, ut solutione objectionis patebit; imò alij fatentur nostram sententiam esse optimam, si sequens difficultas solvi posset.

Obijcies: accidens non potest esse sine subiecto naturaliter; Ergò in rarefactione nequit produci nuda partialis quantitas. Probatur Consequentia: illa nova quantitas esset accidens, & non haberet subiectum; Ergò &c. Probatur Antecedens quoad secundam partem: de prima patet; si illa nova quantitas haberet subiectum, esset entitas rarefacti vel aliud, sed nihil dici potest; non aër, non corpuscula ut videtur colligi ex probationibus, nec entitas rarefacti, quia hæc antecederet subiectavit quantitatem, quæ non perit: Ergò nequit esse subiectum illius novæ quantitatis. Probatur Consequentia: alias duæ quantitates naturaliter essent in eodem subiecto. hic est Achylles. Respondeo Distin-

stinguendo ultimam sequelam: essent duæ quantitates in eodem subiecto non extenso, non rarefacto. N. extenso & rarefacto. C. vel subdistinguo, partiales. C. totales Nego sequelam.

Instabis: essent duæ quantitates in eodem subiecto non extenso; Ergò, &c. Probatur Antecedens: subiecti entitas non augetur simul; Ergò, &c. Respondeo Negando Antecedens; Probationem Distinguo: non augetur entitativè. C. quantitativè. N. quia substantia ex se non dicitur magna, nec parva, sed ratione solius quantitatis.

Instabis: etsi hoc haberet locum in habentibus formas indivisibiles; non tamen ubi & formæ sunt divisibiles; cum ibi quantitas subiectetur in toto composito, quod est divisibile, cui proinde quantitas proportionatur. Respondeo: admissis principijs communibus illa composita dici divisibilia entitativè. C. quantitativè. N. vel subdistinguo: ratione sui. N. ratione quantitatis. C. hinc Aristoteles benè dixit: *materia vel forma non est quanta*, imò nec compositum, nisi ratione illius accidentis absoluti, id est quantitatis, quæ illi inhæret.

Instabis: Ergò unum idémque corpus habens v. g. modò quantitatem palmar-

rem, posset fieri bipalmare; imò & quantitate totius universi. Respondeo: hoc fieri fortè posse divinitus; at de factò omnia mensuram habent prout Altissimus ordinavit: pro similibus alijs solvendis ex principijs ipsis adversariorum recollige; quid per materiam, formam, &c. intelligant; Ego verò, à primo ad ultimum, & vicissim, mirabundus Physicam Scholasticam ob principia ista Aristotelica, quæ non capio, nec permittam ut me capiant, concludo in Nomine Domini, gratias agens D. O. M. pro viribus hætenus concessis; & licèt corpore langueam, animus tamen altissima metaphysicæ principia speculari anhelat; Ora pro me amice Lector, ut mea & tua mecum merces sit in cœlis.



IN-



INDEX CONTENTORUM.

Prologus in Physicam.

DISPUTATIO UNICA.

*De Quidditate, Qualitate, & Fine
Physicæ.*

QUæstio I. An Physica sit sci-
entia. 2. An Physica sit sci-
entia speculativa. 3. Quid sit ob-
jectum Physicæ.

TRACTATUS I.

In Primum Librum Physicorum.

DISPUTATIO I.

De Principijs entis sensibilis.

Quæstio I. An & quid sint

R 5

prin.

principia. 2. Quot, & quæ sint principia entis sensibilis. 3. An revera detur Materia prima Aristotelica, ac Forma substantialis.

DISPUTATIO II.

De Materia Prima.

Quæstio I. An Materia prima haberet actum entitativum. 2. An materia prima posset existere sine omni forma substantiali. 3. Quomodo materia appeteret formas substantiales.

DISPUTATIO III.

De Forma substantiali.

Quæstio I. An & quomodo formæ educerentur è potentia materiæ. 2. An detur forma corporeitatis. 3. An plures formæ substantiales possint esse in eadem

dem materia ; & una forma in pluribus materijs.

DISPUTATIO IV.

De Composito, Unione, & Privatione.

Quæstio I. An totum essentialè physicum distinguatur à partibus. 2. An & quid sit Unio in composito substantiali. 3. An, quando, & quomodo Privatio dicatur principiare.

TRACTATUS II.

In secundum Librum Physicorum,

DISPUTATIO I.

De Causis in communi.

Quæstio I. Quid sit causa in communi. 2. Quotuplex sit causa
fa

sa in communi. 3. Quid sit causalitas in actu primo, & secundo.

DISPUTATIO II.

De Causa Efficiente, Finali, Instrumentali, & Ideali.

Quæstio I. quid & quotuplex sit causa Efficiens. 2. Quid & qualis sit causa Finalis. 3. Quid sit causa Instrumentalis & Exemplaris.

DISPUTATIO III.

De Causa Efficiente Creatâ.

Quæstio I. An accidens possit producere substantiam. 2. An idem effectus possit produci à duabus causis totalibus efficientibus. 3. An detur potentia obediencialis in quolibet ad quodlibet.

DI.

DISPUTATIO IV.

*De Causa efficiente Increata, vel
Deo.*

Quæstio I. An Causa prima
concurrat immediatè ad omnes
actiones creaturarum. 2. An
Causa prima prædeterminet se-
cundam physicè ad agendum.
3. A qua causa proveniat deter-
minatio effectûs quoad speciem
ac individuum,

TRACTATUS III.

In reliquos sex Libros Physico-
rum; In Libros de Cœlo, & Mun-
do; Generatione; & Corru-
ptione.

DISPUTATIO I.

De Motu, Loco, & Vacuo.

Quæstio I. Quid sit Motus,
Locus, & Vacuum. 2. An duo
cor-

corpora possint esse simul in eodem loco. 3. An unum corpus possit simul esse in duobis locis.

DISPUTATIO II.

De Infinito , Continuo , & Duratione.

Quæstio I. Quid & quotuplex sint Infinitum , Continuum & Duratio. 2. An sit possibile Infinitum categorematicum. 3. An Continuum componatur ex solis indivisibilibus.

DISPUTATIO III.

De Mundo & Cœlo.

Quæstio I. Quid , & qualis sit Mundus , & quando factus. 2. An Mundus potuisset fieri ab æterno. 3. An Cœli sint corruptibiles.

DI-

DISPUTATIO IV.

De Generatione & Corruptione.

Quæstio I. Quid sit Generatio, subjectum, & terminus ejus. 2. Quomodo fiat intensio alicujus qualitatis. 3. Quomodo fiat rarefactio.

Continentur sparsim dubia quædam, ex quorum solutione cætera, si quæ videntur deesse, facile comprehendi possunt.

O. A. M. D. G.







